



6

19-c

44

g12

20

f

66



Ex Bibliotheca
majori Coll. Rom.
Societ. Jesu


20 20 g-2

19-c.44

115

M





SERENISS. PRINCIPI

CAROLO SECUNDO

MAG. BRIT. FRAN. ET HIB.

Bibl. Coll. Soc REGI *Sec. Com. Tenu*

VOTUM CANDIDUM

VIVAT REX.


AUTHORE

MAURITIO NEOPORTO *Anglo.*
Societatis Jesu.

Editio altera emendatior.

LONDINI.

Typis Neucomianis 1669. +



George Washington

President of the United States

1799

Washington

1799

Washington

Washington

Washington

Washington


Washington

Washington

CAROLO SECUNDO

REGI

Musa.



Votum offert tibi, Serenissime Princeps, e contubernio Poetarum meorum unus, ab animi integritate candidum illud quidem, sed a domini impoliti sensu multo rubore suffusum. In conspectum tibi non ausus se dare fluctuabat diu, & cogitationum variarum æstu in utramque partem agitatus modò erigebatur in spem, in metum modò revolvebatur. Apolline inconsulto nequid fieret, omitteretque illud solenne nostrum, erat ab oraculo petenda cautio. Facere illi porro necesse habebat. Sed a victima lautiore, seu Clitumni pascuis vendicabat excusatio fortunæ modicæ. Accidere demum ad aures visa responsi vox ejusmodi:

*Non tu pectus inhospitum
Tentas, quisquis ades. Qui patet omnibus,
Nullum non recipit, sinus.*



Discessit enimvero latus a tripode. Sed quoniam involvere se Deus obscuris solet, suspecta con-

tinuò de cortinæ involucro aliquo sententia fuit.
Itaque sinus ille hospitalis & capax, qui patet omnibus, & nullum non recipit, veretur Poeta meus, ut sit admissurus se, qui nullus est. Sit nullus sanè. ramen si super inane illud & vacuum suum ferri spiritum senserit benevolentia tua, ex nihilo fiet aliquid. At quale futurum istuc sit, arbitrii tui est. ad volatilia cœli non contendit. creationis tuæ beneficio modò numeretur inter reptilia terræ, satis erit. in recognitione peculii tui, seu volet ille, seu reptet, numerabis, opinor, in tuis, quod tuum est.

Vitæ, quod offert, Votum est. In hortum vitalem irrepere ausus decerptum e ligno Vitæ fruticem in chartas suas transtulit. Irrigavit, quantum licuit, petito latice e fonte meo. at nisi calore foveatur radiorum tuorum, quàm timet, ne soli jejunitate protinus intereat! Deponit igitur ad pedes tuos hos qualescunque conatus suos; quos si vultu, quo cætera soles, dignabere, vitalitatis aliqua parte animandos etiam ipsos sperat.

LECTORI.

A Mice Lector, me quoque Minervæ placuit aggregare ad noctuas suas. Equidem mei probè gnarus fugi hucusque diem. ac proinde mirum non est, si emer-
sus jam nunc e tenebris perstringi mihi oculos ad lucem sentiam. Venerunt pridem in manus Poetarum quorundam & præsertim utriusque Academiæ super adventu Principis gratulationes insignes. Et me pariter, cum unus, aut alter annus intercessisset, ut retentarem aliquid in carmine, afflavit spirans ex Helicone nescio quis furor. quis enim nisi furiosus, hoc ætatis, post intermissas tanto intervallo exercitationes hujusmodi, quippe qui ab annis jam viginti, Thaliâ res suas sibi habere jussâ, ne ad carmen quidem unum vocem exercuisset, ad pangendum denuo accingeret se? Atqui non tam alienum ab omni modestia esse oportebat, ut vulgandas, sive in tabularii memoriam referendas censerem insulsi-
tates meas. Insulsius fortè, quod prætexo, e trivio petatum illud, & sæpe affine mendacio: at asserere veritas cogit, & uerecundia suscepti operis. Anno propè integro, quàm apud me delituerant, inter-
ventu unius e familiaribus meis, ut emota semel mens procliuior sit ad lapsionem, instinctu aliquo novo adigebar, ut non satis mihi videretur insanisse semel. Non is erat, unde ciconiam, ut aiunt, a tergo pinsentem, sinnamve posticam timerem. suspecta potiùs esse poterat de indulgentia humanitas amici, quæ in insipientia mea plùs æquo conniveret.

Erat carminis hujus ortus, ut ingenuè fatear, non aliunde, quàm a fortuito. Cum incidissent semel oculi, quemadmodum aliàs sæpe, in vulgare illud, VI-
VAT REX, ad postem quendam affixum, subibat continuo tentare me in otio illo, an versum unum aut
alterum

alterum circa materiam propositam possem efferre. Ne aliud ex alio solemus peccare, currente postmodum roza, hic urceus exibat.

Absum longiusculè a bis puero. tamen in ordine crepundiorum hæc siquis locet, haud succensuerim. Atquæ sunt ea, circa quæ, inter operas quidem succisivæ, lusione aliquantùm laboriosa lusum est. & Pocsim recognovi subsecivam rem haud esse. Interim si cui tantum otii erit, ut hæc mea legat, ne, quæso, sit ejusmodi, quæ sciorum instar de singulis conatus meos in questionem postulet. Quo in discrimine sim, luculentè video. sic enim ferè vel respuit vel admittit, ut quisque, dicto vulgi non nimis concinno, nasum habet. Cui unguentarius est, spirante surdum materia ipsa, in verum meo requireret onychem. Cui Cilix, seu Pæstanus, desiderabit hortum. Atticus ille & gracilis nonne Bæotia meæ obesitatem aliquam fastidiet? Eminentiori illi & sublato nonne humilia, & quasi Parnassi pedemontana jacebunt omnia? Et simulus contrà suus non nemini, credo, in deliciis est. huic, siquid emineat, timere videbitur in Apenninum. Ab aduncitate demum illa, quam notare videor, (pro Averrunci fidem!) cui impune fuit? Aliqua non me fugit esse, quæ, si minùs instituti egressa lineam, certè producta seu excurrentia fortè videbuntur. quorum tamen, & cæterorum, quæ suspicionem vitiosi habeant, circumspectio ea fuit, ut non dubitem, quin rationem plerisque omnibus probare possim. habebo gratiam, si præcipientes ad animadversiones non fuerint. Imago spectanda, multùm refert, quo in lumine collocetur. Quicquid delirat auditor, poeta plectitur? non continuò aberro, si non percipior a quibusdam, quod collineem. Fateor me in argutiis consecrandis parcum; quæ profectò, vinorum instar quorundam, gustatæ magis, ut inquit ille, quàm potatæ delectant. ab his me consultò abstinui; fortè quia non aliter valui, stupore in fastum verso. Malè mecum actum, si in Momum incidero, si solcarum in Venere crepitus displicuere

Momo,

Momo, quid avena mea stridente fiet? Equidem in delictis non admodum pugnax sum. id tantum moneo. si sutor est, conficiat ipse soleam, quæ non crepet; si fistulator, compingat arundinem, quæ non strepat. denique, id quod eodem venit, si quis rigido me ungue vellicet, obicio tritum illud,

Præstiteris sodes; laus eà major erit.

Notetur imprimis non latuisse mihi Poematis genus aliud, Caroleida scilicet aliquam, plus affecturum fuisse legentis animum: quod nimirum in Personarum varia inductione atque imitatione confisteret; quæ res Poetæ præcipua laus est. Caterum fieri istud vix poterat absque offensione. itaque commentari quid ejusmodi in animo nunquam habui. Id maxime propositum fuit, in Voti alicujus exhibitione, optare Principi Vitam diuturnam: Vitam jucundam, affluentem, & gloriosam; deinde Vitam æternam. Quæ per totum opus sparguntur, eò tendunt, seu ut Vota, seu ut Media. Quod ad materiam attinet, quod in talem fortè inciderim, nondum piget. Quod ad carmen autem, dem negotiū mihi satis, si, quid quisque sentiat, laborem. Legentium nemo est, qui non sciat

sic tendere versum;

Non secus, ac si oculo rubricam dirigat uno.

Cum, expensa conditione rerum, stomachari Lector desierit, quod præter expectationem quid Ethicum potius, quàm Panegyricum in lucem ediderim, erit fortè, quando reditura cum illo sit in gratiam Musa mea.

Unum id liceat addere, pergratum mihi fore, si priorem editionem anni 1665. quando præproperè omnia, ac tumultuario impetu agenda erant ob Pestem ingravescentem, quisquis apud se habet, abjecerit.

Vale. Et, siquid dignum sit, quod ametur, ama.

Londino 1669.

E R R A T A.

P. 25. l. 35. <i>Pfal.</i>	Lege <i>Sap. c. 9.</i>
P. 54. l. 11. <i>didiscet</i>	l. <i>dediscet</i>
P. 66. l. 32. <i>Cornipidem</i>	l. <i>Cornipedem</i>
P. 82. l. 17. <i>Pertentat :</i>	l. <i>Pertentant :</i>
P. 93. l. 17. <i>Hidaspeum,</i>	l. <i>Hydaspeum,</i>
P. 96. l. 7. <i>sublimor</i>	l. <i>sublimior</i>
P. 104. l. 17. <i>Cymatologe :</i>	l. <i>Cymatolege :</i>
P. 121. l. 15. <i>Togaque, (gine</i>	l. <i>sine commate.</i>
P. 139. l. 12. <i>Statue in mar-</i>	l. <i>Statua</i>
P. 141. l. 12. <i>celebs.</i>	l. <i>cælebs. seu cælebs,</i>
P. 142. l. 1. <i>alternæ</i>	l. <i>utrinque</i>
P. 143. l. 16. <i>recingitur</i>	l. <i>accingitur</i>
P. 144. l. 19. <i>Defensoremqæ</i>	l. <i>Defensoremqæ</i>
P. 158. l. 36. in nonnullis paucis impressionibus per errorem, antequam adverteretur, impressum invenies <i>vamit</i> Lege <i>vitam.</i>	

Quando occurrit *lauru*, prophano, *Folas*, *Fapyge*, *Fapyx*, *jaspis*, *jaspide*, *Farbas*, lege potius *lauro*, profano, *Iolas*, *Iapyge*, *Iapyx*, *iaspis*, *iaspide*, *Iarbas*.
Cætera corrigantur a benigno Lectore.

VOTUM CANDIDUM VIVAT REX.

PARS I.

Optatur Principi vita. Vita causas in natura nullas certas habet. Est igitur a Deo expectanda. Quod inde circa Partis hujus finem concluditur, & cætera alia, quæ interjiciuntur, inter legendum Lector facile animadvertet.

Extremum hunc, Parnasse, mihi concede laborem.
Regi pauca canenda meo. Cecinisse supremum
Sic juvet, extremoque operi imposuisse coronam.
Forsan erit, cui desipiam : vacuusque recedet
In ventos labor. An ductum probet ille cicuta
Tam tenui Princeps tantus (languente Minerva
Natum opus, & nullo quod splendet Apolline) carmen?
Sunt, quibus augusti sacras ad Principis aures
Contendat meritis quæsitæ superbia, dotes
Aoniæ, Numen præiens, Vatemque sonans os.
Sunt. Et adest— (a) Ut vultum ætas, & mentis honestat
Prudens canities ! Illo per (b) regia rura,
Per (c) juga sacra ferente pedem, Thamisaque Tempe,

Ingressus
operis: cui
se agnoscit
Author
non admo-
dum ido-
neum.

Mentio
Poetarum
aliquot no-
stratum.

Circa quæ Lector hærec, seu hallucinari fortè poterit, ex iis explanari aliqua passus sum ad paginarum calces. Adjici plura non probabatur. Mallem quandoque a nonnullis non percipi, quàm commentariis ridiculis scholam agere. Minutis tamen paucis ineptire offensionem magnam non habebit.

(a) Denham, jam senior. (b) Saltum Winsoriarum :
(c) Templum D. Pauli, & arcem Winsoriam in edi-
tis locis sita, cum pratis eidem arci, & Thamisi conti-
guis, Materiam cujusdam Poematis Denhamiani.

An montem quis Pierium neget, indigenasque
 In (a) Collem, Coopere, tuum migrasse sorores ?
 Sunt. & adesse (b) Virum cerno, cui duplicem vernant
 Fronde comæ. (c) Modò siparii pacalis in umbra
 Secubat, Insuæbre olim, Ausoniamque secutus
 Mystra tubam. At lauru germen decerpserit illa
 Quis mihi, Parnassoque meo ? Seu prælia, scenæ
 Seu ludos parat, & Ludos, & Prælia miror.
 Ecquis adest ? aurem Phœbo admovisse videbar.
 Wallerus cecinit. Musis solet esse vel ipsis
 Lis anceps idem, dignusque sororibus error.
 Ingenio vis altivolans, & Pegasis ala.
 Illa fretus adit nubes, (servare sequendo
 Quæ mihi det fugientem acies ?) & sidera tranat
 Livorem super, insectansque altissima (d) telum.
 Et te quis tacitum interea, Coulæ, relinquat ?
 Jucundum, ut solo notum mihi carmine, nomen.
 Pindarica fidens, & versicolore Camœna.
 Coulæus : quo non alius facundior amnes
 Cyrrhæos cantu ciet, Aonioque Latinas
 Doctior in patriam deduxit vertice Nymphas.
 Felix, si sibi paruerat, spumamque juvena
 Virginæ non miscuerat Cythereïda lymphæ.
 Serta virent aliis non inferiora, nec afflat
 Numinis aura minor. Liceat tacuisse. Tacenti
 Gratia par debetur. Olor canat alter Olores.
 Pergite Castalii patris lectissima turba,
 Castalidum decus, & pulchro indulgete furori.
 Sint proprius vobis amor & Parnassides umbræ,
 Pirene, & Pindi nemus, & Permessides undæ:
 Otia plena Deo, & populo secreta prophano.
 His datur, his limen, Princeps, insistere detur,

(a) Poema illud Denhamii sic dictum, Cooperi collis.

(b) D'Avenant. (c) Scripsit primò Gundebertum Longobardum. post transtulit se ad descriptionem Scenicorum.

(d) Sic linguam invidiam appellat ille. βέλῳ ὁ ἰνιδία.
 Lauri-

Laurigeramque inferre tuis penetralibus artem.
 Sim comes; at subeam ponē, exteriorque salutem.
 Non audet tantæ coram se credere luci
 Musa rudis, cui rura suum allevēre pudorem.
 Quisque pudens timet. Ipsa simul jam decolor annis
 (a) Obsolet emeritis, toto cui vertice canam
 Ætasque, & labor, & curæ sparsere senectam.
 Quin & bis denos clausit modò Cynthius orbes;
 Et senium, & curas æqua dimensus habena,
 Cùm mentis mihi Pieriæ deferbuit ardor,
 Languidiorque sitis solitos accedere fontes
 Desiit. Ex illo, (b) causæ melioris hebebat,
 Marte retuso, ut primùm acies, me rura tenebant,
 Damœtas inter, plenos & ruris Jolas,
 Servantem sylvas, & tesqua inhonora colentem.
 Læsa dolent. & Parnasso sua fortè querelis,
 Ignoscenda quidem, nimis est acclinis egestas.
 Hic propriis ego, nec Patriæ communibus idem
 Aggemui minus, amota testudine, curis.
 Ad salicem appensa testudine, missa Thalia est,
 Et choreæ, quibus accinuit festiuior ætas
 Thespiadum reliquæ; de pennatoque caballo;
 Quàm (c) lachrymæ exilis quos elicit ungula rores
 Nonnunquam, superest aliud nihil. (d) Umbra superhi
 Nominis apparet quædam. Laudatur; at alget. (unus
 Id modò propositum est unum, ut, licet agminis
 Extremi, sanguisque, ut dicitur, e grege mutus,
 Cyrrhæ municipales saltem inter, & extima clivi
 Per juga succlamem, VIVAT REX. Consona voto
 Candida vox, non fusca meo. Proh, quis mihi vocem;
 Mæonii vocem lateris det habere, meique

Proposi-
tio.

(a) Obsolebant in illo dignitatis insignia. Cic. in Ant.

(b) Regiæ viz. prævalente jam parte adversa.

(c) Carmen sc. aliquod tristius, ut occasio fert.

(d) Nomen, quod restat, a Caballo veniens, ecquod-
 nam porro istud est?

Ad numeros voti ? Libyam, sitientis & Austri
 Illa domos, Boreæ gelidas & personet arces,
 Hesperii que, & Mygdonii loca dissita mundi.
 Audiat, assensuque per atria lucida vocem
 Ingeminet cœlum, V I V A T R E X : ille paterno;
 Et patrio, & proprio surgens e funere Phoenix,
 Gentium amor, Patriæ tutela, Propaginis aureæ
 Læta bono nos e cœlo spectantis imago.

Æquum
 est, ut
 damna
 præterito-
 rum anno-
 rum com-
 penset de-
 hinc Vita
 Principis
 longior, &
 felicior.

Hactenus aut rigidi Chalybes, feritasve luporum
 Ductilis in Fati stamen, silicesve Geloni
 Materiam fuso, ducendaque pensa dederunt.
 Prima nuces cum prætexta quæ porrigit ætas
 Et Divas habuit faciles, & lanea fila ;
 Donorum illa rudis tamen, imprudensque suorum.
 Post, ubi creverunt anni, (a) pueritia quamvis
 Cum bulla vix dum Laribus transmissa pependit,
 Heu facies rerum extemplo quàm ferrea visa est
 Incurrisse oculos, flexumque ætatis egenæ
 In primum vis curarum transversa ruisse !
 An vos arguerim, Superi ? num sidera læsa
 Censuerim ? Manet hæc Superis immota voluntas;
 Ut, quem ad magna parant, explorent magna: nitefcant
 Et tyrocinii vario ceromate Virtus,
 Quæ laudi nata est : rerum illa in pulvere multo
 Versanda, & sole a multo ductura colorem.
 Te quoque, ut esse, quod es, posses, quem grandia finxit
 Ad merita exortis palmæ supremus Aliptes,
 Par erat esse tui testem, Vir magne; probandæ
 Dura rudimenta, & certamina cruda palæstræ
 Debebantur : erat tentandum his ignibus aurum,
 Ex quo nimirum mox essent secula genti
 Aurea procudenda tuæ. Nunc orbita rerum
 Vertitur, & facies subit altera. Damna prioris
 Fortunæ, & fati frontem, rugasque juventæ
 Ut pensent læti soles, annusque repexo

(a) Actæ rege alio non pueritiæ. *Hor. in al. Edit.*

Venturæ

Venturæ lucis radio productior, æquum est.

Et quoniam esse Deas fama est Heliconia, Parcas
 Nomine, lanificas, fusi vertigine sacra,
 Quæ statuunt nobis in vellere ferrea jura ;
 His ne commoveam bilem, libare fluenti (est ?
 Quis laticem modicum vetet, & prensare quod usquam
 Ergo Deas supplex affabere, Musa, superbas ?
 Ambiri affatu blando, & prece supplice Numen
 Austerum petit. Annuerint modò, multa tabella
 Pendebit templo; & Lachesis, quod (a) odoret, habebit.
 Deducant pensum dices ut pollice lento ?
 Hæerere ex illo dices nos, nostraque filo ?

Multa colo veniant ut vellera ? multaue migret
 In fusum colus ? & damnis cùm cœperit hujus
 Ille tumere, novo dices dispendia sumptu
 E calathio præstet manus impigra ? Staminaque addant
 Staminibus, vox si qua lucri sonet inde, sorores
 Vel mea, Rex auguste, tuis ? At bruma peredit
 Lanam multa meam, & traxerunt pensa rigorem
 E ferro multum. (b) Dices, geniale Juventæ
 Ver ut depestant potiùs, byssique recentis
 Delicias, tenera Euterpes quas insula mittit ?
 Fila nec inde mihi tantum pete. Sidera si quid
 Riserunt, si quid Phryxæo e tergore carpit
 Phœbus, ubi veris currus in pascua ducit,
 Immittant filo dices ? Procul illa maligno
 E tribus illa soror cum forfice : torpeat illa
 Jam Majestatis pridem rea dextera (c) læsæ.

Verùm age, flecte aliò. Mortis qui vendicet annos
 Immunes, atque imperium fatale recuset,
 Nemo sit. Æterna pendentem ex arbore vitam

Mors certa.
 ta.

(a) Sumitur pro odoratum reddo, ut apud Ovidium
Metam. 15. & alios ; seu in activa voce pro odoror, vel
 olfacio, ut apud Cicer. post reditum.

(b) O Musa, videlicet, ut antè.

(c) In Carolo primo.

Non

Non opis est nostræ contingere. *flammeus* arceet
 Excubitor, telique minax *versatilis* ira.
 Debemur morti, qui nascimur; ex uteroque
 Addicti dominæ nomen transcribimus urnæ.

Mortis
 certæ tres
 causæ
 præcipuæ.

Quæ mortem efficiunt certam, sunt multa. Vel ipso
 Causa tibi prima est a corpore. Nonne vides, ut
 Principia ingenuit massæ diversa Prometheus
 Corporeæ, quæ continuis, certamine cæco,
 Intestinum odiis studia in contraria Martem
 Exacuunt? Socia illa quidem, hospitibusque Penates
 Confusi. tamen æternas discordibus armis
 Exercent inimicitias, & vulnere semper
 Civili perimunt, pereuntque. Hinc aspice, partis
 Futuram alterius, primævam in corpore partem;
Materiam appellant, qui cudunt nomina, *primam*.
 Illa novos, jam jamque novos, discrimine nullo,
 Sollicitat thalamos, tedæque oblita prioris
 Innumeras ambit non æqua in fœdera Formas;
 Mox alios, & mox alios meditans Hymenæos.
 Hospitis occurfu alterius, dum tædet amorum
 Instabiles animos veterum, prior interit hospes.
 Interitus una hæc omnis perhibetur origo.
 Præcipuam te sacra tamen docet exedra causam.
 Peccatum Mors ex pacto manet. (a) Icimus. omnis
 Conditionem adiit Natura: spopondimus omnes.
 Inde, ubi perfidiæ sub malo semina fovi,
 Exequiis tuba continuo, pompæque futuræ
 Præcinuit. cineres indixit, & impia busta,
 Legemque, injecto tabulis (b) ter pulvere, sanxit
 Æternam Prætor. Canit importuna volucris
 Inferias, Hortique ululant ad limina Diræ.
 Vixit avus, feri vivunt hac lege nepotes.

(a) Huc spectat, quod circa æs, æneamque libram
 addit Caius præter cætera, lib. 1. instit.

(b) Allusum ad morem in funereis usitatum.
 Injecto ter pulvere curras. Horat.

Et quamvis meritorum alis subvesta tuorum
 Fama tuum, Princeps, portat super æthera nomen :
 Quamvis densa fores incingunt arma, tuumque
 Terra equitem tremit, & Neptunia marmora Tiphyn :
 Amne sinus quamvis illabitur Hesperis aureo
 Unda tuos, & Gange, (a) tuo modo, gemmeus exis :
 Pulvis es. Et Titulos, & Opes, & Prælia pulvis
 Excipit. extrema est in pulvere linea rerum.

Certa suas Mors sub leges vocat omnia. Vitæ
 Nec ratio est incerta meæ minùs. omnibus usu,
 Mancipii ritu nulli data vita. Nivoso
 Vertice præterito, viridem Mors sæpe juventam
 Insequitur : sæpe enervis cervicibus, & quas
 Devovit telo Morbus, festiva pepercit,
 Florentes aggressa. Ithacæ nunc illa genistis;
 Nunc Libano falcem ambiguam, & frondentibus infert
 Phæacum sylvis. Ut cuique sit obvia, tondet
 Nunc humilem, nunc regalem Proserpina crinem.

Musa file. ingentem renovas incauta dolorem.
 Nam subit, hunc nostra ludum quàm nuper in aula
 Insultans ostro Dea luserit. Advena fratres
 Invisit soror. at venit, trahe carbasa Nauta,
 Non reditura. O virginibus deslenda Batavis,
 Nympha Britannine, & multùm deslenda Britannis,
 Et Regum soror, & soboles, & regia mater !

Et tabulis te regalem fatalibus addit
 Mors incerta sui testem, fatumque refiget,
 Glocestri, vis nulla tuum. Fraternal Sororem
 Teda præit ; lenti Fratrem sed ponè sequuntur
 Luctus, & trahitur curarum in longius ordo.
 Pulla mihi mens exuitur cum veste ? recessit
 Ex oculis, non ex animo. Sed figere certos
 Mœrori decuit fines. Et fortè latentem
 Quæ lachrymis salis inspersit Natura saporem,

Vita in-
 certa.

Hic mentis
 incidit de
 Maria Au-
 raufionensi.
 In Angliam
 veniens e
 Batavia
 Fratres re-
 duces in vi-
 sum mori-
 tur.
 Item de
 Henrico
 Duce Glo-
 cestriæ, e
 tribus fra-
 tribus uno,
 paulo ante
 mortuo.

(a) Ex conventis nuptialibus, quibus cessit sub ditio-
 nem Britannicam pars ibidem aliqua India Orientalis.

Ut

Ut scirent, eadem monuit. Sapuisse licebit,
 Cui doluisse parùm satis est. Proba lachryma tardè
 Aruit. Et quædam, perhibent, est flere voluptas.
 Parca magis nulla est, minùs invidiosa voluptas,
 A lachrymis quàm quæ trahitur, gaudetque dolendo.
 O bene, si, fueras quàm felix indolis, ævi
 Tam fueras felix. Meritis qui præterit annos,
 Incusatque moræ, sibi destinat arbitra cano
 Parca senem in puero. Profugo dant exera mitem
 Testa Larem: reduci limen natale pheretrum.
 Est aliquid pressisse oculos, & frigida saltem
 Oscula sic (a) positi repetisse. Suprema manebat
 In fatis si perverso tam funere præceps,
 Nec votis inhibenda dies, qui spiritus esset
 Henrico supèr, extremum legisse decebat
 Ore pio Patriam, dederat quæ provida primum.
 Ereptum nobis querimur? sua dona reposcunt,
 Indignisque diu Superi permittere terris,
 Quæ maturavere, negant. Si fabula nobis
 Vivitur, haud melior semper, quæ longior exit.
 Anglia, parte sui quanta minor! unica gentis
 Spes non illa quidem, tamen e tribus occidit una.
 Dives virtutum, patriorum dives amorum,
 Laudum dives, inops (sic Dii voluere) dierum.
 Sic voluere? novo ut tantus redeuntia fluctu
 Gaudia inundaret dolor? ut crudeceret ictu
 Irritanda novo propè jam coitura cicatrix?
 Ut sidus, quod natali regione refixum
 Errore ignotos longo peragraverat orbis,
 Cœlo deinde recens patrio, sphæræque receptum
 Axe suæ, statione iterum peiora moverent
 Imperia, exilii æterni missura sub umbras?
 Quid vitæ flore in primo spem divitis ævi
 Ostendisse juvat tantam, si flebile germen,

(a) *Vocabulum funebre apud veteres, ut apud Virg. de Anchise, & Pallante.*

(a) *Funcibus*

(a) Funeribus tantum ornandis, animæque futurum
 Spargendæ decus, ante diem malè sedulus unguis
 Demetat? Egregium juvenem quid fervida refert
 Tot vada Fortunæ superasse, quid ariete portum
 Votivo rubuisse, Noto insultasse coronas,
 Suspendisse pium Galatæ in littore vestem,
 Servato ex undis maneat si naufraga terra?
 Siste. polo Phlegram indixi. bellasse Typhæos
 Hoc erat, æternæ Mentis movisse recessus.
 Sic voluere? sat est voluisse. His certa voluntas
 Hæc sedet, incerto rerum ut discrimine versent,
 Quicquid obit semper sibi dispar orbita, Lunæ.

Atque hic (ne tenues pigeat divertere mentem
 Ad casus) meminisse libet, cum regius olim
 (Sex illi brumæ, vix septima fluxerat æstas)
 Chelsæi curru sublimis in æquora campi
 Ferret iter puer, & placidè aspirantibus auris
 Occiduam in lucem, cælo frueretur aprico:
 Ecce novi transversa fremunt ab Japyge nimbi,
 Incumbitque solo Caurus spirantior: & mox
 Pulverea in cumulos subvolvitur undique nubes.
 Insurgunt tenebræ campo magis, & magis ater
 Aggeritur turbo. descenditur. ocyus omnes
 Vicini gressum advertunt ad (b) littoris oram.
 Hic, ut erat ramis, & cespite fultus odoro,
 Prætereunt properæ per cærula fervida cymbæ.
 Cymba volat: fociis nec deest sua lintribus ala.
 Tonsæ addunt animos. adductis crebra lacertis
 Palmula plaudit aquas, alacrique celeusmate remæ
 Prima novum e transtris in vota vocat (c) Melicertam.
 Clivosæ ille supèr recubans in margine ripæ

(a) Allusum ad illud de Marcello, & consuetudinem
 veterum accumulandi tumulos, seu animas puerorum
 floribus, ut apud Virg. Æneid. 6.

(b) Ad ripam Thamisis.

(c) Ducem, sc. Glocestrium.

C

Despectat

Despectat celeres immoto lumine fluctus :
 Seque undis jam tum solers agnovit in illis.
 Namque videbat, uti per ripas impiger amnis
 Ferretur cursu denso, spacioque liquenti
 Se fugientem in terga sequens, fugiensque sequentem,
 Incumbensque sibi, facili declivis in alveo
 Communem ad gremium devolveret agmen anhelum,
 Respectans inde ad comites, me fluminis hujus
 Me signat præceps, inquit, fuga. Pectore cedunt
 Injussi gemitus, suffusaque lumina rorant.
 Hoc distant uno Thamisi mea tempora. prono
 Ille ubi paulisper defluerit amne, supino
 Tramite flectit iter, festoque revolvitur æstu.
 Cursus ut exigitur meus, irremeabilis esto.
 Limes & est forsan non longè dissitus annis
 Ille meis. Absiste puer. mala verba procellæ
 In vacuum vertant, in nubes irrita venti.
 Sed neque verba tulit ventus, neque verba procellæ.
 Debita erant ventis ; at fluxa loquentis ab ore
 Eripuit Deus, & fatis adamante revinxit.

Ergo, Puer miserande, tuis cùm læta redirent;
 Invidere, face averſa, tibi fidera. Nobis,
 Te nobis inviderunt. Sed rumpere (a) nodum;
 Quem triplici tanta implicuit concordia nexu,
 Non nisi (b) falce minax, cœlove indignius astrum
 Debuit. At Superis, credo, nimis Anglia felix
 Visa malum pœnis nec dum commune piaſſet,
 Tu nisi vere tuo steteras redimitus ad aras.
 Compleſſet paucas tenuis modò si mora lunas;
 Lætitix testis fraternæ, & nuncius iſſes

(a) *Trium ſcilicet Fratrum.*

(b) *Saturnus olim calo pulſus. Cauſa ea ſtella vulgò
 habita Exanthematum pituitoſorum: quo morbo Princeps
 interiit ante ſolennem inaugurationem, ſeu coronatio-
 nem fratris: quæ nimirum peragebatur Anno 1661.
 Menſe April. die 23.*

Sollicito

Sollicito (a) Genitori. Illi castissima gentis
 Narrasses studia, extinctæque piacula noxæ :
 In populo patriam, in nato rediisse parentem.
 Narrasses dignam sole, auspiciisque Deorum
 Affulisse diem, (O pulchro fata (b) patre propago
 Pulchrior, expectata dies !) qua vertice fulvo
 Imperium sedit triplex, & amabile pondus
 Appressit tota festiva Britannia dextra.
 Narrantem coetu quanto, quàm limina circum
 Stipassent fremitu procures (c) prætoria læto,
 Heroum genus, Heroumque in nomen ituri,
 Pro patria vitam qui projecere, sacramque
 Purpureæ sparsere animæ libamine causam !
 Sancte vale interea Juvenis, longumque valebis.
 Non alio sanè decorem te funere, quàm quod
 Instruxere tuorum amor, interceptaque vota,
 Virtutesque tuæ. Qualis rosa, candida qualis
 Seu rubra (gentilem (d) spirans viret utraque famam)
 Quam Cypris ante alios Floræ dilexit honores,
 Stricta noti penna æstivi, fluxoque soluta
 Vertice, decidua in sese, in gremioque sepulta
 Ipsa suo, fruitur nativo funere : talis
 Ipse quoque in te decumbes, roseosque jacebis
 Inter, quos tua fama tibi diffudit, odores.

Quæ reddunt vitam incertam sunt plurima. Vati *
 Adde gradum comes, & mecum interiora recede
 In Vitæ spatia. Objicitur via prima tuenti
 Indiscreta, ducemque petens iter. Inde videri
 Poscet opus, laudari opifex. Viden' ? Ecce potentis
 Imperii, quinis instructam sensibus, arcem,
 (e) Sedem Animæ dictam. Solio subnixa frequentem

* Vitæ in-
 certæ rati-
 ones vari-
 as dant
 etiam
 multa in
 corpore
 humano.

Caput :
 sedes spiri-
 tum ani-
 malium. Hi
 si effluant,
 seu per
 medullam
 spinalem
 obstruatur
 illis aditus,
 vita conti-
 nuè labat.

(a) Carolo primo, jam antè sublato. (b) Sole sc.

(c) Patris videlicet extincti.

(d) Pertinet utraque ad familiam regiam: Ru^lra Lan-
 castrensis, Candida Eboracensis.

(e) Sic, secundum Platonicos.

Illa regit populum, legumque in fœdera miscet.
 Hic (a) animæ graciles illæ, vitæque volucres
 Ingeniis fervent primis. exinde benigno
 Nervorum ductu, fœtu gliscente, per artus
 Diffugiunt, molemque agitat vis ignea totam.
 Instabiles certo teneant quæ vincula nodo?
 Hæ simul effluxere, fatiscimus: omnis & unâ
 Vita fluit, tenuisque vigor concedit in auras.
 Implicat hinc nervorum apices testudinis arcu
 Convexæ in summo *Meninx*: hinc tortilis ambit
Ventriculorum oras series; tum nexile casses
 Laxat *Retis* opus, properi queis sanguinis hæret
 Intercepta errore suo fuga, *Spirituumque*
 Progeniem inclusam mora nutrit, idonea donec
 Principiis animos teneris suffecerit ætas.
 Devexam inde vides Cerebri ad confinia massam?
Spinalem ludi vulgò dixere *medullam*
Pæonii. Stipata fibras quàm vertebra densas
 Colligit! His partes Motusque, & Sensus in omnes,
 Et virtus animæ spirabilis, & teres aura
 Funditur. At pateant aditus. Obduntur? in artus
 Irrepsit Mors: & labefacta repentè silentem
 Vita dat, infesto ceu (b) fidere tacta, ruinam.
 Quo tu cunque aciem converteris, undique fibris
 Objicitur cæcis textus labor: undique nervos,
 Et venas premit indeprencus, & invius error.
 Vita cave. Fati furtis accommoda fines
 Multa tuos intra cerno loca. lumina mille
 Quis tibi, mille tibi excubias accommodet Argus?
 Cor hinc digressum excipiet. notissima Vitæ
 Regia: prætulerim reliquis quam sedibus unam.
 Huic & opum, decorumque, & famæ credita summa est.
 Hæc, si quando recluduntur fatalia belli

Cor:

Spirituum
animalium,
& caloris
sedes.
Hic si nimis
effervescat,
vitæ pericu-
lum pariter
est.

(a) *Spiritus animales.*(b) *Apoplexiam hanc, quæ venit ab interceptione*
spirituum animalium, siderationem aliqui vocant.

Limina

Limina, vitalesque laceſunt claſſica fines;
 Perſugium extremum, & rebus fiducia feſſis.
 Hic illa, ignivomis quam ſuſtulit axibus olim
 Japeto ſatus, æthereæ pars optima prædæ
 In penetrali adyto poſita eſt. At ſiqua ſororum
 Intemeratarum, canæ comes addita Veſtæ,
 Aſſidet huic etiam pernox antiſtita flammæ,
 Pervigil eſto. hac incolumi res ſalva : perimus
 Exincta. Quid ais ? Vitæ uſqueadeone propinquo
 Nullus ab igne timor ? Genitalia quatuor inter
 Corpora, tam fines ultra Telluris, & Undæ,
 Aereæque domos, habitat cur extimus Ignis,
 Uſuque a noſtro longiſſimus ? An quia nuſquam
 Illi tuta fides ? Certè naſcentis ab ævi
 Exortu, ſeculis volventibus, affore tempus
 Præſenſit Natura ſagax, cùm tota laborans
 Eximii moles operis conſidet in ignes :
 Circumfuſo ingens porrecta ſub æthere moles
 In cinerum cumulos abitura, levemque favillam.
 Hoc metuens noſtris longè ſummovit ab oris
 Peſtem indignantem. hinc nocturnos lambere currus
 Juſſa, relegatamque facem ſubmittere Lunæ.
 Luna cave. petit alta ſuperbia. flamma ſuperba eſt,
 Viſceribus Vitæ in mediis tam fervidus hoſpes
 Hæſerit ? at nutrimentis incendia fomes
 Admotus nimis ſi paverit, hei mihi, flammæ
 Nonne Veſeva minus, quàm quæ mea, viſcera torrent ?

Perge. viæ fax præluceſt. Circumſpice, quanto
 Concuſſu Cordis ſubeat conclavia Sanguis.
 In vultu rubor ; at quali conchylia lanam
 Ambigua, & primo Sidon infecit aheno ;
 Qualis, ubi vix dum ſtratis excita ſeniles
 Sub lucem erubuit thalamos Tithonia primam :
 Et jejunos adhuc, & diſcolor. inde ubi ſumos
 In graciles vitium exudans excoxerit ardor,
 Fulgor inardeſcit novus, imbuiturque renidens
 Uberiore anima, coccoque ſimillimus humor,

Jamque

*Sanguis :
 vehiculum
 ſpiritus
 vitalis.*

De circula-
tione hac
post Har-
væum,
Medicum
nostratem,
alii modò
fusè.

Jamque viæ accinctus patulæ succedit *Aorta*;
Primum ingressus iter. pergentem tramite recto
Deducunt medium Natæ, multæque salutis
Affatu tradit citimis *Arteria Venis*.
Panditur inde sinu lato *Cava*. Cordis in illo
Flos, & amor, Vitæque opulencia navigat alveo.
Dicta *Chilis*. (Matrem Venæ dixere minores)
Dignanda (a) Eridani fatis, affunderet illi
Styx nisi sæpe suam nebuloso e splene paludem.
Hinc ubi discesum, viden', ut (b) collegit, iterque
Corripuit spatia interior per proxima lævum ?
Ad thalamum Cordis dextrum deflexit. at inde
Protinus obnitente propellitur hospes ab æstu :
Quæque *Arteria* per bibulos *venosa* meatus
Spargitur, *Æolias Pulmonum* appellit ad oras;
Siste. via forsan fessos levet aura. faventes
Crebrescunt animæ. Vicinis ignibus afflat
Quàm tempestivum plaga pulmonaria frigus !
Pulmo tumet gravidus, tum detumet : impiger auras
Concipiens auras enititur. Obvia si qua
Vis animæ portas oppresserit, æstuat intus
Confligens regio ventis, & tota procella est !
Cernis, ut interea toto Pulmone viator
Purpureus flexus varios init, ambiguoque
Occurrens sibi circuitu, *Nervoque* receptus
Venoso tractus iterum, & penetralia Cordis
Læva subit, nota rursum condendus *Aorta* ?
Hic virtus rerum est, & quicquid Vita decoro
Spirituum in censu numerat, congestaque gaza,
Herme, tuo, Pactole, tuo pretiosior auro.
Haud ego, si facilis verbo indulgentia detur,
Vitalis Fiscum regni dixisse verebor.
Et jam curatus Sanguis, multaque superbus
Vestura vitæ subductas corporis oras

(a) *Fluvii relati inter sidera.*

(b) *Dictum a nautis arma colligentibus.*

Invisurus

Invisurus abit. Ledæo naviget astro;
 A puppi surgente noto; comitentur euntem
 Cymbiaque, & pecudes niveæ, pennæque secundæ.
 Tuque adeo, ingenii dives, cui scilicet anguis
 Infanti, ut perhibent, cunas, Epidaurius anguis
 (Non alium reor) è cœlo demissus, amico
 Ambiit allapsu, & vagitibus æmula primis
 Innocuùm assonuere jocosæ sibila linguæ:
 Quemque modò æthereos inter Latonius ignes
 Excepit pater, amplexuque Ophiucus inhærens
 Vincula spirarum collo dat squamea circum,
 Huc ades, Harveie: & facilem da fidere cursum
 Conspicuo, medicæ pars O pulcherrima famæ:
 Seque suas artes discat Natura doceri.
 Eodem, Harveie, tuæ decurrunt tramite laudes;
 Semper inoffensæ, & famæ quem nulla prioris
 Hactenus arte Machaonia tentaverat ætas.
 Auspice te, hoc inceptat iter; te Præsîde, cœptum
 Pergit sanguis iter, cùmque oræ, te Duce, fines
 Legerit extremæ, partesque invexerit æquam
 Annonæ mercem, cursum permensus, ad omnes;
 Inde, omni factò pede, te revocante, Penates
 Ad primos remeat, sumptu de more refecto
 Ut solvat novus, æternumque recurat in orbem.

Gressum inhihe fessum, Princeps. provincia fessis
 Cætera vix aditu facilis. Subsistimus? & jam
 Tædet, credo, moræ: in tenuique operosus, & otj
 Nec parvus videor, nec inops. Ut (a) cerite plectar?
 Haud equidem, te præsertim censore, recusem.
 Parce manu. culpæ venia est. At respice, quantæ
 Sanguinis hanc Vitæque viam, & discrimine quanto
 Obsideant pestes. hinc lento frigore tabes,
 Ingeniis illinc discordibus utraque bilis,
 Inde gravis cæli morbo vapor, halitus inde
 E fibra sacer, & virus penetrabile, quali

*Sanguinis
 sâmen
 hoc iter
 sua pariter
 discrimina
 obsident.*

(a) *Cerites tabulas ceritem ceram vocat Horatius.*

Pocula

*De Sympto-
matis, quæ
accidunt,
certiores
nos facit
Arteria.*

Pocula non infecit Atrax, non Thesſala mater.

Una ſtat ad fines monitrix Arteria. quo res
Summa loco, doctus monitricem conſulit index.
Æquato micat in numerum, & ſibi redditur iſtu ?
Salvè. Subſultu vario ſibi diſſidet ? hæret ?
Intercurrit ? habes. (a) Myurum porrigit ? ægro
Increſcit timor, & medicæ qui ſupplicet herbæ.
Tardior intermittenti mora ? ſuggere ceras
Extremas, puer. An capræ ? formica ? ſub iſtu
Falcis es. hunc exire tamen datur. Ecquis at ille
Undoſæ tremor infelix ? ad tranſtra, ſudemque
Portitor, armeturque novæ ſcapha ſutilis umbræ.

An morbos memorem ? an numerum ſubducere tentem ?
Tam numierem ; quot Pleiadam ſub ſidere fluctus
Ex alto reſoni volvant ad littora Cauri.
Vita ſuis frondet foliis, ut frondea ſylva eſt.
Hanc quatit Autumnus ventis, Mors febris illam.
Sylvam ipſe Autumnus foliis an pluribus, idem
An Vitam ſpoliet noſtram, ſub iudice lis eſt.
Hic, Morti quot ſint aditus, tum copia Vitæ
Quantula ſubſidii, ſi mente pependeris æqua,
Certa cui lux hæc præſens, cui craſtina certa eſt ?
In lunam cui certa fides extenta ſequentem ?

*Neque ſol-
lunt hanc
incertitu-
dinem artes
medicæ.*

Ecce tibi in foribus Podalirius atque Melampus,
Gens Epidauria, Phœbigenæ, gens (b) addita Parcis,
Cum tripode oſtentans artem, numenque paterno.
Nimirum in ſoles hi vitam ducere ſeros
Dant tibi. continuò Tegexi e caulibus horti,

(a) Μύρῳ a medicis motus ſic dictus a muris cauda,
quæ ſenſim uſque ad apicem minuitur. v ante vocalem in
antepenultimis in his tantum producitur : μυελός,
πύελος, πυελίς, υέλός, αἰπυήτης, μύρῳ, μυοδένῳ,
ἐνυάλῳ. in cæteris omnibus corripitur, quantum
memini.

(b) Oppoſita, ut illud e Virg.

Et Teucris addita Juno,

Et

Et frutice ignoto Neleïa pullulat ætas.
 Nestora tu vives totum, a cornicibus alter.
 Adsunt, fatalem quinto qui (a) Melle retundant
 Forficis importuni aciem. His Hermetica nomen
 Ara facit, Liquidique auri panacea, Latexque
 Flammeus e mediæ concha cogendus Erythræ :
 Virus echidnæ aliis, Magneticus humor, Aliptæ
 Ora polituræ senii, rugamque secundam.
 Fallant hæc si fortè fidem, demittitur astrum
 E cœlo, radioque nomismata simplice fingens
 Sideream in terris dat (b) Talismanica vitam.
 Carminis O vis Præonii! Quid? & æthera (c) certum
 Carmen habet? Terræ quovis e germine Parcā
 Herba domat, pretii quam luteus irriget imber.
 Vilia mi placeant, donumque salutis inemptæ;
 Inque diem, quæ mox aderit suprema, trientem
 Pollincto liceat curtum, Cymbæque reservem.
 Vos ego, cognatum genus, & quos Cynthius autor,
 Occultas adytis e nobilioribus artes,
 Communis Deus, edocuit, nec falsa (d) Coronis
 Substituit, non incusē. Nos ut sinat esse
 Mortales, vos æternat Medicina. Potentes
 Agnosco, (e) diasque manus exosculor. at quas
 Omnia posse velim nullus, quia posse videntur.

(a) De nominibus medicamentorum similium Renat.
 Moreau ad scholam Salernit. p. 14. ubi adducit Artesium
 quendam gloriantem se illorum ope 1025 annos vixisse,
 atque id genus alia.

(b) De arte Talismanica videri poterit Gaffarel in
 suis Curiosis.

(c) An habent hæc carmina certum
 Imperiosa Deum? hoc est, ad nutum sibi obsequentem.
 Lucanus.

(d) Alluditur ad Nympham, ex qua Apollo fertur
 genuisse Esculapium.

(e) Οἱς χεῖρες. sic appellati.

Denique
hæc incer-
titudo ori-
tur a vari-
is casibus.

Sit sanè, sic annuerint si Numina, Pæoni
Omnipotens. veniant illi sub jura Podagræ;
Calculus, & Phthisis, & tota cum pyxide Febris;
Casibus at rerum a subitis, jactuque (a) canino
Cui cautum satis? E Samio nos nomine gentem
Ducimus. hospitio fragili Figulina recepit.
Fictilis. (b) illa taberna? patet. succede tabernæ.
Vasa situ video quædam obsita, candida quædam,
Passa rotam impune, e viridique recentia limo:
Nec vitium sonat ista fidelia. Sunt, quibus ima
In cavea sedes: aliis, e divite massa
Quæ finxit peregrina manus, subsellia prima,
Orchestramque dedit formæ præstantia cultæ:
Nec mensis olim, nec Diis ingrata secundis.
Dic, quæso te, si forsan conjeceris, horum
Ecquod frangetur primum? Frangetur, opinor;
Casus, ais, quod primum aliquis colliserit, aut quod
Ad terram casus primum dejecerit. At nos,
Figlinæque premant nostræ quot limina casus,
Quis, cedo, quis numero comprehenderit? æthere casus
A supero, a terra, mediis est casus ab undis.
Non est a senio timor? a levioribus annis
Esse potest. præceps nimis in sua damna juvenus?
Fulmina vitaris? Phlegæ tegula teli
Præstat sæpe vicem. Non læserit ursa Libystis,
Non te Marsus aper? muscæ nocuere, suamque
Commodat & vermi patrio Mors sæpe pharetram.
Chara tibi lux hæc meritò, votisque tenenda
Hæc vitæ statio est, Anima mea. Nempe ubi cælo
Reddideris modicam hanc usuram lucis, inanes
Ingressura viam in ventos, ubi castra moveri
Jusserit extremo Prætoria tessera signo,

Vita om-
nibus cha-
ra: Mors
nulli non
injudanda.

(a) Canis, Venus, senio, alea prona, sinistra, & cæt.
in aleis.

(b) Supponor ingredi cum lectore officinam aliquam.
vasorum fictilium.

Quò

Quò tendes ? nitidum cœli non ampliùs axem;
 Non solis jubar aspicias. linquendus avorum
 Et focus, & quæ jam nullos habuisse feretur
 Ara Deos. linques & quas tibi copia rerum
 Fecit amicitias, & quæ tibi gaudia fecit
 Rerum spe præcepta quies. oblivia Lethes
 Sed neque sola bibes : mox oblitura tuorum,
 Mox obliviscenda tuis. In viscera Matris
 Regreditur magnæ confors tuus : inque parentis
 Amplexu misero absentem te respicit unam
 Absens, & queritur non exaudisse vocatam,
 Frigidus, & sensu, motuque, & lumine cassus.
 Culta quidem exanguis struitur domus : &, quia limo
 E nitido veniens, & censum sanguine longo
 Multa genus cera, & fumosa notabat imago,
 Fortè suum tumulo decus additur, ossaque signat
 Incisum titulis veniens e Perside marmor.
 O mendax lapis ! hanc aliud non incolit aulam,
 Quàm (vulgus mutum) Vermes, & Pulvis, & Umbra.
 Se novat, aut reparat res quæque : suumque, superstes
 Ipsa sibi, eludit funus. Titania, lucis.
 Noctivagæ præses, post ægra silentia Phœbe
 Et redit, & rediens extinctos suscitât ignes;
 Interit, & vasto sepelitur in æquore flumen,
 Post iterum ut fluat ; Autumnum populata comantem
 Cedit hyems, cœlo redeunte : Favonius animum
 Restituit sibi, decussumque reponit honorem.
 Tu, cum decideris, Anima mea, nulla ruinas
 Sarciet hora. tuos urget Mors integra manes.

Vita mihi chara est, mors injucunda. Sed hanc quis
 Summoveat ? seros illam quis mittat in annos ?
 Est Mens, est cœli consistens vertice Numen,
 Attingens rerum fines, impervia rerum
 Principia æterno placitorum ex ordine ducens ;
 Fata cui, stellæque, volubile tempus, & annis
 Nexa futurorum series, ævique propago,
 Et rerum in varias abiens Natura figuras,

Mors &
 Vita sitæ
 in Dei po-
 testate.

Causarumque altrix, effectorumque ministra;
 Sub pedibus fluit. ille movet mea tempora solus;
 Temperat annorum sortes, momentaque librat
 Vitæ cuncta meæ. in lucem, cum jusserrat ille,
 Aurasque æthereas veni: cum jusserrat ille,
 Decedam, æthereasque auras, lucemque relinquam.
 Verto (a) solum, muto coelum, trans æquora curro.
 Cum volet ille potens rerum arbiter, immigrat ægra
 Sardinia in Tybur sanum, in mediamque recedit
 Sardiniam Tybur. Certo stant ordine fines:
 Ad quos me vel producit vel corripit, ævi
 (b) Regula non violanda mei, divina voluntas.
 Calco viam, incertus, Vitæne an Mortis. eunti
 Ignotum, variumque, & inextricabile trames
 Monstrat iter. Tua non optem, Minoia virgo,
 Fila: tuam implorem, vitæ suprema potestas,
 Incerto quæ cæca regat vestigia, dextram.

Pro vita
 Principis
 Votum.

Hunc saltem rebus Juvenem succurrere fessis
 Ne prohibe. Satis e venis fluxisse memento,
 Quo luimus poenam: ex oculis, quo denique noxam
 Eluimus, satis. Et veteris memor Anglia plagæ,
 Et necdum siccata genas procumbit, & aræ
 Poscit opem. Certè tellus e sanguine Regum
 Nulla tot æthereis transmisit nomina fastis.
 Quo peccet minùs, hunc proprium si supplice Voto
 Vendicet, indigenam munus: si nomine juris
 Prætexas causam, & meritorum robore Votum
 Armet. Erit, patrios olim cum regia cœli
 Accipiet Reges inter secura. manebit
 Grande moræ pretium. positum est in scenore tempus.

Conjectura
 de Vita
 Principis a
 Deo inten-
 ta ex habi-
 tu corpo-
 ris, & ani-
 mi.

Haud equidem, quid penna velit, seu lingua volucrum,
 Cum fatis seu quæ jactent commercia fibræ,
 Interpretes sim. Sidereis nec cœtibus ausim

(a) *Vertere solum non solius exilii causa dicimur:*

(b) *Ut libella explorat altitudines, norma angulos,
 sic regula longitudines. Jun. Nom.*

Inspecturam

Inspecturam inferre aciem, quo Principis ortus
 Ad primos radium Genius legarit ab astro.
 Nota minùs nulli domus est Tithonia, (a) Vitæ
 Illa donius : cœli facies, arcanaque regna,
 Quàm mihi, nota minùs nulli. Speculentur Oloris
 Candentem plumam, surgentis & aurea tecum
 Ora Jovis, Cepheique humerum, & talaria Persei,
 Queis sapere est altum sapere. Insuperiosior horæ
 Natalis pars sitne Aries an Capra, laborem ?
 Nec Pecudem, nec Avem, nec Sidera consulo. Solum
 Te Chaldeus ego, te sedulus Augur, Haruspex
 Te solum, Rex, observem. præfagia solus,
 Ominaque ipse tui dederis. Tibi corpus in artus
 Eximios finxit Deus, adjecitque palæstræ,
 Quem vel livor iniquus amet laudetque, nitorem;
 Et speciem imperio dignam. (b) Cultissima vestis,
 Sic animæ longævæ habeant, ut quærit haberi.
 Et vires habiles, utendique addidit artem.
 An favet alma valetudo ? jam luminis oras
 Ingresso & (c) Salve dixit Lucina, (c) Valeque.
 Subrifere Deæ : &, quas moverat æmulus Humor,
 Compositæ lites, &, cæsa non sine (d) porca,
 Pugnaces iræ mansura in fœdera missæ.
 Addita, discordes animi quæ temperet æstus,
 Mira quies. sua non solis est noxia labe
 Corporibus : mala sunt animo sua, visceribusque
 Iugentæ pestes. dolor hinc, hinc improba surgunt
 Gaudia, sollicitique metus, & dira cupido. (e)
 Quæ suprâ est animæ regio, tranquilla : quod infrâ est,

(domus.

(a) E 12. in oriente sita Horoscopus dicitur, Vita.


(b) Corpus indumentum animæ. Vestis bona quærit haberi. Ovid. Inde habitus.

(c) Mortuis dicebatur olim. Varro. Hic contrâ.

(d) Noxia qualitas in humoribus, semen intemp. Al-
 luditurque ad illud : Cæsa jungebant fœdera porca.

(e) Quàm noceant corpori hi animi morbi, Galenus.

Quàm



Quàm studiis miscet variis ignobile vulgus !
 Sic alto Sinai recubans in vertice Moses
 Otia cum Superis agitat cum pace silentis
 Colloquii ; multa fervent dum Thyade castra
 Interea , streperæque volutant murmura valles :
 Cymbalaque, & choreæ, & sistris laudatus (a) Osiris.
 Quo genitum cœlo te, quem tam rara laceffit
 Tempestas, hausisse reat quo fidere vitam
 Iudemnem ? certè ventos excedere fertur,
 Parnasso ille tamen nimum (b) vicinus, Olympus.
 Non sum animi dubius,quin,quæ mortalibus ægris
 Obveniunt, & te, Princeps, mortalia tangant.
 Sed tibi mens rerum prudens, quæque ardua menti
 Præsidet astrorum placitis sapientia major,
 Pacis inæquales motus ad fræna vocare,
 Teque tuum dedit esse. Virum, cùm finibus exul
 Arcebare tuis, te sæpius advena talem
 Ad nos Fama tulit. Famæ primordia serpunt
 Obscurè, & surgunt modico de fomite fastus
 Exiles. trepidam sensum se librat in alam,
 Inque, metu primo, confines nititur auras,
 Tenuis adhuc, mentisque anceps, atque inscia pennæ.
 Pòst, ubi vis animis, humeroque protervia crevit,
 Par (c) fratri soror, & jam dedignata (d) parentem
 Filia, cæruleis caput ardua nubibus infert,
 Alta, ingens, magnaque ferens se mole timorum
 Volvit centum oculorum orbes, centum arrigit aures,
 Et ventis avecta ferentibus, ocyor ipsa,
 Quicquid ubique leve est prævertitur, omnia miscet,
 Ingentem exiguis affingens rebus honorem.
 Lingua loquax : produntque vel ipsa silentia linguam.
 Virtutum illa tamen fines ingressa tuarum
 Defecit, siluitque loquens. Compleverat aures

(a) Sunt, qui vitulum aureum Osirim putent,

(b) Ac proinde fabulis obnoxius.

(c) Encelado sc. &c. (d) Terram.

Prægrandi latè sonitu prænuncia nostras;
 Utque tuos agili reditus præceperat ala,
 Sic annos animis præsumere jussèrat aureos.
 Dixerat ingenio pulchrum, qualesque Minervæ
 Duxisses ipso quondam sub pollice mores.
 Dixerat alloquio comem, tractabilis iræ,
 Quàmque tui, tam rerum utinam, regnique potentem :
 Adversis ut non minui, sic & neque lætis
 Imperii rebus tumidum fore, quique timeri
 Placatus posses, necnon iratus amari.
 Dixerat extorrem patria nova regna potiri
 In Regum dominantem animos, atque indolis aureæ
 Hospitibus latè populis imponere morem.
 Dixerat illa — Diem Fama præsentia dicet.
 At litem ipsa suam quoque fecerit. officit idem
 Carolus absenti præsens sibi. Fama fatetur
 Laudes detrivisse, sui non parca, minoris
 Sed culpa linguæ. Queritur sic Phosphorus astri
 Præcedens radio de candidiore sequentis.
 Sisto. rubet læsus pudor ? elicuere pudori
 Sanguinem, ut indociles Regum ad præconia, Musæ.

De cœlo servas Augur ? Præsentius æther
 Non dedit auspicium, Patriæ quàm pectora fidæ;
 Quemque tui Numen populis insevit amorem.
 Inde meis comitata volant, & in astra feruntur,
 Ad Superûm accubitura fores, tot candida vota,
 Quæ Pylium referant ævum tibi. Nos pius ad quæ
 Instinxit Deus, an votis obsurdit idem,
 Dona sua avertens, & ventis irrita donans ?

Fortè sui memorem Henrici, charæque Mariæ *
 Vicini sonitus fati, dubiumque propinquus
 Terruit Ucalegon. Tibi, Carole, vixit uterque :
 Vixit uterque, (a) suos ut Frater viveret annos.

Unum ego jurè subesse putem, præque omnibus unum,
 Quod timeam, ne, quæ servant regalia curæ

Alia con-
 jectura ab
 amore po-
 pulorum.

* Nequiti-
 mendum a
 Fato nuper
 nimis vi-
 cino.

A curis,
 quippe
 quæ lon-
 gævitati
 inimicæ,
 poterit
 Limina
 esse timor.

(a) Id est, Henrici & Mariæ juxta rog. reciproc.

Limina, purpureosque solent obsidere somnos;
 Te quoque multa moventem animo, nobisque timentem
 Sollicitent. Non est, animæ præcordia carpat
 Quod magis, & surdo labefactet verbere vitam.
 Appellem virus? forsan medicabile. verum
 Sublapsæ ad venas ubi perferere, ubi fibris
 Altius implicuere luem, lentique veneni
 Vipeream nervis animam infudere, retusus
 Mox vitæ stupuit calor, aruit humor, & atro
 Exesæ tabo, culpa serpente, medullæ.
 Ut mihi sit secura quies, tibi cura quietem
 Eripit: ereptum Regem sibi tetrica nobis
 Elocat. Ad remos sic per juga libera fusus
 Ut resides artus furetur nauta labori,
 Ut sua vectori sint otia, somniferæque
 Grata periclorum ducant oblivia noctes;
 Ipse gubernaculo Rector suspensus inhæret,
 Suspectans anceps pelagus, variumque tridentem:
 Rectori noctem eripiunt hinc nubifer Hædus
 Exoriens, Hyadesque atræ, Arcturive cadentis
 Impetus, hinc cautes, & semita cæca profundî,
 Et fraudes brevium, & syrtes: ægrumque fatigant
 Explorantem auras, Arctique arcana moventem.
 Dormit prora: vigil proræ facit otia puppis.

Ergo tibi curâ, Princeps, ut pectora laxes,
 Autor ego prudens fio, clavumque remittas,
 Despondere fidem dextræ cui fœdera tanta?
 Heu necdum mare, nec venti, nec sidera constant:
 Sed neque tam jacet unda, quies languentis ut ipsa
 Non tumeat, turbo exanimis non æquora tentet.
 Ut solitam intendas curam? Nec pectus obarmat
 Ferrea fibra, nec æs vincit præcordia triplex.
 Continuò teneram compagem, & mollia solvet
 Texta labor. Quid ago? Sine cura cura gerenda?
 Cura tibi talis proponitur, haud secus, ac si
 Senio penderet cura & Venus omnis ab illa.
 Parte alia Superûm in curis, & pectore totus

Superest
 tamen mo-
 dus illas
 temperan-
 di.

Sic

Sic habita, spem sic versent hi totius (a) oræ,
 Prona tuum quasi nulla penes foret alea jactum.
 Cura sic dabitur tibi curam solvere. Mentis
 Assistent mundo aligeræ, queis tradita fertur
 Ætheris, & terræ custodia: credita gentis
 Humanæ cura, & cursus retinacula nostri.
 Jura polo dant, & terris. data jura tuetur
 Terra, gerit morem polus. oblectatur habenæ
 Humanum genus, imperio intractabile, nodi
 Impatiens. (b) ori indomito sua surduis auris.
Hoc opus, hic labor. æternum tamen æqua tenorem
 Mens colit, integræque labat pars nulla quietis.
 Audior? inde tuæ petitur tibi regula curæ.
 Fræna tenent. placidis pax incubat aurea frænis.

O Superis vir dilectus, cui providus æther
 Excubat, & vigilēs pendent e nubibus ignes,
 An fortis retro casus, veterisque libebit
 Pauca remetiri mecum vestigia fati?
 Posthuma tristitiæ saltem hæc permissa voluptas,
 Ut meminisse juvet. Virgam vidisse fatemur,
 Sed placidè vigilem. quot præcessere labores,
 Quot casus obiti, totidem, quàm sit tua Cælo
 Curæ vita futura, manet confessa tabellis,
 Pignoribusque obstricta fides. Facunda Pronæ
 Lingua: sed auditor surdus. Speciosa Pronæ
 Forma: sed inspector cæcus. Tibi sæpe videndam

Conjectura alia e
 præteritis argumen-
 tis circa
 Principem
 providentiæ divinæ.

(a) *Tubulus ille, quo aleatores utuntur. Pers. & Plin. & quem Martialis appellat ebur.*

Non mea magnanimo depugnat tessera talo;

Senio nec nostrum cum cane quassat ebur.

De alea prona, Venere, senione, &c. suprâ. Licet apud Martialem hic senionis jactus accipiat pro damno so, habetur tamen plerumque pro fortunato.

Hic autem per tubulum illum alluditur ad machinas Providentiarum nostrarum, quas Psal. vocat incertas.

(b) *Translatione ab equo, cui auris in ore. Horat.*

Se præbet, te sæpe docet Dea. cernis, & audis:
 Quin age currum altæ mentis conscende: patentes
 Naturæ campos decurre. Quis ignibus illis
 Astrorum in noctem crines redimivit, & auro
 In lucem compsit soles? Quis tempora mensus
 Annua tam classes æstus digessit in æquas,
 Et frigus? Refluis volvuntur ab æstibus undæ:
 Aggere quis sepfit furias? Elementa perennes
 Exacuunt iræ. quis tela refutat, & ipsa
 Ad pacis partes accedere prælia cogit?
 Tollitur in currum Fortunæ mundus, & errant
 Regna. rotæ curlum quis temperat? Est Dea, Mentis
 Quæ speculam æternæ stabilis tenet. illius omnis
 Illius imperium sequitur Natura, sequetur
 Imperium. Illa sibi semper Dea consona, Rerum
 Naturæque sedens in vertice, currere motu
 Ad certas quàm composito jubet omnia metas!
 Natales præit illa dies quoque: seclaque ducens
 Temporis arcanis e fontibus, evocat annos
 Inde tuos, intenta suis & destinat astris.
 Illa minas fati fregit, secuitque malorum
 Obstantes cuneos. an seriùs? haud malè Diva
 Neglexit, quem neglexit studiosa probandum.
 Illa tulas speculata vias divortia calles
 In certos compellebat, jurisque docebat
 Fortunam non esse sui. Quot Sortis iniquæ
 Fluctivagum per iter cæcos transmiseris æstus;
 Si repetam, antè dies ruet, alîpedemque remittet
 Sera Medusæum solvens in pascua Vesper.

*Fit mentio
 brevis præ-
 lii Vigorni-
 ensis, quo
 spes omnis
 Regionum
 penitus
 concidit.*

Prima spei quæ diluxit, quæ funima Britannæ;
 Sæpe dies menti subit illa. Rebellibus, olim
 Angliâ quas (a) dederat, vinciquè dolentibus Umbris
 Ineffos video montes, tetraque corona
 Infectam lucem. Videt in sua viscera ferri

(a) *Temporibus olim Watte Tileri, & caterorum ve-
 terum perduellium.*

Anglia

Anglia bellum uteri unius : suspensa nec horret
 Armari pietas. Odiis concurritur æquis,
 (Ferri par utrinque sitis) non viribus. (a) Ipse
 Millibus in mediis Bellonæ Præstes in armis
 Horridus accendit Martem : furialiaque haurit
 Successu atque animis fervens præcordia fastus,
 Et rabies sæva, imperiique infræna cupido.
 Præcipitem in furias mentem, cæcamque futuri !
 Hanc, esto, (b) duplex insignit adorea lucem.
 At nigra, nescio quæ, Pugilem circumvolat umbra.
 Post aliquot, veniens quas demetet annus, aristas
 Indignantem animam supremæ noctis ad umbras
 (c) Hæc eadem ejectione dies, laurumque feroci
 Decutiet capite, (d) & furias disperget in Euros.
 Interea propius patriæ per funera victor
 Infert se campo, & formidine septus equestri,
 Sævo Marte tumens, & Martem sævus anhelans,
 Ad muros urget bellum. succincta procellâ
 Fulmineâ peditum agglomerat, quâ proxima, nubes.
 Apparet lethi facies teterrima. letho,
 Discrimen fati parvum, prætenditur agger.
 Heu, Causæ addicit litem Victoria fœdæ.
 Æra tonant. Heu nostratem quàm fulmina notum
 Jamdudum per sola Joyem ! Gravis ingruit horror
 Undique ; crebrescunt & confusæ fremor urbis,
 Fœmineusque ululatus, & illætabile murmur
 Cædentum utrinque ad portas, & utrinque cadentum.
 O urbem antiquam, & celebrem : pietatis avitæ,
 Et prisce præstantem animæ ! quæ copia fandi
 Explicet, innutrita odiis quid militis iræ

(a) *Olivarus Cromwellus Dux.*

(b) *Dumbarrensis, & anno proximo Vigorniensis, eodem die, tertio septembris.*

(c) *Post aliquot annos mortuus eodem die.*

(d) *Tempus memorabile fecit horribilis & inusitatus turbo ventorum.*

Possit, & indulgens iræ sine lege potestas?
 Infelix una ante alias, Vigornia! Felix
 O una ante alias! Uni tibi creditur ingens
 Depositum. exortem ducent tua secula famam.
 Occidis. invidiam casus movet, una potiris
 Multarum voto. gremio complexa recentem
 E Scotia, &, quantum licuit, solata fovebas.
 Occidis. Instabat summo cum spiritus ori,
 Eluctantem animam, fugientemque ipse legebat.
 Spes reditus est. pelle metus: animæque vel ipsi
 Invisi superent animi. melioribus astris
 Vita redux animam tibi reddet, & halitus alter.

Jamque, die labente, rotam festinus ad amnem
 Hesperium Sol tendebat. Subit altera cura
 Afflicti porta aversa subducere belli
 Reliquias tenues. Et erat credenda sequestro
 Alea (sic animo tibi federat) altera campo.
 Scilicet audenti pulchra, & se digna gerenti
 Suppetias mittit Virtus. & sæpe reponit
 Deciduum frondem capiti Victoria nudo.
 Mox (a) aliter. Sic hinnitu cum terruit auras
 Flammifero insultans Pyrois, & buccina quarta
 Venturam cecinit roseo de culmine lucem,
 Illicet hic propius spumis albescere fines,
 Hostilemque diem properos efflare jugales
 Prospiciens specula Pallantide Phosphorus effert
 Ex alto signum. vigili statione cohortes
 Sideræ sensim cedunt. Ille arduus albo
 Agmen claudit equo, campoque novissimus exit.
 Phosphorus excedit. subit Hesperus. alter, & idem.
 Te quoque mox (b) habitu, Princeps, & nomine mutas,
 Et cæli regione tui. Decedit Eoum

(a) Nam fuga consilium visum opportunius.
 Quod proxime sequitur, inducitur solum per modum si-
 militudinis.

(b) Id est, tu mutas habitum, &c. distio Horatiana.

In noctem sidus. Quos inde cucurreris orbes,
Novimus. at fines habuit, quò curreret, error :
Devius ille tibi, non fatis. Inscia campi
Cæcutit Fortuna. regit vestigia Fatum.

Et funum patrio similem, glebamque, Laresque
Terra pares omnis Sapienti præbet : ut Orbem,
Sic Patriam. At Regum exiliis natura laborat.
Quæ gregis est, eadem pastori patria sola est.
Excusum regno, nudum auxiliaribus armis
Ad cædem, inferias Umbris missura paternis,
Anglia te tua quærebat, sæcunda Iuporum
Anglia. Post enantem undis te Gallia læto
Excepit materna sinu. Cognata subibas
Littora : sed qualis, pelago post condita vota,
(a) Qui laceros de puppe Deos, miseræque jacentem
In picta ostendit se tempestate tabellæ.

Hanc Belgis ostendebas quoque naufragus. illi
Fortunæ documentum ingens fovere : nec assis
Defuit. Et profugos habuisse Colonia Reges
Dicitur; & miseris novit succurrere. Vidit,
Et simul indoluit. Nec circumferre pudebat
Exangue imperium, tabulamque advolvere portis
Occidui solis. spes inde nitescere visa est ;
Fortunæ sed per nebulas mens credula qualem
Aut videt, aut vidisse putat, nec certa, nec expes.
Interea reducem, Princeps, te vidimus ; at quâ,
Incertum. Casum venis duce ? Qui duce casu
Utitur, offendet, casu duce. Te Deus ipse,
Ut scires, cui deberes tu solvere nomen,
In censu esse suo voluit. Quis tela sequentum
Elusit ? Deus. Hospitio quis stravit arenam
Ignotam ? Deus. In solum quis amabile pignus
Restituit ? Deus : ille tuus. Circumspice, bello
Qui tanto fractum insidiis ferroque petebant,
Vulnifici mirmillones ubi sunt ? ubi sunt, qui

*Post cladem
in Galliam
se Princeps
contulit, in
Belgium,
Coloniam,
et demum
in Hispaniam.*

*In columis
redit.*

*Ubi sunt,
qui quere-
bant ani-
mam ejus ?*

(a) *Juxta morem veterum naufragorum.*

Fervebant

Fervebant modò tanto æstu, nimbisque fremebant ?
 Effugit visum levis umbra, simillima somno,
 Et noctis ludum species imitata volucrem.
 Quod reliquum, submissa juba est. Te, seque fruuntur,
 (Supplicii novitas !) intabescuntque fruendo.

*Et Crom-
 wellus ipse
 imprimis
 inter cate-
 ros ?*

Et quoniam lustrare vacat, Cui lora, vicesque
 Cui Fortuna suas, & campi regna remisit,
 Ille potens armorum, idemque, tonantius ipso
 Vel Jove numen, ubi est ? juvat ire, locique reductas
 Vestigare oculo sedes. (a) Aquilonis ad arces
 Crediderim affectasse viam, aereoque recessu
 Altirolas inter posuisse cubilia nubes.
 Jamque adeo seu Dædalæ mihi vincula ceræ
 Nectere, seu potius Cyrrhæa valle vagantem
 Pegason, Æolios suetum transmittere campos,
 Ad frænos accire placet. Quò provehor ? horret
 Contemplari animus. (b) Libitinæ vindicis oram
 Agnosco tristem, & Nemesis ferale trophæum.
 Siste viator iter, mecumque addisce vereri
 Justitiæ certum, & Sortis mutabile numen.
 Quò cecidit ? dominam præceps audacia sellam
 Huic nuper dedit. huic sellam cinxere curulem
 Vis, & opes circum, & crudæ formidinis ora ;
 Non hominique datum per iter dedit ire libido.
 Quò cecidit ? Ferit astra indemni vertice nemo.
 An, quia desedit lori rudis, & minor hæres,
 An, quia præcipiti radio sufflamina nulla,
 An, quia diversos egit furor Automedontas,
 An, quia perfidiam rota dedignata rebelles
 Nunquam auditura est cæcæ ambitionis habenas,
 Vindicias jam tum regno dicentibus astris,
 Huc ruit ex alto miser ? Est sine nomine truncum
 Corpus : erit, sic astra jubent, sine nomine nomen.

(a) Allusum ad tempestatem ortam sub illius mortem,

(b) Tiburnum, ubi cadaver suspensum, & post, trun-
 cato capite, defossus sub patibulo.

Huc

Huc demum revoluta, hinc irrequieta quievit
 Vis animi : admirandarum molimina rerum,
 Præterveſta diem, & veſtigia ſolis, & anni,
 Hic ſedere. animis operoſa ſuperbia ſummam
 Hic poſuit tantis ? (a) Auſis nova fabula magnis.
 Fœdus ager, locus infamis. Sed furca (procaci
 Parcendum verbo fuerat) vel ſera latroni,
 Expellas illam furca licet, uſquẽ recurret.
 Et vidi viventem. Oeta rediſſe putabam
 Alciden enixa novum Tirynthia ſecula.
 Et vidi morientem. illæ, quo turbine fœtam
 Efflarit, quantamque animam, docuere procellæ.
 Occidit, & Manes ingens externat imago.
 Fors & pendentem tulerat vidiffẽ. videbam,
 Penderent heu quàm vario mortalia filo.
 Et vidi tandem, necnon vidiffẽ ſepultum
 In votis fuit. invidas, Mauſole, ſepulto.
 Pulchrum Heroi tuo ſtruis, Anglia funus. Honori
 Quæ ſtruitur, quàm terra levis ! Luſtrate favillam
 Funerei juvenes in equis, & verſa (b) cruentet
 Haſta ſolum, & mœſtũ lituus canat, Aſſyriosque
 Cum lachrymis, gens atra, tuis bibat urna liquores.
 Buſto te divellat amor non alter ab illo.

Umbra ſilet. laudem inſultare ſilentibus umbris
 Non habet. Eſt ſaxi facilis jaçtura ſuperbi,
 Nomen ubi virtus exaggerat. Et ſua Laudi
 Squalenti caligo nitet. Quæ fragrat amomo
 Fama ſuo, Syrio non indiget. Et tibi terra
 Incubet haud oneroſa, ſacroque e pulvere ſurgant
 Et calthæ, & violæ, per me licet. oſſibus ægris
 Incumbunt proprii, & convellunt funera Manes,
 Cumque ſuo canis & ſerpens & ſimia gallo.
 Hoc ſaltem, infelix, caſum ſolabere tristem.
 Te digito plebs præteriens dignabitur. Hic eſt,

(a) Magnis tamen excidit auſis. de Phaethonte.

(b) Intinçta ſcil. ſanguine viçtimarum regiarum.

Et forsan diceris, Hic est. Dissederat ausis
 Si non causa tuis, meritis nec debita Memphis;
 Nec Pugili sua defuerat memor (a) Artemis. Ingens
 Fama, dum res floruerant: ingentior armis.
 Causam fama malam sequitur brevis. ardua nuper,
 Nunc jacet, & tenuis superest vix sibilus auræ.
 Occidis, & totus sepeliris. egere sepulchro
 Teque, tuumque futura negent oblivia nomen.
 Defossas umbras funebre superstrepet agmen,
 In noctem exululans canis, incestæque volucres
 (Pars animæ, Cromoelle, tuæ, nativæque pluma)
 Corvus hians, milvusque rapax, & præfica bubo;
 Perque recurrenti Nemese sacra (b) tempora mittet
 Inferias tibi Diva, parentabuntque sepultis
 Manibus atratus Scinis, informisque Procrustes,
 Teque tibi objicient. Sævum Babylone Leonem,
 Funere qui meruit multo prædator Idumen,
 Exultantem animis, fremituque immanè rudentem,
 In caveam misere. Feram quoque cerno Britannam;
 Cerno (c) jubam indigenam feralia sub iuga missam,
 Tiburno domitam fræno, in caveamque subactam.

Regum jura verenda time, fuge lora, viator,
 Dextræ non permissa tuæ. sua certa nocentem,
 Clauda modo ut sistant, flectant modo devia fata,
 Certa manent tamen, & certo pede crimina pulsan.

Ne redeat, nullus timeam. Expugnasse Tonanti
 Enceladum satis haud erat. imposuisse perusto
 Terrigenæ Ætnæam fama est post fulmina molem.
 Encelados non sola vetus tulit: edidit ætas
 Nostra suum, Phlegreque arsit nova. Pelion Ossæ,
 Pelio Olympum audax simul involvebat, Olympo
 Se, fastusque suos. Disiectas cernimus arces,
 Aereasque minas. Monstro Sicania venit,

(a) *Artemisia, quæ viro Mausoleum condidit.*

(b) *Sessions. conventuum juridicorum latronibus dies fatales.* (c) *Leo illi pro insignibus.*

Terra,

Terra, tuo : sua nec deerat (a) Trinacria nostro.
 Quæ reduces meditantem iras premat, haud ego rupem
 Imprecer, Ætna, tuam. Jacet, æternumque jacebit.
 Et quî, prò cœlum ! prò numina sancta ! resurget,
 Quem scelerum tantorum urget chaos, atque mali vis,
 Aggestæ strages morum, legumque ruinæ,
 Avulsum Regi caput, & tria subruta regna;
 Tanta per Europam bellorum funera, tantus
 Restagnans cruor, incumbentis & orbis, & ævi
 Quem venturi odia & diræ, Carolique prementis
 Infra terrarum latebras, caveasque vel infra
 Infernas cohibebit ineluctabile pondus ?

Carole, ubi es ? Vivis. solio sublimis ab alto
 Das jura, imperiique redux premis aurea lora;
 Cœlitum amor, nec cura minor. Persolvere grates;
 Quas opis est nostræ, nostrum est. reddantur opimi
 Castorum (b) vituli labiorum, victima pinguis,
 Lustremurque Deo, & cordis Panchaia nostri
 Tota coronatas templorum funiet ad aras.

Si vitæ moveant sortes, fusique referrent
 Jus sibi si totum Superi, dos optima vitæ
 Non aliunde petenda meæ. (c) Salomona, nepotem
 Jesseum, regnorum illum mentisque potentem,
 Et vitæ pariter modicos extendere fines
 Aggressum, medicis esset quis in artibus usus,
 Disservisse ferunt : tum fœtus utile quicquid
 Arborei sylvæ, posito de semine quicquid
 Cultus ager, quicquid sobolis campestria ferrent
 Injussæ, docuisse suis inolescere chartis.

(a) Si quis respexerit ad patibuli Tiburni triangulam formam, leve id quidem : at non abnucri.

(b) Allusione ad illud Osee 14. admitti poterit locutio hoc loco.

(c) Perisse ferunt libros Salomonis de usibus medicis, Deo nimirum sic statuente, ne toti penderemus ex illis.

*Interea
 Princeps
 Providen-
 tiæ divinæ
 munere su-
 perstes.*

*Donum
 Vitæ expe-
 ctandum a
 Deo.*

Quin & avara sui quicquid vitale cavernis
 Occuleret tellus, in luminis extulit auras,
 Argenti spumas, electri semen, & æris
 Squamas, & rerum sulphur : rigidamque coegit
 Ufus in medicos Chalybum mansuescere gentem.
 Pulchrum opus, interiit, dignum, cui ritè minores
 Iusta ferant Medici, & cineri solennia mittant.
 Defuit e Libano cedrus sua, nec tulit ævum.
 Interitus causa, ut perhibent, ea maxima, ne, si
 Pæonis arguti prostrans in limine nostras
 Pelliceret spes, humanæ fiducia vitæ,
 Divinis sensim desciscens transfuga signis,
 Ad plantas omnis medicasque arreperet herbas.
 Ergo vale Pæon, Amythaoniæque valete
 Cum plantis herbæ. bellè, mihi, Phœbade sana,
 Si Melopæus adest, non pharmacopæus Apollo.

Igitur vita
 Deo pla-
 cens ad vi-
 tam lon-
 gam via ;
 & e con-
 tra, &c.

Vita Dei donum. Divino munere quisquis
 Utitur, usuræque petit compendia longæ,
 Det cælo nomen : Superis pietate placere
 Discat, cum Superis ineat commercia solis.
 Si Superis placeat, vivet. Quà se via pandit
 Lactea, virgineoque albet cum nomine trames,
 Hæc (b) immortalem ad vitam fert semita. Vitam
 Quæ ferat ad longam in terris, sit semita labis
 Pura mihi, scelerisque expers, & lactea vita.

Jesseum memini Solymæo pectine Vatem,
 Et Regem cecinisse ; (quid o pulcherrime Regum,
 Quid canis o Vatum pulcherrime ? languida tentat
 Fila meus, Musisque tuis assurgit Apollo.
 Fare.) (c) *Quis est hominum, qui vitam diligit ?* inquit.
A Pravo diverte pedem : Rectum cole. Sic est.
 Si dexter pergam, vivo : sin lævus aberrem,
 Quis mea servantem arcuerit vestigia Mortem ?

(a) *Sic habetur ex Isidoro Clario.*

(b) Hæc iter est Superis ad magni testæ Tonantis.
Ovid.

(c) *Psal. 33.*

(d) *Fallor*

(a) Fallor? adest. an bellatrix (b) Dea? Quæ mihi sen-
 Exterret species inopina? ferocia pugnam (sum
 Illa, minæ bellum intentant: it tessera bello.
 At fremitu, si Diis placitum, sata Marte virago,
 Quò tanto? *Populos, inquit, domitura rebelles.*
 Parturiunt aquilæ. trochilus nascetur. At præ
 Frontis ubi crinitus apex, & cornua rubra?
 Nec tergum lorica, nec ilia balteus, umbo
 Nec latus armat. ubi nodis consertus Iberis
 Squamisque in plumam thorax? *Balearica nulla*
Fulmina, nulla trabi sparsura phalarica pestem,
Malleolusve, onagerve, aut, qui munimina pulset,
Incurfans aries, cornuve coniscet ahenio?
 Nidum dejectura minas intentat arundo.
 Sed neque fronte sedet bellum. quàm Martius oris
 Campus hebet! parci vultus, & lumen abactum,
 Atque interfusa turpis fuligine pallor.
 Malæ tabentes, & raro consita crine
 Calva; riget cervix, frigent ad vulnera palmæ,
 Succusso poples nervo labat. ossæ crates,
 Exanimis animi, vietum, & sine pectore corpus.
 Ære puer necdum lotus, quem mortua terrent.
 Illa nihil. dubio tandem cava lumina risu
 Intorquet frendens, bellatoremque superba
 Poscit (c) equum. paret jussis accitus agaso;
 Circumstantque Ferum pavidum Morbusque, Famesque;
 Quosque die genuit Casus Fortuna nefasto,
 Et Dolus, & nati nutrix Discordia belli,
 Demulcentque armos, & pectora plausa laceßunt.

(a) Sensus sequentium usque ad finem hujus partis
 est, Mortem omnes consequi, atque eò citius, quò magis
 mortalium peccatis incitetur.

(b) Volunt aliqui Mortem non fæminam, secuti Pau-
 saniam, qui, nisi fallor, Mortem sub pueri forma vestiit
 alba veste. Certè Noctis & Herebi filia est.

(c) De Mortis equo in Apocalypsi.

Nec mora : quadrupedis tergum premit. avolat ille,
 Et vix suspenso summam pede signat arenam.
 Tela sonant. humeros pulsat corytus eburnos.
 Hic sonipes, hic est : belli fiducia tota,
 Robur Achilleum, & suprema superbia, fati
 Delicium. si quem assequitur, devota pharetræ
 Victima lethalem occumbet tinctura sagittam.
 Missile, quod non extimuit cornicula sola.

Et quis Thessalici Juvenis præsepia nescit ?
 Cui non dictus Echionio formosus Arion
 Pulvere, seu quorum Musæ meminere Pelasgæ,
 Thraces equi, æthereoque agiles e semine currus ?
 Mortis equo nostræ pro quam nihil instar in isto !
 Nam nec jaspis erat, nec erat quod manderet aurum,
 Nec juba compta vibrabatur, (a) philyrasve gerebant
 Serta, nec in niveum denissa monilia pectus.
 Ipse nec illuctans presso pugnare lupato,
 Nec patulis ignem subvolvere naribus, orbesve
 Ex aliis alios, seu molles carpere gyros,
 Insultans. Non luxuries animosa tororum,
 Non cervix, non spadices, nec terga, nec armi
 Nobilitant pecus. Exangui frigentis in ore
 Pallor, qualis inest frondi, quam frigus adussit
 Primæ hyemis ; macie tergum declive, resistens
 Ad tactum, atque alvi referens jejunia pellis :
 Liventes oculorum orbis stupor horridus urgens,
 Obstipum caput, auris iners demissa, peresæ
 Nares, obsessamque premens faus arida linguam.
 Est in equo quam multus Eques ! Si pulvere curret
 Eleo tamen, Alpheæve ad flumina Pisæ,
 Vicit ; Olympiæ veniant ad tempora tænx,
 Cumque sua mistus palmis oleaster oliva.
 Et cujus, cedo, tanta unquam fiducia linquens
 A tergo limen, Geniorum exceptaque plausu
 Corripuit vitæ campum, pedibus licet idem

(a) In quibus scripto notata victoria equestres.

Nubivolas

Nubivolas aquilæ audacis, cautæve columbæ
 Subtiles alas, volucremve aptaverit Eurum,
 Quem non ille, columbam, aquilamque, Eurumque vo-
 Antevolans, cursu præverterit, & sibi palmam (lucrem
 Promeritus victricem, & famæ nomen equestri ?
 Accedit Mortis (a) stimulus ? quàm protinus igneam
 Increpito plantam vis ocyor urget ab armo !

Nescia nubis erat, noctique obnoxia nulli
 Lux homini quæ prima data est. Testaceus illi
 Sanguis ; at impressus signis melioribus æther.
 Mors stadiorum aberat quot millibus ? infinitis.
 Peccat homo. stimulo illo amens instinctus adacto
 Continuo effervet Sonipes, & tanta repente
 Se dans in spatia intrepido pede conficit æquor
 Immensum, totumque homini se spumeus aïflat.
 Fortè modò ex me quæsieris, quot suspicer annos
 Esse mihi supèr. Ætatem si consulo, nutum
 Sideris obliqui, tum si quos obvia nuper
 Occinuit presso decies mihi gutture cornix,
 Bis quini sunt. ille meo stet terminus ævo.
 Bissenum venit, adjecta trieteride, lustrum :
 (b) Enneas hebdomadam texens septena novenam.
 At pecco. vetitam decerpfit ab arbore frugem,

(a) Stimulus autem mortis peccatum, I Cor. 15.

(b) Mortalium anni plerunque subducuntur per sep-
 tenaria. & septimus quisque annus immutare censetur
 statum corporis. Inter numeros tamen, tres præcipuè
 considerantur, septies septem, novies novem, & septies
 novem ; qui numerus postremus habetur Climactera
 grandis, conficiens annum sexagesimum tertium ex
 Novem septenniis, seu hebdomadis annorum, vel
 Septem novenniis, seu enneadibus. ac proinde con-
 sistens ex utroque numero fatali comprehendit fata-
 talem characterem utriusque. At quantum habeant
 ista momenti ad terrorem, æstimet quisque, ut
 volet.

Et necdum repressa, manus. Si, criminis uno
 Unius impacto stimulo, tam fervidus arsit
 Cornipedi effræno dolor, infinita patentem
 In spatia ut puncto campum transmiserit uno ;
 Quid me, qui toties incussa cuspide fodi
 Immeritum latus, & toties a cuspide vulnus
 Crudit, affrictique recanduit ulceris æstus,
 Quid me fiet ? Equus planta festinus & acer
 Quàm bis quinque repente meos trajecerit annos ! (a)

(a) Facit porro, ut in spem uberiores Voti mei veniam, Principis singularis indoles : & quem reservari auguror ad hæc tempora, ut, quemadmodum pronuntiabat solertissimus Batavus anno, nimiram MDCLX, quo Princeps ex Hollandia in Angliam solveret,

Sicut

per DeVM regnat CaroLVs ;

Sic

per CaroLVM regnet DeVs.

P A R S II.

Argumentum fortuitum ex occasionibus datis in itinere, quod se ait Poeta suscepisse ad nemus Boscobellatum, Principis hospitium primum post cladem acceptam in fatali illo, & suprâ memorato prælio Vigornienfi. Et sic primò adumbratur in persona Poetæ se remittentis in itinere, quantum referat promptum esse in obediendo excitationibus divinis. Post infertur mentio de duplici Vita extrema non incommoda ad Vitæ mediæ institutionem. Tum de materia lætitiæ, quæ suppeditat e præsentē temporum facie. ita tamen, ut Justitiæ divinæ (cujus exempla afferuntur nota, tempori quidem omni apta satis, at ejusmodi, quæ minus offensionis habitura videbantur) memoria abjicienda non sit. Tum ut occasio se obtulit, quò significetur, quid Deo debeatur, proponuntur aliqui,

aliqua, ex quibus Lector eruat notas non obscuras tutela divina circa Principis Vitam, quales nonnullæ afferebantur etiam in prima parte. Scopum harum inductionum conjicere poterit Lector hujusmodi esse. Ponebatur Conclusio versus finem primæ partis, Vitam Deo placentem, sive bonam, esse viam ad Vitam longam, & e contra. Itaque Considerationes dictæ, quæ ad materiam, quæ tractatur, ex occasionum intervntu tempestivè & spontè accedunt, inducuntur ut Media quædam conducibilia ad conclusionem propositam. Poterant considerationes illæ nudè poni sic. Sed ad Conclusionem allatam circa vitam Deo placentem Media sunt illa modò dicta. At commodius censuit Auctor proponendas illas sub involucris occasionum fortuitarum. Et ratio hujus studiosè profectò affectati rei sic exhibendæ modi, a multis hætenus haud satis percepti, prompta jam satis est. Neque verò novum est a Scriptoribus subinde, quod intendunt, sic inumbrari. Si neque satisfecerint hæc nonnulli, occinendum fortè Persianum illud

Nec clam? nec cum scrobe? nusquam?

Hic tamen infodiam, &c.

Concluditur hæc Pars cum repetitione Voti.

ET jam vela quidem legere, atque advertere forsan
Debueram terris proram. In communia peccem
Commoda, si teneat, Princeps, tua tempora sermo
Longior. Et nimiam plectunt fastidia linguam.
Me sed Musa silere, operique imponere finem
Antè vetat, quàm curriculo interiore retexam,
Institui quod nuper, iter. fors omina firmet
(a) Boscobel, & notis veniens e finibus augur:

Maius erat modò, sed præceps, dabat altera finem
Mox oritura dies. & jam Junonis ad astrum

(a) Nemus Boscobellânium, sic dictum, quod Princeps
se recepit post fatale illud prælum Vigornienſe.

Mentio
itineris,
quod Poeta
se ait
suscepisse
ad nemus
Boscobel-
lanum an-

Lapsus no 1663.

Lapsus Amyclæos Dominæ narrabat amores. (a)
 Lætus iter, quâ Staffordo (b) Salopia campo
 Attubat, & geminæ incipiunt commercia terræ,
 Lætus iter carpebam equidem, sed fessâ soporam
 Suadebant æstus medii per membra quietem.
 Hospitio excepit quæ proxima fronduit umbra
 Gramineo somnos. Lethæi tempora rores
 Utraque perfudere, oculosque hausere natantes.
 Herboſo postquam thalamo laxaverat artus
 Prima quies, ut fortè toro resûpinus in illo
 Sternebar, prono jam sol devexus Olympo;
 Interlucebat raras quâ pervius æthræ.
 Per frondes aditus, radio monitore jacentem
 Impulit, obliquoque ôculos exterruit ictu.
 Evigilo. evigilasse piget. quemque humida necdum
 Emovere sinu segni præcordia somnum,
 In vultus redit extemplo. tum pectore prono
 Obvërto dorsum monitis solaribus. at sol
 Cœptum tendit equis iter, increpitatque morantem.
 Interea securum animi, pensique diurni
 Immemorem tenet alta quies. fugit, ignea lora
 Temonemque premens, cum sole volatile tempus.
 Ut thalamo indultum satis, exaturataque sensim
 Liquit membra Sopor, cornuque aufugit inani,
 Verso artus utrinque: oculisque amota recessit
 Inconsulta quies, excussa que pectore nox est.
 Attollo tum demum oculos. nox tetrior orbem
 Incubat, alta tenent cum nocte silentia terras.
 Visu anceps inopino hæsi, incautoque recentem

(a) Et hîc repetendum, quod de hac Inductione sui remittentis in itinere, de scôpo item & causa cæterarum Inductionum sequentium usque ad finem circiter hujus Partis Auctôr meminit in præmissô Argumento. Non conveniebat, inquam, rem aliter tractari, quàm per istiusmodi Inductionum simulationes.

(b) Hinc non longè Nemus modò dictum.

E somno

E somno gelida formidine perculit horror;
 Nec nisi parte sui micuit jam Cynthia luce
 Rarefcente minor: mundi inferioris imago
 Plena tamen; nec erat verno nitor ullus ab astro;
 Involvit noctem nox altera. nubibus atris
 Denfantur tenebræ, & terris subducitur æther.
 Fit sonitus ventis surgentibus. incita flabris
 Horrescunt nemora: insequitur cum turbine torquens
 Nimbus aquosam hyemem, terrarumque ardua plan-
 Præcipitant e cœlo imbres, e montibus amnes. (gunt.
 Atque hîc Occipitis calvi memor improba somni
 Alterius sensi dispendia, seraque Frontis
 Neglectæ documenta. Bonum quàm pendet ab uno
 Crine meum! Cœlo purgator ethicat axis
 Interea; fugiunt nubes, & nocte reclusa,
 Apparet lux astrorum, excubiæque decoræ.

Hic lentus circumspexi, jam mente recepta, (a)
 Convexos orbes, scenamque patentis Olympi,
 Et fixos certis alios in sedibus, oræ
 Per juga palantes alios septemplicis ignes;
 Ignibus & dixi prô quantum dividor illis!
 Lætitiæ illa tamen tantum proscenia nostræ.
 Summa spei tota, & mentis cumulata voluptas
 Interiore sedet tractu. pars illa, locorum
 Dissidio vasto, penitus subducta recedit.
 Et dixi, quis amica pedi talaria lento,
 Quis pennas humero nectat, queis nubila supra;
 Supra ignis lunæque domos impervia terris
 Lumina tranem illa, empyrias & præpes ad arces
 Sistat, inaccessas ubi cœli filia gazas
 Assidet, indigetesque beat Macaritis alumnos?
 Sola moras omnes superat, mortalibus aptat
 Hanc humeris alam, hæc pedibus talaria Virtus:

Objicitur
 facies
 cœli stel-
 lantis:
 eaque oc-
 casione ex-
 citatur
 animus ad
 cœli viam
 sectandam.

(a) Hîc item meminerit Lector, quæ dicbantur in
 Argumento circa medîa ibi commemorata. Idem quoque,
 cum ad materiam de Vita infernali pervenerit.

Deferimus patriamque, laremque, torumque juga leni
 Et longè submotum alio sub sidere litus,
 Auspice avaritia, petimus; quique extimus olim
 Limes erat, (Nemus Hesperidum, & Diis invida rura;
 Æsoniæque viæ trabis, Hyrcanæque procellæ)
 Nunc in vicino est, signatque repagula limen.
 Nempe suburbanus Calpe labor, Herculeæque
 Sunt in carceribus metæ. Quà circulus annum
 Dividit, & mundo litem discernit utrique, (Urnâ
 Quà Zephyrus Phrygiâ atque Eurûs pluit alter in
 Imbribus alternis, Pagasæum quâ Notus ignem
 Respicit, exclusam oceano quâ nubibus Ursam
 Edonis Boreas, & turbine pascit aquoso,
 (Europæ carcer sordet) trans ultima rerum
 Claustra, per ignotos æstus, per inhospita brumæ
 Frigora, quanquam albæ cantes, & rauca reclamant
 Equora, vento omni votorum pandimus alas.
 Interea cœli nec iter, nec munera norunt
 Indecores animæ. cœli prænobile semen
 In glebam subigit vilem vesana cupido.
 Sed nec gleba fami satis est peregrina: nec aurea;
 Æstuet ut toto fluctu, seu gemmea Tethys
 Expletura sitim. qui continet omnia mundus
 Grandior, est parvo minor; impatiensque sui mens
 Semper anhelat, & ardet inexaturata quod ultrâ est.
 Nasci ergo ad majora putem. Meditare, capaci,
 O homo, quod menti faciat satis: exue terram,
 Degeneresque aude mecum dediscere curas.
 Væ misero, cuius Serpens in postera serpit
 Fata vetus. terram ille comest, & pectore toto
 Incumbit terræ. trahitur pars infima cuius
 E terra, florem generis qui ducis Olympo,
 Tu niti ad cœlum potius, patriosque tueri
 Disce lares, dignumque tui te finge. Beatorum
 O domus alta, nec ampla minùs! suprema quietis
 Regia, votorumque quies suprema! Tonantis
 Aula: sed illa minarum expers, & fulmina supra.

Vita cœ-
lestis.

Extremas habitat media hæc, incertaque Vitas
 Vita duas inter. Cœlestem suspice. Nullus
 Illic est a falce timor. Lunæ atria circum
 Quæ volat, haud illò penetrat fatalis arundo.
 Nulla plagam perflant illam suspiria, nullâ
 Gaudia mœroris lachrymâ respersa, malorum
 Felle madent nullo ambrosiæ convivia mensæ.

Corpora quinetiam multo splendoris amictu
 Lux circum induere, & radiis distinguere candor
 Dicitur: Invectamque polo vis ignea terram
 Circumferre volatu agili. Non frigora lædunt,
 Sithoniusve rigor, nec aquæ, nec Sirius ardor,
 Nec Diomedeo metus est a vulnere. Corpus
 Trajicit illæsum vis corporis enthea, lapsu
 Insinuans sese innocuo. non robur aheni
 Obicis intercludit iter, non invia rupes.

Dotes cor-
porum bea-
torum.

Non, si centeno voces in carmina centum
 Ore sonent, centum totidem cum vocibus æquent
 Ora locum. Non, si vel dextera Coa tabellæ
 Tentet opus, nisi pertenui subleverit umbra.
 Et quoniam inter opes, queis nostra superbit egestas,
 Nil auro est gemmaque prius, (a) transcribimus astris
 Hermum continuo, & cœlo donamus Hydasphem:
 Cudimus ex auro stellas, consternimus auro
 Immortale solum, turrets & tecta pyropo,
 Beryllo extruimus muros, & jaspide portas,
 Sed neque gemma tuas, melior Natura, nec aurum
 Nobilitat, Fortunæ inopis ludibria, sedes.
 Nec lingua sequimur, nec mente, recondita sensum
 Quæ fugiunt. loquimur, quæ nobis obvia. norunt
 Non aliud jumenta, suæ quàm fercula sylvæ,
 Lactucam labris similem. Percurrere possum,
 Quæ tango, videoque, datæ non cætera pennæ.

Sedes ipsæ

(a) Non quòd Hermus, seu Hydasphes sint inter fide-
 ra relati, sed quòd omnia ibi faciamus aurea, & gem-
 mea, seu quid simile.

Quale opus, æterno secum quod mensus ab ævo,
 Confessusque Deum struxit Deus, artis, opumque,
 Et largi monumentum animi per secla futurum!

Beatitudo
 Essentialis.

At torrens ille, O Superi, si nosse licebit,
 Torrens ille voluptatis, qui (a) flumine tanto
 E folio Regis lætas exundat in oras,
 Quem cœlum sitit omne, quis est? nam plurima famæ
 Ad terras e longinquo percrebuit aura.
 Dicitur & Manes eadem delata sub imos
 Spem guttæ saltem assimilis fecisse, flagrantem
 Imbueret vel sic liquido quæ frigore linguam.
 Torrens; æternus currit tamèn. ille perennes
 Decursu æterno Vitæ fons sufficit undas.
 Et sitit, & satur est, quisquis bibit; est satur idem;
 Et sitit. offendunt saturam fastidia nulla,
 Nullus habet sitientem angor. Mens undique voto
 Plena: cupitura æternum, & fruitura cupito.
 Has recubat propter lymphas pulcherrima Virgo,
 Os habitumque decora, cui nec candida Luna,
 Nec facis Eoæ certet Titanius ardor,
 Dives opum: dicta indigenis ab origine *Vita*
Cælestis. Comites juxtà sincera Voluptas,
 Læves exporrecta sinus, innubiaque ora,
 Et Pax, & secura Quies. Æonia circum
 Amplectens ambit Divas Dea. Circulus illi
 Verticem obit radiantem ingens, & vitta nitoris
 Siderei radlis per crinem flexilis aureis.
 Hinc Mentis perhibent, seu quas alit ætheris aura
 Simplicior, seu concretam natura biformis
 Quas in materiam miscet, quibus hospita terra est,
 Haustus quamque suæ primos arcescere vitæ;
 Huc, cœlo demum pignus repetente, referri
 Natalem ad fontem, & luci succedere primæ,

(a) *Torrens, & flumen? Attamen* *Æneid.* 2. *legi-*
tur rapidus montano flumine torrens, & *Iliad.* 9.
 ποταμὸν χειμάρρῳ.

Ni pennam scelus, & sordes affusa retardet.

(a) Illa Dei fixa in vultu, atque immobilis hæret.

Illustrat penitus Nympham lux intima vultu

Divino abfistens. luci respondet imago,

Ipsam quæ referat Numen, (b) vitalis imago.

Et Phœbum videt Iris, & Irida Phœbus. at illam

Incingunt atræ nubes, & protinus imbris

Solvitur in rores. Et nobis sæpius idem,

Qui Superis ardet felicius, hic quoque, rerum

Hac vel in illuvie positus, usuque palustri,

Objicitur Deus, & vitam propiore sereno

Mortalem attingit cœli nitor. hinc nova lucis

Fulgor & ardores in mentem gaudia vibrant.

Sed quoniam in nebula sumus, & premit undique men-

Peccati vapor, in fletum, pluviiue doloris (tem

Illico abimus in humores. at crimina vitam

Nube premunt nulla cœlestem. terra recessit :

Cum terra vapor & nubes, cum nubibus imbres.

Divinos, artis modicæ quæ copia cuique est,

In mentis tabula vultus depingimus : at (c) quæ

Per sensus, & fucos aciem fallente, colores

Peniculum ducit luteos, ubi molis opacæ

Mortalem lux cœlestis dimoverit umbram,

Qualis ea est, oris species germana tuenti

Redditur. ulla nec emanat Deitatis imago

Interpres niedia, objectæque vicaria formæ.

Inde venit Menti suppar accita Voluntas :

Quodque bonum Menti alluxit complexa Voluntas

Hæret in amplexu, gremioque infusa cupito

Illa abit in Numen, penetrabile Numen in illam.

Immenso a nobis spatio, & si longius usquam est,

Longiùs immenso distat Deus. intercedunt

Rerum quippe creabilium, & quas divite posset

(a) Nimirum Vita cœlestis, de qua modò.

(b) Est enim ipsa vitalis actus.

(c) Refertur ad artem.

E causarum

E caularum efferre sinu, speciesque, gradusque
 Innumeri. Tot naturæ discrimina, rerum
 Tot classes, intervalli divortia tanta
 Transgreditur, nosque astringit sibi. vincla ministrat
 Visio, mox Amor, hinc soboles utriusque Voluptas.

Sublucent rebus, fateor, vestigia quædam
 Numinis immisti reliquis, umbræque renident
 Sublustres; sæpe in mentem simul emicat ardor,
 Stricturæque breves, fugiens apprehendere Numen
 Consectrix quo mens radio queat. At modò plena
 Perfusam luce interior cum numine toto
 Ipse subit Mentem Deus. O bona gaudia! Pacis
 O Pacis torrens ille! O æterna voluptas!
 O cæli calorum! habitant hic vota: nec ultra est,
 Votorum quò Mens ingens pomœria tendat.
 O curvum terræ quid agis pecus? Indus arenam
 Obtulit. astra valete. hoc mens in pulvere sudat.

Hinc ageſis (Oriens Umbris commercia nondum
 Nostra negat) detorque oculos, oppostaque cœlo
 Ad loca rēde gradus, Anima mea. respice. Dispar,
 Inquis, iter. sed facturum compendia cœlo.
 At non te Phlegethon aliquis, fletuve noveno
 Terreat interfusa palus, crinita colubris
 Tisiphone, murusve triplex, Ixioniaæve,
 Circumagit quas fama, rotæ. Te terreat ignis
 Fax alia, & fletus alii; Sua vipera sævit
 Mens sibi; Decretorum adamantinus undique portas
 Æternorum emunit obex; Agit orbe perenni
 Usquē volubilem & usquē rotam invariabilis Æon.

At quæ squalenti barathro nox incubat horrida?
 Eumenidum genitrix: at nostræ filia Terræ.
 Natus (a) egon, hoc ut cœli spirabile lumen,
 Ut currum ardentem Solis, Titaniaque ora
 Aspicerem? Sol o mihi dulcis, amabile cœlum!
 Lux o lætitiæ genitrix, & filia Patris

(a) Sic opinabatur Anaxogoras Clazomenius.

Fœcundi

Vita infer-
 nalis.

Tenebris, &
 miseriis
 gēta.

Fœcundi primogenita ! ut te dicitur unam
 Nosse parens , & tu risu agnovisse parentem !
 Lucis at hic cœlique expers locus. ardet. at ignis
 Nescio quæ lucem (a) vox intercidit. Avernum
 Exurunt tenebræ, & noctis sata frigore flamma.
 Noctis in hoc tetræ chaos, has formidinis atræ,
 Quas meruit, cœlum quondam lucenique perosa,
Vita nocens abit in caveas. hac illa Seripho
 Conditur : & (b) *dulces frustra reminiscitur Argos*;
 Ipsa sui, rerum omnium inops, deserta ; dolores,
 Jure suo tantum sævæ cessere tenebræ,
 Contempletur ut ægra suos. Torquata catenis
 Nympha sedet scelerum in folio, Regina Nocentum;
 Ipsa nocens, ultrixque sui. Latus ambit inermis
 (Dirutus ære animisque) Furor, feralis Egestas,
 Et Pavor, & malas Rabies lacerata cruentas,
 Culpæ turpe satellitium. Caput Anguis oberrat,
 Causa mali princeps, relegensque exordia (caudam
 Insertans ori extremam) sit tortile fronti
 Vinculum continui luctus, & tænia tristis,
 Perpetuoque mali series circumflua gyro.

Tota sibi patet in pœnas obnoxia ; parti
 Lex & priva venit nulli. Plantisne faceffunt
 Angorem nostris podagræ ? intestina quierunt.
 Calculus exurit renes, seu glarea mordax ?
 At non indoluit caput. Hic infesta querelis
 Omnia. tota patens in verbera, (c) totaque dorsum est.
 Mortis agit vitam ; vivit, moriturque, perennem
 Æternum vivens mortem. Cum pondus ab æro
 Venerit, immensum in melius bona singula crescunt;
 Immensum in peius crescunt mala. Magnus, at idem
 Se minor, expirare solet dolor : immodicusque,

*Pena sen-
 sus : gene-
 ralis, & æ-
 terna.*

(a) Vox intercidentis flammam ignis. *Psal. 28. & sic interpretatur Basilus.*

(b) *Delicias veteres. Dictum quasi proverbiale e Virg.*

(c) Pones eos dorsum. *Psal. 20. & sic interpretes.*

Et

Et brevis. Et valde nemo doluisse, diuque
Sufficit. Intexunt Manes utrumque dolori,
Et Valde, atque Diu. Rerum implacabilis omnium
Extinctor, rerum, atque sui communis Erinny's,
Tormentum extremum, Nemesisque triarius ultor;
Ipse nec extinguit, nec verò extinguitur, ipsis
Vim semper ducturus, opesque ex ignibus ignis.

(a) An saliant Erebum flammæ? mirabile dictu est!
Quos uret, pœnis saliet vitalibus ardor.

Diri scilicet ille rogi sal igneus, urens
Ipse, dat usto animos, ut ab æstu fortis, ab æstu
Uratur semper. Cordi suspiria donet
Quæ Metanœa, imbremque oculis? O lacryma, tantis
Quæ restinguat anhelantes fornacibus ignes!

*Pœna dam-
ni.* At modò quo sis mota gradu, cumuloque bonorum

Quo spoliata, vide: semper fletura videndo,
Infelix anima. factum bene. qui videt, idem
Ritè flet & visus oculus fletusque minister.
Et superas videt illa domos, & læta Quietis
Limina. Sed vastum miseram chaos alligat. atro

Ah plùs quàm novies Styx interfunditur alveo.

Et videt illa Beatorum per Olympia templa

Confessus, quique e terra venere coloni,

Quique polo genus aligeri duxere Quirites:

Amplexus mille alternos videt, oscula mille.

At solos hæc attingunt commercia, Vitæ

Quos retulit Liber in cives. Liber aureus. at cui

Nec venit e Cretæ norma, tabulisve Lacœnis,

Nec certè ex ævo cedri, seu pumice nomen.

Expolit illum æternus amor, præscitaque virtus.

Sæpe meas illud fama pervenit ad aures,

Et pretium, & nomen fecit cui Gloria, Lumen.

Nascitur; at Lucinæ oriens nil debet Eoæ;

(a) Omnis igne salietur. *Marc. 6. Et sic pariter nonnulli interpretes, a salis natura tribuentis incorruptionem.*

Nec

Nec similes ; utero quæ cætera lumina fudit;
 Prima, parens lucis, partus enixa dies est.
 Ingenitæ lucis candor : qui tempora primùm
 Aligeri Ducis, & cœli tentoria cinxit ;
 Solis inoccidui radius : quo panditur ipsum
 Numinis in penetrabile aditus, quo, quicquid amœnum;
 Quicquid dulce Deus, fruimur. Sed nubila regna,
 Quasque palus fundo noctes exhalat Averna,
 Huic interclusere viam. Cocytia monstra,
 Et fuligineos vultus, & verberis ictum
 Horreo, vorticibusque atrum torrentibus amnem :
 Nexus horreo nodosos, dentemque chelydri
 Virosum, anguineos tortus, & siquid acerbum,
 In pœnasque ferax aliud. Sed damna quis horror
 Illa satis ? gemitus inde, horrifonique ululatus,
 Et fletus diri, & rabidus per Tartara stridor.

O, lethi confanguineus siquis Sopor Orci
 (Ut memorant) tetras fauces, aut atria servat
 Excubitor, medicato irroret lumina ramo,
 Spargens blanda venena, papavereamque quietem;
 Ut me sopitus lateam, seu tantula Damnis
 Vel connivendi fiat mora. Siqua silentum
 Prænatat excubias volvens oblivia Lethe,
 In curas fluat illa meas, quæ a triste remittant
 Imperium, & fallat requies furtiva dolorem
 Paulisper, me surripiens mihi. Sed neque Somnus
 Luminibus, menti nec commodat otia Lethe.
 Involitant usque in mentem, noctemque fatigant
 Usque, diemque feræ species : nec damna facultas
 Ulla, recursantemque oculis avertere pestem.
 Hinc habitans ille insomni sub pectore Vermis,
 Subditus ad fibras altè, & præcordia Vermis;
 Et jecur immortale, renascentesque medullas
 Depascens morfu æterno. Suspiria fera,
 Questusque in ventos abeunt. Quæ janua solem
 Antè recepit utrumque, Subufranoque vel ipsum
 Admisit puteal cum fornice, janua clausa est ;

H

Ferreus

Ferreus haud exorando stat robore cardo.
 Conclamata jacet spes : (a) (Ilicet.) una malorum
 Dulce levamentum. seu fructum porrigit illa,
 Seu finem. metas hæret dolor omnis ad illas.
 Fructus ubi est ? steriles exercent Tartara pœnæ.
 Finis ubi est ? redit æterno labor orbe, recurso
 Pœnarum assiduo refluentium. ubique dolorum
 Congeries immensa, malique informis imago
 Æterni. Alipedes absolvite, & axibus alas
 Nil profecturas appendite segnibus Horæ.
 Temporis ad metas venit fuga. constitit æther.
 Ætheris immoti rota sistitur. at rota pœnæ
 Volvitur illa mæx, æternoque volubilis ævo.

In eodem
 adhuc situ
 persistens
 Poeta va-
 cat cogita-
 tionibus
 lætioribus,
 atque ad
 statum An-
 glia præ-
 sentem
 magis ac-
 commodat-
 is, sub er-
 tum Auro-
 ræ.

(b) Et jam sideribus dubiis Nox sensit Eoræ (c)
 Lora Dæx, surgensque polo jubar. illa rubentes
 Memnonio luxu crines, & plena rosarum
 Extulit ora. salutantum gens læta volucrum,
 Excitiens alacri pennarum verbere noctem,
 Imbuit ad cantum nidos, gratata soporo
 Infusam ruri Auroram, rebusque colorem.
 Glaucus aquis errat tremulis nitor : aura pruina
 Tithoni placidè friget, nebulaeque subactæ
 Decumbunt arvis, & raro vellere canent.
 Quàm facies dispar illi, cui turbida nuper
 Induerat nox terrorem : cùm nubibus axem
 Abstulerat, terramque involverat imbris Auster !
 Hic, mens ut jam liberior, laxataque sensim
 Lætitiæ spatia, & fibris illapsa dies est,

(a) Solcennis vox, qua missus populus in exequiis.

(b) Idcirco sistitur in hac descriptione Auroræ, quip-
 pe quæ infert faciem rerum diversam a nocte præterita;
 cum allusione ad statum Angliæ præsentem, diver-
 sum longè a præterito, cùm omnia tumultibus misce-
 rentur.

(c) Et hinc referat oculos Lector ad hujus partis Argu-
 menti monita.

In

In mentem pariter subiit confinia rerum
 Tempora conferre, & varios componere fati,
 Fortunæque habitus. Terris exorta Britannis
 (a) Astrorum redeunte choro, certaque diei
 Spe dilucescente tui, quàm candida lux est!
 Consedit fragor, Æoliæque ferocia nostræ.
 Longa, procellosa fatorum in nocte, severo
 Turbine fortunæ, tulimus discrimina: quorum,
 Pubescente malis ævo, pars maxima, Princeps,
 Semper eras. Gens quæ luctus non conscia nostri?
 Quæ freta? quæ nostris cautes non ossibus al bent?
 Fortunis, patria ejecti — Quid nota revolvo?
 Sors melior quantò visa est, quibus altera cessit
 Pars rerum! charos Manes nec facta potestas
 Ulcisci, nec verò sequi. (b) Num Belgica lunas,
 Num soles alios habuit? nox annua nobis,
 Annua visa dies. & huic nec bruma, nec illi
 Solstitium interiore dedit procedere gyro.
 Diluvio ex illo miseros urgebat egestas
 Quanta, liquet. longè nec respexisse necesse est.
 In citimo veterum species. in canuabe Baucis
 Splendet adhuc, insignia adhuc fert nota Philemon.
 Dives eras. unum hoc deerat tibi, nosse beatæ,
 Anglia, Paupertatis opes. assucta novorum
 Gymnosophistarum monitis, scuticæque magistræ
 Literulis modò tincta, Rotæ quàm strenua noras
 Ludum fastidire: minas quàm temnere Cauri,
 Cymodocesque supercilium, breve litus & algam?
 Remigio radens tenui! quàm riserat æris
 Et curæ vacuus tumidum Scyrone viator!
 His, Princeps auguste, malis adolevimus, inter

(a) Procerum exulum, quorum multi proximè ante
 Principis reditum revertebantur in Angliam.

(b) Cùm scilicet in Belgio exulassent Regii: quibus
 tempora videbantur solito longiora ob expectationem, ut
 fit, dilatum rerum meliorum.

Has tecum mœsti lachrymas exegimus ævum;
 Teste vel Invidia, miseri satis. Una fovebat
 Spes languentem animum, & causam pascebat egenam;
 (a) Spes ægro panacea, inopi fors ampla peculi,
 Captivo sua libertas, victoria victo:
 Sola sciens assentandi sine crimine, (solam
 Hanc præter quis enim misero assentetur?) honesti
 Progenies, præsentis inops, opulenta futuri.
 Hac fretus noctem exegi, mediisque tenebris
 Respexi lucem: hac fultus librata per undas
 Non intermisso diduxi brachia nisu.
 Et dixi quàm sæpe! Nitescite sidera. Dixi.
 Et tandem nituere. Nitesce, nitesce, meus Sol,
 Astrorum face, candidior Titane meus Sol.
 Exorere, & dispelle hyemes, noctemque resolve.
 Exoreris. pulsæque hyemes, resolutaque nox est.
 Salve tot quæsitæ quies & reddita votis:
 Aurea pax. redeunt priscis e fontibus anni;
 Lactis eunt, ibant toties qui sanguinis amnes.
 Lætitiis terra incedit. vox lenta. vel ipsæ
 Subsultant tetricæ rupes. Accurrite Gentes,
 Et quas finitimo vicinior alluit æstu
 Nereus, & quas subducit longinquior orbis;
 Tuque prior toties propius miserata gementem, &
 Sæpe dolore dolens nostro, commercia cœli
 Quam paria, ingeniumque soli, veterisque querelæ
 Oblitum gemino manans e sanguine foedus
 Germano sociat nexu, gratare sorori
 Gallia; Sequanides properent ad litora Nymphæ,
 Aspiciantque Deus quæ nobis otia fecit.
 At tu, cui nostris toties e fletibus urnam
 Intumuisse ferunt, occurre, sororibus undis
 Lætitiâ enarra, Thamisis: fluat Inda per artus
 Carbasus, atque Hermo rorans inserpat arundo;

(a) *Similem ferè in modum Coulaus de spe. ad cujus
 carmen Anglicanum hîc placuit emodulari.*

Cornuaque

Cornuaque attollens glauca (a) bicoloria fronte,
 Britonidum, pulcher Thamisis, moderator aquarum,
 Magnificum fremitu per ripas, & labere fluctu
 Arduus, Oceanoque patri tua gaudia misce;
 Quaque pedem fers undisonum, oceanitides una
 Plaudentem lustrent choreæ: vestigia lambant
 Et Zephyri comes, & Etesia, & albus Japyx,
 Exultans. procul Æolia pars altera cedat
 Nimbose cum pube, nec affremere ausit eunti.

Lætus agat tandem, & meliore superbus avena
 Pastor oves: niveo generosas vellere, quali
 Pellexit Lunam cælo deus Arcas ab alto,
 Pascat oves. Pulsa tandem rubigine lucem
 Induat attritus vomer, docilisque juvenecus
 Ad munus Cereale volentibus imperet arvis.

Naviget: incidat tortos mihi Navita funes,
 Segnes increpuere moras Peruanaque rura,
 Et mitratus Arabs, & cinctu defluus Afer,
 Et diversus utroque Getes: Minyisque feruntur
 Mirari, solito vacuos & Iasone portus.
 Hac fortasse tenuis licuit confidere ponto
 Parcius, ast agnam belli modò fluctibus icit
 Candida pax; pepigere fidem modò Tethys, & Arctos
 Mitior, accinctique sedent in litore venti.
 Paruit, & velis immisit nauta rudentes.
 Ecce fugit, spumasque salis ruit incita pinus:
 Cornua, carbasseique sinus, & suppara summa
 Festivum crepuere. (b) pedem bonus alter & alter
 Incidit an Pollux in utrumque? carina sequaces
 Antevolant ventos, & subsiditibus undis,
 Extremam fluctu in primo præsumit arenam.
 Mox redit: & ripis comes adnatat India nostris.

Vosque adeo, quos Parnassi per amœna vireta
 Ducit amor, genus Aonium, quibus imbuit ora

(a) Est enim mixtus fluvius ex Thama & Isi.

(b) Dicitio nautica de prospera navigatione.

Castior Hippocrene, & largiùs ungula manat :
 Præque aliis vos, Musarum quibus altiùs arces
 (a) Vertice consurgunt gemino, quibus affluit undæ
 Dives Isis, doctoque affunditur æquore Cama :
 Laurigeram tempus, comites, exporgere frontem ;
 Ora probent lymphæ : desueta refingite plectra
 Ad numeros veteres, reducemque Anphiona rupes,
 Orpheaque sylvæ mirentur, Ariona pontus.
 Rupibus, & sylvis, & ponto furdior auris
 Vestra pellicienda fide est. et fortè rebelles
 Anglia didiscet fastus, animosque remittet.
 Auspiciis si fata meis decurrere vitam
 Annuerent, &, qui reliqui, componere soles
 Sponte mea, vacuum curis ante omnia Divæ,
 Lustratumque undis, arcanaque sacra ferentem,
 Acciperent gremio Parnassides. O ubi, Vatum
 Excubiæ, bifido veteres in culmine somni ?
 Phœbus ubi ? O quis me resonabilis ad juga Pindi,
 Ad latices Libethræos, ad Thespia Tempe
 Sistat, ubi fotos lauri vocalibus vmbris
 Permessi rorans guttis sopor irriget artus ?
 Siste. quis incautum tulit impetus ? an Dea menti
 Incidit improvisa ? nec hospita sylva sopori
 Illa meo, nec verò illi mea concolor ætas.
 Et solitam, sensi dudum, mihi barbitos auram
 Icta negat, solitamque negat Latonius aurem.
 Vos, quibus articulus teres est, ad carmina quorum
 Adrepunt lauri faciles, quibus integer ævi
 Argutis micat in venis Heliconius humor,
 Quos Deus ille, Dæque solent audire vocatæ,
 Vos citharæ decet, ingenii que intendere nervos :
 Vos animæ Aoniæ fœtus educite. Pæan,
 Thespiz io Pæan referant ad sidera valles.
 Candida currite secla. sacer præsagia Mystes

(a) Parnassi nostri vertices duo Oxonium, & Cantabrigia, Oxonii fluvius Isis, Cama Cantabrigiæ.

E Clivo cecinit. vocem festiva remittit
Pieris, assensuque antri cortina sonoro.

Hæc ubi jam laris umbrosi sub tegmine verno (a)
Mente volutasset, (vigil, an sopitus? utrique
An mage contiguus, neuter? fugientibus astris
(b) Certior esse quies, & (c) cornea sistere luci
Morphea sincerum solet. Atqui excedere noctem
Illa mihi visa est, & somno major imago.)
Rem præter solitum miram aut vldisse putavi,
Aut certè vidi. Vicino prævia soli
Jam propior lux albebat; transcurrere cælum
Cardine nimbus ab Eoo, & Tithonide porta
Visus. eum maculis variabant (d) cæcula fuscis
Vellera, suffuso ferrugo rubebat ab ostro.
Explicat inde sinus latebrosa volumina, & amplo
Orchestræ in faciem laxatur fornice nubes.
Apparent lances geminæ, sua pondera lances
Ambiguo librant examine: discolor æquat
Sed juga momentum. Sequitur, comitata catervâ
Virgineâ, forma ante alias pulcherrima Virgo.
Illi multus in ore rigor; nec læsa venustas:
Cui blandituros oculis miscebat amores
Ipse rigor. Sed nec leviter diffundere vento
Exleges dederat crines. a vertice nodum

Tamen oportet, Iustitiæ divinæ non immemores simus.

(a) Hic pariter occurrit repetendum, quod monebatur in præmissis Argumento.

(b) Peripatetici enim, atque Academici magis præbent somnia, quæ sub lucis ortum accidunt.

(c) Hoc est, ad verum magis accedens. & alluditur ad portas somniorum: quarum altera cornea, altera eburnea. per hanc falsa somnia exeunt, vera per illam. Rationem pete a Macrobio l. 1. in Som. Scip. c. 3. de cornea tunica oculorum, & dentium septo eburneo. quia quæ videntur, certiora sunt, quàm quæ audiuntur ore prolata. (d) Accipitur hic pro colore vergente ad obscurum: ut sæpe.

In

In teretem morsu tenui collegit iaspis.¹
 Liberior cyclas, & modicè porrecta, refusus
 Aura sinus, croceosque hinc inde laceffit acanthos.

Adducun-
 tur ejus-
 dem exem-
 pla nota.

(a)
 Casus An-
 gelorum.

(b) Illic & veteres, & seras Numinis iras,
 Et seriem irarum multam, pugnataque bella
 Ultoris cœli, casusque ex ordine pingens
 Dædala distinxit varios acus. Æthere summo;
 Empyrias cœli regio quâ surgit ad arces,
 In diversam aciem mistas utrinque phalanges
 Cernere erat. connixæ illæ, pennisque coruscæ
 Adversis Martem invadunt, & prælia miscent.
 Ecce autem ruit inversis pars altera signis,
 Turbinem agens agmen tenebrosum, & vertice pronò
 Volvitur ad terras. Nimbo non densior unquam
 Tempestas, tortusve solum diverberat imber.
 Tetra cohors; Dux horribili terribimus agmen
 Ore præit: sulco ruptum ceu nubis hiulcæ
 Aeris in campos vibratur ab æthere fulgur.
 Limitem agit flammis: & sulphure robora fumant.

Ejectio ho-
 minis e. Fa-
 radiso.

Non procul hinc hortum gaza splendescere verna
 Fecerat, Armenii veris, Floræque Penates
 Æternæ. croceo subtemen germine pubet:
 Vernat opus, Floraque omni distincta Minerva.
 Vestis erat. Certant oculi. sententia fertur.
 Hortus erat. Viridem spatiis induxerat umbram;
 Et vario lautum cultu frondentibus umbris
 Pendentem Autumnum. Phrygius non talia dona
 Vidit ager, nec Phœacæ pomaria Sylvæ.

(a) Poterant alia exempla afferri. sed hæc afferre pla-
 cuit ob rationem positam in Argumento.

Si cui longior videatur hæc descriptio, sciat modum
 esse inductionis poeticæ per exempla.

(b) Elegantiæ fuit veterum vestibus figuras, & hi-
 storias intexere. Notum ex Athen. l. 12. de chlamyde
 Demetrii, & Sidon. & ex Apoll. in Epithalamio Pole-
 mii de palla Jovis, &c.

Hæc

Hæc inter scatebris surgens illimibus unda;
 Decurrensque nemus per textile, proflua sensim
 In fluvium tumet. haud alio juvenilia mallet
 Fata redordiri Cephisia fabula rivo.
 Fecerat & variis implexum tortibus Anguem
 Arboris eximæ per lævia brachia volvi,
 Virginea insignem facie, illecebraque juventæ
 Pellacem, radiis squamam incenditibus auream;
 Versicolorem anguem. non illi sibila colla,
 Non avidi rictus, oculi nec sanguine sævo
 Suffecti. arrectum pectus, cristamque, jubamque
 Mille colorum obiere doli, per nubila qualis
 Incedit luci adverso Thaumantias arcu.
 Fœmina siste. latet colubri (fuge dona ferentem)
 In dono coluber. Ramos pars cætera longo
 Agmine ponè legit : rutilatque in cortice virus.
 Quæ tamen illa minacem armant incendia dextram ?
 Ite, (a) pares Superis, nova numina. fortè pigebat
 Nolle bonum. deitatis adest pars altera vestræ.
 Fœda fames, diræ ingluvies uxoriamensæ !
 Decoxit se, meque Nepos. (b) e sentibus aspris
 Eruitur panis meus, & convivia sudant.
 Spina, cavè mulier, teneras secet obvia plantas.
 Spinea, Virgo, tua est, & spinea semita nostra est.
 Viventum dicenda parens, nova Nupta. sed ornat
 Vitalem Nympham Mors pronuba. Terra parentum
 Pacta manet natos. Pomum hoc dotale marito est.

Parte alia cano spumans in flamine marmor,
 (Æquor erat, vacuum sed limite litoris æquor)
 Et phocas turpes, & physeteras anhelos,
 Et quæ monstra seni glauco creat humida mater;
 Addiderat. Montes hinc atque hinc gurgite summo,
 Nubilus Apenninus, & Ossa nivalis, & Othrys,
 Jamque humilis, nimbos nuper raucumque tonitru

Diluvium.

(a) Eritis sicut Dii, scientes bonum & malum.

(b) Spinæ, & tribulos &c. In sudore, &c.

Despectans, fessisque astris datus hospes Olympus;
 Vix medii eminuere. Feræ de rupibus actæ,
 Hinc Pangæus arator, inhospitus inde Lycaon,
 Ursaque jam siccas non irrisura sorores,
 Et vulgus ruris varium vestigia miscent
 Cum populo maris. Et nantes in gurgite raros
 Fecerat imbelles ad sidera tendere palmas;
 Sidera: sed medii prohibent commercia nimbi
 Ulteriora: latetque hærens in stamine clamor.
 Interea totum non secius actus in æquor
 Nubibus abruptis ruit implacabilis æther.
 Undas emolitur hyems; coelique ruinas
 Devolvi in pontum aspiceres, refluxumque vicissim
 In cælum aggeribus tumidis ascendere pontum.
 Hæc inter texti arborei surgebat imago
 Terga premens salis indomiti. nec tonsa, nec alæ
 Velorum apparent ullæ: nec nubila servat,
 Nec clavum Palinurus. aquarum in montibus arbor
 Acta ferebatur, nec, quò ferretur, habebat.
 Ultrices undæ! (a) in vestro primordia rerum
 Concrevere, tener vestro sub lumina mundus
 Prodiit ex utero. generis spes ultima nostri,
 Quæ supèr, & mundus tenui natat in trabe totus.
 Causa mali Dea. sed natalibus interit illa
 Arreptæque facis pœnas expendit in undis.
 Emersura. leve est & mobile Cypria numen.
 Mortua? fœmineum genus est; & mortua fallit.
 Hæc oculos ego cùm tacitus per singula ferrem;
 Non procul inde novos objecit tela timores.
 Infames an sola domat fax altera tedas?
 Nempe venit nimbis ruptus flagrantibus imber
 Tetrior; accenso fervent in vellere flammæ,
 Immissusque ostro dirum rubet aureus ardor.

Conflagra-
 tio Pentapo-
 litana

(a) Oceanumque patrem rerum. *Virg. 4. Georg. ex opinione Thaletis, & veterum Philosophorum, qui omnia ex aquis generari afferebant.*

Sulphurens

Sulphureus sævit vapor, ignivomæque procellæ
 Turbo vorax. urbes, tabulata per alta volutis
 Vorticibus flammæ, acies Vulcania regnat
 Per medias; populant tedæ sylvasque, lacusque:
 Fumat humus, densæ candent in nube favillæ.
 Corripuere viam trepidi per opaca locorum
 Obverſi in saltum, quæ se subducere campi
 Incipiunt, tumulique leves attollere callem;
 Vir, conjux, natæ geminæ. Quò lumina, Virgo?
 Fœdistragas oculorum acies ad mœnia flectis
 Sulphure digna, sacrosque lares. Riget illa; salemque
 Artifice argento mentita resistit imago.
 His auro, spirant aliis in marmore vultus.
 Sola salem Lothis meruit? non Lothida solam
 Commendant famæ vultus in terga retorti.

Undique multiplici textam formidine telam
 Cernebam. Ignitis ardent serpentibus iræ;
 Infigunt morsus, animamque & virus inhalant
 Lethiferum. Densa plaudit sub nube coturnix:
 At condit Mors atra dapes, & funere mensam
 Inceſtat. Labe immani defidit, & ipsos
 Immisso Manes exterrens æthere tellus
 Hinc scelus haurit in abruptum. Pendentibus illinc
 Objectu vasto saxis, asperrima rupes
 Tollitur in cœlum. ruit extimulata siti plebs,
 Circumfusa. Ræt uda silex, & verbere cæsa
 Liquitur in fontem. At grandævi funeris umbris
 Redduntur suprema. jacet frondosa pheretio
 (Tristes exuvix, & fidei monumenta caducæ)
 Virga, coronales apices, & ianthina byſſus,
 Mala, bis & leno totidem cum nomine gemmæ,
 Et sacro fluitans non ampliùs infula collo.

Te quoque, magne Pater, votorum in margine cerno
 Suprenio positum. Phasgæ de vertice terram
 Despicias expectatam olim, fugientiaque arva,
 Et longo, per iter cæcum & loca senta, petitos
 Circuitu annorum fines. Ephraimque, Manasseque

*Serpentes
 igniti, &c.*

Aaron.

Moses.

Obtutu legis, & spatiosam Nepthalis oram;
 Quaque patet latè Judas projectus in Austrum;
 Extremique finus pelagi. Ditissima terra.
 Par opibus formæ species. Sic ora ferebat,
 Sic oculos, sic purpureo vernabat amictu
 Longo ducta gynæcei Natura recessu
 Eoi in thalamos (a) horti. Lætissima salve;
 Lacte fluens, manans & mellis nectare tellus,
 Sed moritur. tellus alio lustranda sub axe est;
 Et sacer hospitio sedem parat exulis umbræ
 Thariadæ sinus. An Mofi tam saxea rupes?
 Digna, fides quam, siqua potens magis, in mare tollat,
 Flent ferrugineæ valles, epicedia miscent
 Atrati montes. it funebris ore sacerdos
 Incompto, pronamque manus fastidit acerram.
 Hæc situs est tumulo inscribi jussere Camœnæ. ;
 (b) Incertum sedes at fugerat invia vatem.

Nationes
 varia,

Inde ubi deflexissem, agitara lacinia gentes
 Obiecit spectanti habitu, vultuque, motuque
 Diversas; Garamantas, & ultima Bactra, dicque
 Noctescentem Indum nimio, Phariumque Canopum,
 Quasque secat Ganges, & quas Pactolus arenas,
 (c) Arfacium solem, atque Othomannæ cornua Lunæ,
 Omnibus his minitans æther, & cuspide telum
 Imminet adversa; dextramque e nube tuebar
 Implicitam capulo, qualem, cum flammea cœli
 Porta tonat, flagratque Diespiter, acer Apelles
 Armata nimbis ostendit, & igne rubentem.
 Ignescebat apex frameæ, surgebat in undas
 Ardor, & extremus torabat sanguine mucro.

Anglia

Tuque Nurus tu Nerines formosa, perenni
 Et maris, & curarum æstu perfusa tuarum,

(a) *Paradisi scilicet.*

(b) Et non cognovit homo sepulchrum ejus usque in præsentem diem. *Deuter. 34.*

(c) *Persas; quorum numen Sol,*

Extremam

Extremam infelix implebas Anglia telam;
 Infelix? nam quæ felicior? orbita fines,
 Usquam siqua fuit, lustrat Saturnia nostros.
 Attamen ille quis ora (a) Deæ, comitumque severus
 Insedit terror? necdum exaturata resedit
 Ira? reæ num quid superest de sanguine venæ?
 At quas non terras nuper, non æquora tinxit?
 Anglia, tange aras. & adhuc ambire minantem
 Obsequio poteris. da thura, clementur odores.
 Votivo poteris celare piacula nimbo,
 (b) Illa nihil. Clauso cocunt aulæa theatro.
 Avertentem atri nimbi, Boreæque curules
 Avexere. (c) Frigor, tristisque secuta tubarum
 A tergo vox, & gemitus, & clamor, & iræ,
 Tum squalor gravis, & pheretrorum funebri ordo:
 Hausturisque urbes fatalis ab ignibus ardor.
 Sol oritur, lucem terris, & me mihi reddens.
 Fallor? an hi nubis ludi? num talia fingunt
 (Haud equidem reor) aeræ spectacula scenæ?
 Excutor tandem, & suspensus numine multo
 Rura (d) procul circumspicio subjecta, situsque
 Villarum dulces. hæc prono in margine pendent
 Clivorum, hæc querulæ per valles ambitus undæ,
 Et depressa tenent: fugiunt in opaca, sinusque
 Sylvosos aliæ; fumusque in culmine vernat.
 (e) Ruris alumna, meis olim gens hospita Musis.
 An par hospitio merces? Nec rostra, nec aulam,
 Nomina seu prætexta, nec alta theatra, nec urbem
 Aspicio; sed nec turbas ego, seu quod in urbe
 Urbis inest. Pars naturæ sincera, prioris

Circum-
 spicit Poe-
 ta ex eo-
 dem loco
 rura sub-
 jecta.

(a) *Iustitiæ.* (b) *Iustitia.*

(c) *Indicia bellorum, pestis, & incendiorum, quæ
 consequebantur.*

(d) *In vicino, pro oculis, ut accipitur nonnunquam.*

(e) *Horum de Rure occasio sumpta potissimum ex eo;
 quod Princeps se contulerit eò in fuga.*

Ævi

Ævi flos illibatus, bona si modò nostis;
 Quæ vestræ recubant humili sub fronde myricæ;
 Gens o fortunata nimis. Si limite Parcæ
 Signarunt tenui vitam: non æde lacunar
 Sidonium in laxa splendet, nec rupe recisas
 Mygdonia testudo premit speciosa columnas,
 Palla nec Indorum filis illusa refulsit:
 At cultus morum, & censu casa simplice dives;
 Virtutis domus antiquæ tibicine fulta,
 Pax indelibata, proculque nocentibus armis
 Pacis opes, & damnosæ mens inscia culpæ,
 Et responsuræ culpis mens inscia curæ,
 Non desunt. Si non mensis accumbit eburnis
 Lautæ fames, gemmave sitis bibit: at neque terret
 Seta dapem. Ambitio sæva, Insidiæque per oras
 Auratæ lancis serpunt, similesque (a) parenti
 In vino libat genialis concha tumultus.
 In vili tutum. Modici nec rixa salini
 Nec livor condit cœnas. Quàm læta diurno
 Empta labore quies, cui somnia temperet albo
 Vespertina teges! portæ cum limen ad aureæ
 (b) Apparet timor, armatus licet, at timor, & nox
 Ægra, soporque vigil. Ruri sed nec sua deerat
 Regia; nec forsan minùs aurea: Thyrsidis aulam
 Cum Tituli intrarunt nulli, nec sorduit auro
 Læsus honos. Erat, & Dryades meminere superbæ,
 Tempus erat, cum sylvestris mutaret aratro
 Consul ebur: cum, quæ tauris juga dempserat, hosti:
 Indueret, terræ dominis dans jura, colonus,
 Farra serens, & regna metens. Se fictilis aureum
 Jupiter e Sylva peperit. Rus montibus Urbem
 Et mundo imposuit. Nobis ingloria sordet
 Sylva? tuum tamen est, Sylvane, quòd Anglia regnat.

Surgit, &
 amici ho-
 spitio ex-
 cipitur.

Surgo, & vicinas pavidus, quâ semita monstrat
 Proxima, suspensusque animo, divertor ad ædes.

(a) Mari. (b) Apparitoris munus exercet.

Hic

Hic, ubi pulsa fames epulo brevior, sitimque
 (Nam neque vitea erant, nec erant Cerealia. casus
 Sic tulit.) infusis Acheloia pocula citris
 Restinxere, gravem fingens ad mollia frontem;
 Quisquis es, Hospes ait, felix ades, & Jove dextro.
 Splendida erat nobis, & erit quæ splendida semper,
 Vertentes annos (a) Carolo quæ læta reclusit,
 Altera lux. meliore measignanda lapillo,
 (Interdum, inque loco fluimus; turisque nec ipsi
 Stultitiam miscere brevem vetuerat Catones)
 Et nectar Genio fundens, & debita dona,
 Alternò pectus illa dedit certamine cellas.
 Hic oculis hominem mensus propioribus, At te
 Noscere alias, inquam, videor: nec fortè tua me
 Mente dies aboleverit. Improbus ille, meoque
 In vultu fixus: Naris quia forsàn obesæ,
 Hæreo; mox, Occurris, ait. vestigia retro
 Pristina, servatos si ritè remetior annos,
 Scotus ego, tu Gallus eras. an te fugis? & jam
 Bis centenam egit rota Cynthia, ter denamque
 Sub terras hyemem, Aurelæ sub mœnibus altis
 Ex quo bellacis Nymphæ nos signa secuti
 Contulimus duce sub Calabro zonamque, manumque,
 Conque tubernales Ligerino in cespite somnos.
 Panthoides; inquam. Sed ludicra mitte. licebit,
 Communes spatiis brevioribus insequar annos.
 Oxonio prò quantus abis! Grus advena, credo;
 Excidit. At cujus pluma candescere Corvum?
 Substitit, irrubuitque. alludere plura paranti
 Cætera surripiens in collum invasit: & Idem
 Tunc mihi ipse, an ipse, ait? sex addita lustris
 Altera jam ex illo messis. Rhamnusia ludum
 Ex illo varium ludit. sed, amice, tot inter
 Cyclopum scopulos quo naufragus affere salves?
 Hic reliquas multo sermone fefellimus horas.

(a) *Erat enim natalis Principis dies Maii 29.*

Instaurat

Instaurat mensam vesper, mensamque secutus
 Excepit sopor, excepit sua pluma soporem.
 Postera ubi radios in somnum Cynthia lampas
 Injecit primos, e molli membra cubili
 Corripio, velox & roscida prata reviso.
 Nec matutinus minus hospes ; Et ecce sereno
 Aspirant, ait, Eois e finibus auræ.
 Lustremus campos libet, Auroraque fruamur ?
 Pergimus, alternoque viam sermone levamus.
 Inde, solum ut tumuit tumultis acclive, supinum
 Coepimus obniti in callem. pede fervidus urget
 Ascensum comes. insto viam. conferre sed æqua
 Lite gradum prohibet non æqui poplitis ætas.
 Defessi tandem confidimus. editus amplum
 In valles dat despectum locus. undique Juni
 Apparent ineuntis opes, & puberis anni,
 Umbriferi saltus, arvisque natantibus Euri
 Impulsu turbata Ceres, viridesque procellæ.

Narrantur
 ab hospite
 nonnulla,
 quæ di-
 gressum e
 Vigorni-
 ensi prælio
 exceperet,
 occasione
 capta a lo-
 eis sub a-
 spectu po-
 sitis.

Quin age, (sermoni cœpto comes instat) & istam, (a)
 Complexu procul arborea quæ secubat, ædem
 Respice, virgineo notam candore, patrumque
 Relligione sacram. teneris dat candida vestis
 Virginibus, necnon (b) sedi per secula nomen
 Concolor. Excidio infelix Vigornia postquam
 Subsedit, (neque enim tantæ cum flore juventæ
 Belli hujus licuit Carolo componere laurum)
 Res acta, & cessum fato est. Plaga lucida cœli ;
 Vertitur interea, e gremioque parentis opacæ
 Surgens opportuna diem, quæque impia fecit
 Damna dies, Nox involvit, rebusque colorem
 Abstulit aspectu fœdis. quæ proxima cursum
 Spes dedit, huc ducente fugam regione viarum

(a) Hic demum Lector in hac narratione, quæ conti-
 nuatur usque ad finem circiter pag. 77. meminere, quæ
 adnotabantur in Argumento.

(b) *White Ladies* : sive *Dominæ candidæ*.

Tenditur

Tenditur. hospitii niveum non disparis offert
 Hæc omen statio. In peditem, & sine nomine plebem,
 At nodum pugnae ingentem, violentia campi.
 Tota, & flagrantis belli incubuere ruinae.
 Seu cæsi, seu capti omnes. fors ultima cæsis,
 At potior cecidit. Patriam, compendia ducunt
 Quæ propiora, fuga repetunt Calydonides alæ.
 Irrita res. patriæ paucis permissa potestas.
 Egregiæ nimirum animæ, & melioribus ortæ
 Sideris Arctoi radiis. quàm, si qua priori
 Insedit famæ, labes eluta, novumque
 Claruit ad proavis dignum nova semita nomen!
 Vestro sancta fides est sanguine, sanguine sancta
 Integri vigeant in religione minores.
 Cardine in hoc rerum tanto, quò tenderet, anceps
 Hæsit in ambiguo Princeps. cessare vetabat
 In peius præceps hora, in mediumque jubebat
 Consulere. In varias Procerum sententia partes
 Scinditur. Hic subitus media inter talia rumor
 Diditur in vicino hostem, jamque affore certum,
 Consiliisque instare diem. mora rumpitur omnis.
 Fractæ consultura manet fuga sola saluti.
 Non secus ac moniti properant, invitaque mœssi
 Corpora subjiciunt in equos. ad terga labores
 Diversi, & fors post equitem sua quemque sedebat.
 Quæ cuique acciderint discrimina, mitto: nec hujus
 Esse putes operæ forsan meminisse, nec oti.

Perge, inquam. Nosse illorum mihi contigit unum
 E numero: nec Famam olim meminisse pigebit,
 Dum laudi, & meritis maneant sua præmia: dignum
 Patre, sed astrorum placitis melioribus. Exul
 Nobilis ut postliminiò remearet in urbem,
 Cura domus tulit. at capiti, causæque macello
 Addictæ metuens latebris & noctis asylo
 Fidebat. nec me latuit quam prenderat arcem.
 Sermo illi pugna super, & discrimine summo,
 Digressuque frequens. illo narrante suorum,

Communisque fugæ casus, quàm sæpe sub axe
 Nocturni Jovis ipse per invia tesqua, viæque
 Fallacis vario perplexos tramite saltus
 Ferret iter, nunc diffugiens, nunc aure maligna
 Arripiens sonitus omnes, noctemque, diemque
 Adversam, plenam incertæ formidinis illam,
 Hanc latebris non usqueadeo, furtisque faventem,
 Incusans : quàm sæpe famem vapidave polenta,
 Semesave penu depelleret, & dape cruda :
 Cæteraque, hibernos retulit quæ serus ad ignes ;
 Ingemui sæpe. & narrantis ab ore pependi,
 Abstiteruntque meo lachrymæ auscultantis ab ore.

At siluisse licebat, ait comes. ut mihi luctum,
 Sopitosque moves animos ! mihi vulnus adauctum
 Altius, & memorem doleo crudescere curam.
 Nam capitis menti alterius funesta recurfat
 Heu capitis chari species. quàm sæpe, sub armis
 Dum pugnacis equi premeret luctantia colla,
 Hærebam affixus lateri ! caput atra bipennis
 Abstulit, & lacerum vidit (a) Boultonia funus.
 Ille ubi (b) regali multum flens oscula dextræ,
 (Triste ministerium) supremamque ore salutem;
 Qua non ipse potiturus, libaverat heros,
 Consensus extemplo in equis (ex ordine deni
 Vix toto quater) a gemitu, fletuque capeffunt
 Auspiciis cursus primi. Sub margine sylvæ
 Extremæ, bivas aperit quæ cædua fauces,
 Arboreum inde vides ingens ut vulgus inumbrat
 Ulmorum par, aereoque cacumine nutat ?
 Illac, ad dextram exterior quæ semita ducit,
 Se trepidi glomerant in iter. ferrata fatigat
 Cornipidem calx, & piceam rapit ungula nubem.

(a) *Oppidum in Comitatu Lancastrensi, ubi Comiti Derbienti caput amputabatur a perduellibus.*

(b) *Nam digredientibus cæteris subsistit Carolus in vicinia Whiteladiensi modò memorata.*

Ecce

Ecce autem captivæ urbis per mœnia furtim
 Elapsus (multa interea divortia, circum
 Agminibus fufis, speculasque infederat hostis)
 Exploratorum fugiens infesta sequentum
 Arma Levistonus spumantem in pulvere frænis
 Immissis agitabat equum, campumque terebat
 Fervidus. illum ardens districta cuspide prædo
 Insequitur; pulsu alipedum gemit ardua tellus.
 Respiciunt, animi ancipites, tum susus in orbem
 Fit globus. in tutos elabitur ille receptus.
 Hostis abit, retroque datis aufertur habenis.
 Inde novus turmæ comes additur. illa (a) cohortes
 Dudum certa Caledonias apprehendere cursu
 Urget iter cœptum, & propèro quatit agmine campum.
 Jamque e conspectu saltus, primasque novales
 Transierant, Neoporta, tuo. pars lentius ire
 Et vultu spes afflictas attollere læto:
 Pars alacres descendere equis, & siqua fefellit,
 Qualia multa viæ veniunt, attrita supellex,
 Instaurare manu, & parti succurrere læsæ.
 Sublatis hîc fortè oculis procul æra cieri
 Conspiciunt, atque, ut passim disclusa dedere
 Effugium soli tenues per nubila rimæ,
 Luce laceffiri. visum interceptit oborta
 Caligo, (b) dumisque palustribus obsita vallis.
 Confestim (c) Scoto unanimis, sociisque catervis
 Acclamant: signis sociis adjungier ardent.
 Subsistunt tamen. Inde frequens campestribus ulmis
 Interjectu amplo fecit discrimina lucus,
 Molle siler, glaucaque salix quem fronde coronant.

(a) Cohors peditum propria. Virg. *Æneid.* 11. *transtulit ad equites.*

(b) Dum illi erant ad dextram, tum modico inde spatio Lucus ad sinistram.

(c) Scotica enim turmæ, quas falsò autumabant has esse, præcesserant proximè sub captam urbem.

Adversos hinc in colles dum prodeat agmen;
 Expectant taciti, speculariaque insuper arma
 Expediunt, inque apta tubos discrimina laxant.
 Hæc inter densant auræ, pulsataque longè
 Dat sonitum tellus. gemitu ille & turbine cæco
 Allabi tractim, motæque horrescere sylvæ.
 Diversi circumspiciunt. tum certior, inde
 Certior advolvi sonus, & clarescere murmur.
 Emicat e dumis, citimique crepidine saltus,
 Quà non speravere, malum. vomit undique belli;
 Quà patuit, nemus adversis e faucibus undam.
 Sic quibus Americen amor est invisere, longus
 Incertos, notique emensos sidera mundi
 Exercet labor. interea, quà margine visum
 Terminat, extremumque polo contextitur æquor;
 Sæpe globum obscurum cernunt, falsoque propinqui
 Litoris indicio capti, Tritone secundo,
 Conclamant terram; ventos nec gaudia ferre
 Vana vident. (a) aliud quid erat, quàm nubis aquosq
 Conceptu turgens sinus, in cumulumque coacta
 Tempestas, sufferta notis & Orione toto
 Foeta domus? mox, emissio per cærula nimbo;
 Turbinibus totum involvit mare. lintea cogit,
 At peritura, fidem si luserit anchora, pinus.

Pergo? moras amat, invitus qui pergit. In hostem
 Tentanda, & ferro turmas rumpenda per ipsas
 Restabat via; sed, numero superante, procellæ
 Ceditur: avertuntque. negat Pudor, & Pudor addit;
 Imperii frænuni indignans, animosior alas.
 Jamque incumbibat tergo, calcemque premebat
 Prædæ avidus tantæ miles. novus ecce minatur
 In frontem, adversoque supervenit agmine terror,
 Decurritque jugis, infestaque tela coruscat.

(a) Indiciu usitatu turbinis, quemadmodum a
 Nauta Indico accepi, quem & Hurricanum appellant,
 præsertim in mari Americano,

Tum

Tum verò concussi animi : exanimisque vicissim
 Terga dedit spes. averſi in diverſa , ſecat ſpem
 Quæ ſibi quiſque, citoque feruntur in avia ſaltu
 Præcipites. Quàm lenta fuga eſt, ubi fata ſequuntur !
 Urna tamen quàm diſſimiles ciet arbitra ſortes !
 Præ reliquis, Derbi, infelix ! ut moverat urna
 Nomen iniqua tuum, non exorabilis uni
 Injecit tibi Parca manum. crudelibus Heros,
 Et fidei magnæque animæ reus, occubat umbris.
 Heu charum caput ! immerita cervice revuſum.
 Occidit : & (a) poſitum affata eſt Boultonia corpus.
 (b) At tu, quam coluiſti animam, Regina volucrum,
 (Vincla ſoluta) tuo comitem comes infer Olympo.

Carolus interea quid agit ? Faſtigia lucus
 Illorſum, viden', ut patet in diſcreta biſormis ?
 Boſcobel illa tibi eſt, multa notiſſima fama
 Boſcobel, & noſtras inter cultiſſima ſylvas.
 Carolus hic, & ſolus adeſt ſibi. ſolus. at ægrum
 Quot circumſiſtunt curæ ! Vigornia, cauſæ
 Contuſæ facies miſerabilis, eruta bello
 Spes rerum, inſultans hoſtis, fuga, terror, in iſtis
 Omnia ſunt oculis extrema. Strepentia nuper
 Tympana, cornipedum fremitus, æriſque canori
 Claſſica perſonuerunt aures ; nunc murmure ſoli
 Diſverſo alituum queſtus. Eques atria nuper,
 Excubitorque frequens ſepſit ; nunc ultima reſtat
 In vacuo tutela. Latus regale cohortes
 Arboreæ ſtipant ſaltem. Famulone caducum
 Subſidio in bellum venient ? haſtilia ſpondet
 Fraxinus ? armandos Taxus ſe torquet in arcus ?
 Audet, & æquoreis occurrere caſibus Alnus

Relinquitur interim
 Princeps
 ſolus in
 primo ſe-
 ceſſu ne-
 moris Boſ-
 cobellani ;

Comite ad
 tempus di-
 greſſo ad al-
 teram ne-
 moris par-
 tem, ubi
 Pendrelli
 habitabant,

(a) *Vox funebris & Libitinaria, quemadmodum & verbum, affata, more veterum.*

(b) *Alluſum ad hiftoriam mirabilem Aquilæ noſtratis Derbianæ, & Apotheoſim Heroum apud veteres,*

Abiete

Abiete cum socia promittit, utramque futura
 In sortem comes ? & forsan Berecynthia Buxus
 Tympana, matremque Idæam, Querceta Tonantem,
 Populus Alciden jactat. Sed non ope tali,
 Non armis his tempus eget. si fagus egeno
 Perfugium, si tantisper sub fronde latebram
 Præbeat umbra, sat est. Juvenem nunc (a) altera fregit
 Fortunæ septembris hyems. Septembria vobis
 Sidera veris habent multum : neque proxima Pleias
 Sparsit adhuc sylvis tabem. succurrite nudo,
 Dum licet, & foliis operite. benignior olim
 Auxiliatrices Aquilo sic tondeat umbras.
 Spissum erat, ut memini, cælum. ne fortè latebras
 Luce mala præsens offenderet, inter opacas
 Se nebulas clam subduxit, tenebrisque modestus
 Indulsit sol. Afflicto polus insuper humens
 Addoluit. ne sed nimio tamen imbre noceret,
 In rores nimbus pendens abit. Ille sub (b) ulmo
 Confidet, & varia confusus imagine mentem,
 Ut circumspexit sese, lachrymisque, dolentis
 Angores animi quibus immauere, pepercit,
 Hæc secum. Mene hanc animam servasse (nefandum!)
 Casibus his ? & non potuisse tot inter acervos,
 Et cædes miserorum Umbris, Pater optime, natum
 Adrepsisse tuis ? Et nunc dulcissima Mater
 Promissi, lauru missum quod sæpe revinxi,
 Expectat spe plena fidem. fors & prece multâ
 Thurea dona tuis adolens, Lutetia, templis
 Vota facit. Vivo. Superis vel sic rea Mater
 Me debet. Vivo ? Nimio de stamine cogit

(a) Prima scilicet fuit in prælio Dunbarrensi, eodem mense Septembris, anno ante hoc Vigornienſe prælium proximè superiore.

(b) Novi, quam arborem posuerim. Est enim Quercus illa memorata, in qua latuit Princeps, in altera parte nemoris.

Rursus

Rursus cura queri. cur non periisse licebat,
 Cum periisse decebat? an est mihi vescier aura
 Tanta cupido? diu vixit, quem vivere tædet.
 Si vicibus rerum numero, non solibus annos,
 Consenuit dudum ægrescens & cana juvenus.
 Humani, sic permisit natura, dolemus.
 Et mentis quis non livet sub nube malorum
 Vel summæ color? At, veniam quod fortè dolori
 Conciliet nostro, satis est. Fortuna, gementem
 Quæ ridet, simul excusat. Me sortis in orbem
 Dudum egit rota: nunc toto me turbine versat.
 Dedecet at Regem nimius dolor, ut minùs ictum
 Distineat, non succumbat tamen. imperet, armis
 Et regno exutus, saltem sibi. Contigit (a) ævi
 Nostra gradus jam nunc ætas, quibus arbitra cœpit
 Esse sui. Vitæ sed præsidet arbiter omni
 Major. ei me dedo. malis cui texere visum est
 Prætextam, ille togæ filum (quid nempe recusæ?)
 Quod lubet, immittat. Tanti cum Numinis urget
 Imperium, ut nolim, sequar: obsequioque rebellis
 Invito fiam. Cælum incendisse querelis
 Haud licet. Et Superorum iræ mortalia curant.
 Formidant ferrum sylvæ. tamen utile ferrum
 Compescit rus exuperans. Humana cupido
 Spargitur immodicè. fastum hunc, luxumque fluentem
 Votorum, nimiumque hominem depascere justum est.
 Testor, dulce mihi quondam, nunc flebile nomen,
 Patria, dulce tamen semper, tua vulnera pectus,
 Quàm mea, confecere magis. moderamine clavum
 Qualicumque tuum tenui. me præside, durum est
 Te laceram, infligamque vadis periisse. Procellis
 Si, patria incolumi, cecidisset victima solus,
 Felix nunc ad saxa cinis, lætusque jacerem.
 Quid loquor? an totus perii? incubuisse ruinæ
 Urgenti miseros Deus improbat. An mihi tandem

(a) *Annum scilicet 21.*

Afflictæ sic ad terram, fractæque jacent spes;
 Ut non respirem? cecidi. jubet ille? resurgam.
 Non, si nunc hodiernus, eodem crastinus æther
 Imbre madet. qua nunc subter confidimus, & quæ
 Defendit pluviam hospitibus florentibus ulmus,
 Nuda, rigens, similisque mei, dequeſta rapinam
 Imperioſæ hyemis, foedata nivalibus Euris
 Brachia tendebat cœlo. quæ, plumea pubes
 Mœrorem ſolata meum, nunc cantibus aures
 Demulcent; bruma populante cubilia, mœſtæ,
 Juſtitio indiſto ſylvis, ſiluere volucres.
 O ſortes hominum arcanas! O invia Divûm
 In ſeſeque recedentis ſacraria cœli!
 Hunc monet, incurſu valido ferit hunc Deus, illum
 Territat, aut telo ſtringit levis ira (a) ſecundo.
 Juſtitiaæ facies diſpar; & verbera cædunt
 Non eadem, ſed quemque manent ſua. Verbere cædor:
 Sed quali natos ſolet exercere benignus
 Virtutum exactor Deus, hoc ſolamine curas
 Tempero, ſunt, non diffiteor, ſolamina; duro
 Qualia ſed veniunt a verbere. Dixit. (b) At aura
 Inſtrepuir foliis. & proxima tendere contrâ
 Per dumeta Senem ſenſit. Sylveſcere vultu,
 Atque habitu, infuſoque humeris ſine lege capillo
 Viſus. at, abſtulerat ſi non præcepta pericli
 Suspicio mentem, potuiſſet regius illo

(a) Eſt aliud levius fulmen, cui dextra Cyclopum
 Sævitiæ, flammæque minus, minus addidit iræ:
 Tela ſecunda vocant Superi.

(b) Offert ſe Nato in illa ſolitudine Pater, ſed habi-
 tu ſylveſtri, toto tempore incognitus.

Poterat hîc ab eodem Narratore aliquo modo commo-
 do, coque, qui cum Argumenti inſtituto conveniret,
 aliter induci idem Pater, & varia alia inferens de futu-
 ris, de modo gubernandi, &c. ſed erat, quod ſuadebat,
 ut a propoſito deſiſteretur.

Agnosci

'Agnosci sub rure Pater. Tum lumine corpus
Ambiguo totum lustrans ita commodus inest.

Terreris, Pugil, & terres. juvenilibus errat
Terror uterque genis. Immunes crimine curas
Solve metu. nec sylva timet, nec sylva timetur.
Hæc te si servet, Patri non defore credam
Elysium nemus. O Superis quàm dulce, quod ulnis
Amplector, caput ! Ille fileat, gaudetque : nec, unde
Gaudeat, allucere videt : natumque fatetur
Inscius. Imperio potiere. at cætera Numen
Effari vetat. Hoc tantum. Te plurima passum
Plura manent. Zephyri medio in discriminis æstu
Cum te deficient, inopino flamine mittet
In portum (a) Boreas. Monstris *fatale* domandis
Cardine ab Arctoo missum venerabere *Nomen*.
Hic tibi — præ, animi largus fideique, futurus
Et largus dextræ. Illa spei scintilla superstes
Sola tuæ. manet illa focos scintilla triumphis
Incensura tuis. *Ignis* dicetur (opacæ
Ut mentis modò caligans in *Nube*) *columna*,
Per deserta Poli fœdus præitura. sequentur
Et Pax, & Pietas, & victa Britannia victrix.
Ille litat Marti sine sanguine. Sub Duce tanto,
(Dulce Patri munus cognomine !) sub (b) Patre tanto
Vives. Tu cineri funus, cum fata vocabunt,
Instaura. Fati non intrat Fama tribunal.
Tantum effatus. & in verbo diffugit. At ille,
Quò non nota mihi mea gaudia ? Dixit. & adsunt,
Hospita quos comitis monitu vicinia misit.

Hic tandem, ut rerum dubius formidine multa
Libraret spes oblatas, at fallere lucem
Hic tamen, atque hostem placuit. Fugientibus æstum

(a) *Subsidia viq. copiarum Anglicanarum, e Scotia
sub Georgio Monko, Duce d'Albemarle.*

(b) *Carolus, cum primò illi occurrisset Dorobernii,
compellabat illum & Patrem suum, & Patrem Patriæ.*

L

Pro

Latet
Princeps
habitu
mutato, &
committitur
tutelæ
Pendrello-
rum :
*Qui nemoris
partem al-
teram inca-
lebat.*

Pro portu quævis statio est. In nube latebram
 Sol habet. ut lateat nobis, sibi lucet : & ipso
 Nil de sole perit. Titulos, insignia, regem
 Exuitur totum. Mox ferro tonsus agresti
 Undique decrevit vertex, aulæque comantis
 Luxuries posita. auriculam sed fusus ad imam
 Perpetuo cirros gyro tumet orbis in æquos.
 Tum placuit ruri similes inducere vultus.
 Insectæ mista pallent fuligine palmæ.
 Tum vetus e vituli spolio & malè commodus ambit
 Regales artus thorax, olidusque, nitensque
 Africtu pingui. prasino de gausape turgent
 Inflexæ ad suram, substricto poplite, brachæ.
 Par crines umbrat petasus, par fascia suram
 Involvit, par astringit vestigia pero.
 In manibus robur nodis & cortice crudum.
 Et totum rus induitur. Pendrellia circum
 Assistit pubes, & se miratur in illo.
 Pendrelli fratres, humili de sanguine nomen;
 Quos genuit pia pauperies, & nullius aulæ
 Simplicitas aluit. sylvis educta juvenus,
 Natales ultra curas extendere mentem
 Assuetam parvo, Celeique excedere gazam
 Nescia. rerum omne imperium brevis aggere fundi,
 Septoque hortensi, atque angustæ limite caulæ
 Terminat ambitio. fragili magalia culmo
 Cælum arcent, faciliq; famem dape frigida mensa.
 His ergo raptus Juvenis de rudere belli,
 Anglia quo læso cecidit, quo sospite surget,
 Fortunæ redituræ obses, spesque unica rerum
 Credita ? Sic magnorum operum fundamina ponit
 In nihilo Deus. Accisis ubi viribus arces
 Defecere, (a) levem porrexit aranea telam.
 Horum unus (solvendo æri lux affuit) æris
 Solvendi reus, admonito prius Hospite, pagum

*Tentatum
 fides unius
 e fratribus
 Pendrella-
 nis.*

(a) *Allusum ad historiam Felicis.*

Inde

Inde ad contiguum velox concessit. In hostes
 Delapsus medios sensit miser. undique pagum,
 Atque aditus triviorum indagine presserat hostis.
 Illum ubi conturbatum oculis, variosque colores
 Pallentem, presso hærentem pede, mentis & ægrum
 Conspexere, (neque hæc animos tum sola momordit
 Suspicio. prædæ propior, nec inanis, opimæ
 Contigerat nares odor.) addensare frequentes
 Agmen, & infusa pavidum sepire corona.
 Multa super Carolo rogitant: mercede, minisque
 Humfredum aggressi. Merces at cassa, minæque
 In ventos abiere, sua stat mole, nec ullâ
 Illecebræve, metuve labat Pendrellia virtus.
 Arreptum subitò juvenem in conclave retrudunt
 Arbitrio subductum omni. sibi redditus, uni
 Addicit Carolo versatque per omnia curas.
 Hæc inter crepuere fores, foribusque reclusis,
 Ecce tibi quidam Humfredo sat notus (amores,
 Et curas olim similes convictus alebat)
 Improvisus adest. deserto rure, merebat
 Miles equo. calamus dudum illi, & tibia vilis,
 Et litui potior visus canor; artificemque
 Nomine pro tenui fandi doctissimus usum,
 Salve, ait: amplexusque virum, Dulcissime rerum,
 Ut te conspicio lætus! Nec deficit alter,
 Certandi, pro rure, sciens: gaudere iubens, &
 Rem salvè gerere. Officii data, reddita sueto
 Mutua more salus, astrictaque dextera dextræ est.
 Suscipit ille. Tui miseret me. nonne ferinæ
 Pertæsum vitæ? pecora inter inertia stivæ
 Devotam finis æternum marcere juventam?
 An totum glebæ vili sic infodis ævum?
 Tempus erat, (a) cùm (sic didici) sub cortice trunci

(a) Fabula inde orta, quòd primi homines sylvas incolerent. In lib. Anth. inducitur Quercus petens a lignatore, ne se exscindat, ut priorem matrem.

Gestarent uteros, mensēque puerpera sylva
 Excuteret decimum. viridis puer ilice foeta
 Excidit, arrepfitque virentis ad ubera (a) mammae.
 Heus bone, tu gentile, reor, quoque germen es inde.
 Principiis sunt & rudibus sua semina laudum.
 Excole sis, Humfrede; solo committe feraci.
 Belliger hæc responsuro fovet ubere campus.
 Dedidicit modò canities mihi prima juventam:
 Quem fatuos etiam experientia dedocet annos.
 Natales humiles an humum nos lambere cogunt?
 Educta in soles alios ignobile planta
 Exiit ingenium; quascunque vocentur in artes,
 Et (b) cæcæ frondes, adsit cultura, sequuntur.
 Quin etiam informes e sylva divite germen
 In truncos migrat. nomen sibi Cornus adoptat
 Dura novum, & mutat gentem. Nunc tempus agi rem,
 Tempus, ait. sylvescentes quid inutilis annos
 Exigis. (c) in gremium delabitur aurea cornu
 Cum pleno Fortuna tuum. tibi prospice. seri,
 Ut sibi nunc sapias, orant, tua cura, nepotes.
 Nostin' exploratores, & fama reportat
 Certa fidem vestræ Carolum (non ludimur) uti
 Perfugio sylvæ. Digito obsignata premuntur
 Ora (d) salutari. Sentis? Humfrede, filebo.
 Degener ille quis ora, quis artus occupat horror?
 Prò Majestatis numen! locus est sacer. (e) angues
 Pingue duos. Tantin' ergo sunt nomina? tanti?
 Deme levem fucum, & tectoria parietis albi:

(a) Mamma in surculis arborum dicitur illa exuberantia corticis, e qua prosiliunt rami.

(b) Sic appellantur a Plinio rami inutiles, qui sine flore, & gemma apparent.

(c) Mille libræ Anglicanæ appromissa prodituro.

(d) Qui pollicis est proximus, & quo silentium indicare solemus. quasi nihil ad salutem opportunius oris silentio. Alex. ab Alex. (e) De hoc Persius.

Tolle

Tolle modò e trutina fumos, & futile vulgus;
 Crede mihi, par momentum Rex, Upilioque,
 Carolus, atque Humfredus. At audit Iuppiter, inquis,
 Relligioque animum sanctè movet. Est ea juris
 Est alieni, & transfertur. dum fluctuat alnus,
 Anchora quassatam religat. si frangitur, hæret
 Alterius lateri. Quid ? habet fortuna vices, &
 Versuras natura suas. Quo stante licebat
 Stare, cadente cades ? socium si fulminis ala
 Devolet in caput, an geminum premet ira bidental ?
 Occiderit Carolus. telone Humfredus eodem .
 Occiderit ? cælo qui nunc nitet, aspice solem.
 Occidet. at non intereunt simul astra. minores
 Nonne trahunt vitam solis de funere flammæ ?
 Fata vocant. aude sapere, atque accedere fati.
 Ille sub hæc. Equidem sapere, ac ditescere vellem.
 Siqua subest, quam commemoras, tam certa latebræ
 Suspicio, sylvas (facilis labor, in manibus sunt)
 Duc age, qui tecum excutiant. An credere cuiquam est
 Ignoto Regem se credere velle popello ?
 Multus apud turbam nummi, non laudis egentem
 Est pretio locus. At vanum si compererint me,
 Pendere non ego, quæ minitant, extrema recuseni.
 Responsum simplex. res credita. & ære soluto,
 Sospitibus rediens aris soteria debet.

Interea sol incaluit: consurgimus. hora
 Nos abitum monuit: discedimus. Inter eundem
 De fortunæ habitu reliquo, varioque Pronœæ
 Incessu multus sermo. Pendrellia salve,
 Ut rerum in censu tenuis, sub sidere parco
 Nata, tamen, quæ censentur probitatis in arca,
 Dives opum, pubes. (a) Nec te memorande silebunt,
 Huddelstone, meæ, siqua est ea gloria, siquam
 Ferre valent ævi partem mea carmina, Musæ,

His ab ho-
 spite enar-
 ratis, con-
 surgunt e
 loco Poeta,
 & Hospes.

(a) Aliqui alii, quorum ope in primo aestu periculi
 Rex utebatur in fuga.

Cui

Cui (a) BENE Dii DIXERE tui, Inblimius omni
Invidia nomen. Tuque intemerata Lanorum
Progenies; an tanta viget sub pectore virtus
Foemineo? viget. & tanti *Dux fœmina facti.*

At lethes te quæ teneant oblivia, tota
Permessi lymphæ dignum, Carlosè? Loquuntur
(b) E Quercu æterna memores tua facta Coronæ,
Et Scepbris transversi Enses. Tua prælia Patrem
Defensum dederant olim, modò dextera Natum.
Dextera te Fidum memorat, te prælia Fortem.
Per vos ut Reges regnent? quæ tanta potestas
Vobiscum cœlo communis? At Angliæ sceptro
Dum dominam admotura manum est, & vestra Britanni
(Vera loquar) sceptris intexent nomina fasti.

Carole, quàm sit amor Superum cœlestibus illud (c)
Tam tabulis altè incisum, cœlique repostum
In curas nomen, tua quo fluat omnis ab astro
Vita, vides. Cœlo debes; & creditor idem est, (d)
Cui nos debemus. repetet sibi debita, quàm te
Non alio sponfore, Deus. Multesima siqua
Pars superest, solvenda tibi multesima pars est.

Ædibus hîc notis successimus, integer hospes,
Fessus ego. affectas ubi vires mensa refecit,
Protinus, hospitii perfecto munere, solus,
Et pedes, ut ventum, abscessi. Mens libera vatum;
Liberior, cum sola. Nec indignatur Apollo,
Amphrysi memor ipse, lyræque ad pascua missæ,

(a) Refertur ad familiæ sacra nomen, cui se addixit.

(b) Carlosi insignia gentilitia, quibus illum Princeps
decorabat in futuram rei memoriam.

(c) Terminantur hîc Inductiones memoratæ in Argu-
mento hujus partis.

(d) Porro circa Conclusionem hanc ortam e præmis-
sa narratione, & scopum Inductionum præcedentium,
remitterem denuo lectorem ad Argumentum, si memo-
riæ ejus diffiderem.

Pegaseos

Salutato
hospite,
discedit
Poeta.

Pegaseos equites sortem subiisse pedestrem.

Pergo pedes, pergo Musa cum segrege solus.
Solis esse licet felicibus. unus eremum
Compensat vacuum se plenus. in urbibus odi,
Quæ mihi me rapiunt. securior incola sylvæ
In pacis latebra secum sedet, & sibi prætor,
Et populus. petimus, quæ non sumus: odimus iidem,
Quæ sumus. Arabiæ in nobis pars optima floret.
Atque hic lætuni animi, & gressus per culta ferentem
Boscobel excepit tandem: placidissima visu
Boscobel. At nemorum si non inviderat horum
Notitiam priscis Helicon, hic nonne Napæa,
Et Dryas, & viridis sedem posuisset Oreas?
Hic porro (a) zonam Chloris solvisse, sinumque
Visa mihi. non immerito cognomine bello
Boscobel indigenis dictum nemus. Inde recentem
Pullulat in sylvam soboles de caudice matris,
Virgulto major, iusta minor arbore, frondis
Perpetuæ superante propagine. At altera, lævam
Quæ spectat, pars nobilior: cui nulla vigorem
Ætas inflexit, pressitve bipennis adulti
Ruris honorem. altas incædua sustinet umbras
Ulmus, & iliceum nemus, & quæ plurima sylvam
Intonso reliquam despectat vertice quercus.
In medio partes latè discriminat ambas
Glebâ ferax herbæ: felixque uligine pingui
Admittit cælum projecta in pascua vallis.
Vallis apricanti non gratior ulla Menalcæ.

*Dic, quibus in terris inscripta nomina Regum
Nascantur sylvæ. Te dixero, Boscobel, unam.*

(b) Scilicet haud invita meo signabere voto,

Pergit
idem inde
ad Bosco-
bellanum
nemus.

Repetitio
Voti.

(a) *Quid sit zonam castam recingere, dicet Ovidius:
& quid hic sinum solvere.*

(b) *Symmachus Ep. 28. l. 4. Mallem, inquit, Abo-
rigenum more dictionem salutis alternæ corticibus scri-
bere. Ægyptus papyri volumina bibliothecis texuerit.*

Boscobel:

Boscobel : innocuo tu vulnere testis amorē
 Experiere meos. Dixi. & quæ proxima, fagus
 Passa manum est : validæque impressu cuspidis altè
 Incisum, V I V A T R E X. cortice manat ab udo
 Lachryma : mortalique dolet sub lege teneri.
 Sic adeo insistentem operi, votoque vacantem
 Discursu placido nemorosa per atria ludens
 Duxit amor. tum se patiens ut vulneris arbos
 Obtulerat, memoris gessit vestigia ferri.
 Cresce Liber. crescet Votum. succreverit Ætas;
 Progredior. (a) stetit ante oculos pulcherrima sylva
 Non longè soboles, uberrima pensilis umbræ,
 Altera qua non commodior defendere fessis
 Aut gregibus siccam æstatem, aut pastoribus imbrem,
 Celsa, ingens. propius visam, indicioque recenti
 Oblatam agnovi venerans, breviterque salutem,
 Quam nobis dederat, retuli. Celeberrima salve
 Gentis gloria Chaoniæ ; si nomine facti
 Tangeris, & famæ sensu, fecisse juvabit
 Et Carolo, & nobis, serisque nepotibus umbram.
 Sic tibi nec venturæ hyemes, nec flabra notorum
 Insultent : sic, cùm sylvis infesta flagrantes
 Dextra rubens cierit nimbos, capitisque minores
 Deciderint, fastum telo plectente, sorores,
 Intactam te prætereat, lævusque salutet
 Juppiter, & frondes innoxia fulgura lambant.
 Servasti Civem. merita cingere corona.
 Ipsa tibi texes : & te donabere totâ.
 Sic effatus : & adversa ter cusptide ferrum
 Admovi ; ferro ter restitit. illa retusi
 Ne teli vitio fieret mora, cote recentes
 Admota subjeci animos. nec secius arbos
 Obstinat, excluditque aciem. Vaga lumina circum

(a) In hac Quercu, res dudum nota, ut Princeps la-
 tuerit in fuga cum Carolo supra dicto, & suadentibus
 id ad tempus Pendrellis.

Inde

Inde ubi sollicitus ferrem, permetteret ictum
 Sicubi cessurum chalybi, & mage scissile robur;
 Mens aliò sensim avecta : & juvenilior arsit
 In sedem ambitio, Princeps qua federat olim;
 Affectare viam. accingor. potuisse videbar,
 Et poteram. rami nisu luctantis in altum
 Ascensus facilis. placita tum sede receptus;
 Multa putans, tacitique loci dulcedine captus;
 Insternor foliis, lentoque accline sedili
 Compono latus. Hic fessis arreperere suetus,
 Insidians imprudenti commisit utramque
 Palpebram sopor. An solis hæfere sub (a) ulmis
 Somnia ? an esse putem sylvis & Morphea quernum ?
 Quicquid id est, semper faciles ad somnia Musæ.
 Atque hic, ut sensim illabens in membra quietem
 Altiùs infudit sopor, improvisus ad aures
 (Non hominem, Divam sonuit vox reddita) sese
 Insinuat sonus. Hospitii sacraria nostri,
 Quisquis es, haud ingratus inis. colo, mitte vereri;
 Quem colis, & semper cultura ; sed altiùs ictum
 Inferri vetui, atque exemi crimine votum.
 VIVAT REX ? an vota minùs sub pectore vivunt
 Illa meo ? dixit ; gelidaque aspergine roris
 Elysi mortalem oculis, & pectore nubem
 Dimovet. Ecce loco lucis divinior aura
 Diffundi, & radiorum ardor circumdare lucum
 Visus, at ante alias arbos hæc una refulsit
 Splendidior, quantum reliquos supereminet ignes
 Hesperus, hunc quantum supereminet aurea Phœbe;
 Sidereo latè ramos cingebat amictu
 Ætheris auricomi fulgor, sylvestris abibat
 In concham balanus, foliorum flammeus oras
 Ambibat summas auri nitor : aurea frondem.

(a) Quam sedem somnia vulgò
 Vana tenere ferunt, &c. Æneid. 6. De qua re Mytho-
 logi allegorica quædam.

M

Per

Per mediam intervalla, fibrarum argenteus ordo.
 Fortè, solet qui ludibriis imponere somno,
 Et modò lusit amor. foliis spectabile votum
 Objicitur mediis, VIVAT REX. litera gemmam
 Visa mihi retulisse, smaragdum gemma virentem.
 Lætabar pariter, pariterque expressa fugaci
 (a) In folio vitæ humanæ turbabat imago.
 VIVAT REX. cur in folio? durabilis arbor;
 Et vivax in se ipsa quidem est, & secula vincit:
 In folio brevis. Hic scenæ fastigia visu
 Suspiciens ut metibar, se frondibus offert
 In summis ostentum aliud: nota pulchrior auro;
 Et gemma: (tamen in gemma quiddam instar, & auro
 Ducta manu nota non alia, quàm quæ radioso est)
 Obtentu stellas, & Thaumate vestiit Irim,
 VIVAT REX. VIVIT. Suspensos gaudia sensus
 Pertentat: & suspenso vox fertur ad aures.
 Grata mihi in Carolum pietas tua. quæ nova mentem
 In dubio teneat species, adverte, docebo.
 VIVAT REX. (b) totidem numerans expleverat annos,
 Regius huc cùm primùm olim concederet hospes.
 Adjice VIVIT; (c) adest instans quæ vertitur ætas.
 An, quantam VIVE T, quæris? pars cætera nido
 Implumis latet. huic prona superincubat ala
 Soli nota Proncea sibi, sibi pervia soli.
 Dixit. At humentes Lethææ rore pruinæ
 Attollens alas, porta diversus eburna,
 Aufertur sensim per limina cornea Somnus.
 Descendo: supplex & sanctum numen adoro.
 Spiritus ergo (quis, incertum est) has spiritus umbras;

(a) Οἷνπερ φύλλον γενεῇ, τοίνδε καὶ ἀνδρῶν. Hom.
 Iliad. 6.

(b) XVVI.

(c) XVVVVIII.

Itaque ad illas voces, VIVAT REX, & postea VI-
 VIT, adverte ad litteras vocum numerales.

Relligioque

Relligioque ingens habitat, nec sola feretur
 Vox nemorum, & Superum interpres Dodonia quercus.
 Abscedo: relegoque viam festinus in Urbem,
 Votorum auspicio felix plenusque meorum.

PARS III.

*Proponuntur insuper in hoc Vitæ Voto præcipuè tria, quæ
 spectantur in vita optabili, fucundum, utile, & Glo-
 riosum; deinde Vita cælestis æterna. Repræsentantur
 hæc, & alia per Pyramidem, quam erigit Auctor
 Principi. Pro varietate statuarum in Pyramide ne-
 cesse erat varia inferri, seu ut illustrationes, seu ut pro-
 positiones mediorum ad singularum præstitutos fines.
 Applicationes ut plurimum referuntur ad Lectorem.*

Vota, pio Vatum nixu quæ mentis amicæ
 Sollicitant, iterum, nisi fidere fota Tegæo
 Attendent (a) operis lucem, peritura: brevesque
 Exponunt ventis animas. Operosa labori
 Affert si Lucina manum, spectabile foetus
 Qua faciles in opus veniant, in secula mittunt
 Et famam, & genus, & generi sua nomina servant.

Votis, Musa, laboranti succurre Poetæ.
 Mitis ades. tu votorum Lucina meorum.
 Concepto quid agam voto gravis? annue. Cælo
 Educenda mihi Parnasso debita moles,
 Calliopea, tuo, poterisne, Orpheia mater,
 Progenie non inferior, poterisne Carysto,
 Sive Paro auritum cantu deducere marmor?
 Spirantes etiam in statuis effingere vultus
 Ingenuo meditor cælo, poterisne Myronem,
 Sive Syracosias arcessere Manibus artes?

Proponi-
 tur
 Pyramis
 vitalis ex-
 truenda.

(a) *Votorum mente conceptorum est editio in lucem
 duplex: altera, quæ fit per expressionem linguæ, altera,
 quæ per operis alicujus molitionem.*

Sed neque (a) Leucadios statuæ, nec marmora dentes
 Effugiunt. cœlo insertæ miracula famæ
 In cineres defederunt; Memphimque, Rhodonque
 Exedit, Ninonque, Semiramiosque labores
 Dura fames. An & Aonio queis surgere sumptu
 Musa dedit, legem interitus sua dixerit ætas?
 Vivunt. Tarpeii Patris inviolabile saxum,
 Numine fundatum tanto, labat: ipsa fefellit
 (b) Pax æterna fidem. (c) Sed quam descripserat olim,
 Conclusam & nondum sulco sacra verat ædem
 Augusto Vates: traducta decempeda tantum
 Optarat sedes, operas & Musa redemptrix
 E Cyrrha tantum conduxerat: attamen ævo
 Hæc operis species simplex, & linea prima
 Transmittit memori nomen: mandonis avari
 Ingluviem cassam ridet, dentemque retusum.
 Ut desit Maro, Cæsar ades. nec defore credam
 Aonios, duce te, te Mecœnate, nepotes.

Erigitur
 Pyramis.

Surge age, quam meditor, moles. At, vindice cœlo,
 Linguae nulla meæ Babel obstrepat. (d) æmulus astris
 Hic apicem non attollit labor: arduus ævi
 In fines vani jaciat qui nominis umbram.
 (c) Quà geminæ medius commercia dividit aulæ

(a) *A loco, ubi Chronus præcipuè colebatur, Natos, Urbes, & Monumenta proposita mandens.*

(b) *Pacis templum æternum Romæ.*

(c) *Georgicon 3 initio, ubi templum Honoris & Æternitatis designat Augusto Virgilius.*

Et viridi in campo templum de marmore ponam
 Propter aquam, &c.

(d) *Instar illorum, qui turrim moliebantur, cujus culmen pertingeret ad cœlum, celebraturi nomen, antequam, &c. Gen. II.*

(e) *Locus, qui eligitur ad Pyramidem erigendam, est in campo, quem appellamus St. James's Park, prope rivum recens e Thamisi inductum.*

Proxima

Proxima Jacobæus ager, Cynthoque Diana
 Posthabito pharetram in sacras exercuit olim
 Sæpe feras, fratremque adytis frondentibus arcem
 Intonsæ, cyparissus & ulmus & æschylus, umbræ,
 Hic, ubi liberior campus, quæque extima, ripæ
 Accubitus inter virides, secatur æquora rivus,
 Subductus Themisi rivus, furtumque silenti
 Dissimulat passu Nais pede lanea molli,
 Hic operi legisse locum placet. Ardua surgit
 Pyramis Aoniæ rupis de marmore, Vitæ,
 Carole, sacra tuæ. Fastigia suspicis ? an te
 Terruit extenuatus apex, operisque figura
 Crescendo minor ? Alta viri molimur : in arces
 Tendimus æthereas, & vi, quò tendimus, itur.
 Fit cuneo via. Terrestris fundamina glebæ
 Quàm surgunt magis, in gracilem terrestria conum
 Tam sunt extenuanda magis. Sunt semina nobis
 Ignea ; contracta surgunt in cuspide flammæ.

Fundat opus basis ampla ; basin tetragonum in æqua
 Sustinet intervalla subex. hunc arte figurat
 In tortus varia, Phrygioque torcumate Mentor.
 Multa basin cælo sculptura, piloque Tymantes
 Dædaleo insignit multus. Molimina Vitæ
 Prima vides, ortusque rudes. Hinc insitus auget
 Molli accremento plantam vigor ; Instruit artus
 Hinc sensu vis mobilior : per inane volucrum,
 Et sola quadrupedem per sicca, per humida piscem.
 Inde tibi vitæ sublimior impetus, auræ
 Halitus ætheræ subtilis. At, incola terræ
 Hic habet ? E terra duxit genus. at cui cælo
 Libatam, & dio lustratam fidere mentem,
 Particulamque sui sparsit Deus. Omnis in uno
 Vivit, in hoc omnis vas fictile cogitur orbis.
 Esse hominem solum nec oportuit. Ecce maritæ
 Sub lucem prodit conjux & filia costæ,
 Viventum genitrix. Ad costam ponere sedem
 Fertur amor. costæ servant communis amorem.

Basis, ejus-
 que subex
 inferior.

In basi Ef-
 figies re-
 præsentan-
 tes Vitam
 vegetati-
 vam, sensi-
 tivam, et
 rationa-
 lem.

Gentiles

Supra ba-
sim, ad
quatuor
angulos,
Leones
quatuor,
(tres ex
Anglia, &
quartus e
Scotia,
Angliæ
regum in-
signia) su-
stinentes
Pyrami-
dem, qui-
bus adjun-
guntur
Lyra Hy-
bernica,
Lilia Gal-
licana,
Rosa Ebo-
racensis,
& Lanca-
strensis.

* Statua-
rum in Py-
ramide
O R D O
primus,
Statuæ va-
riæ Avo-
rum.

Quatuor
scilicet in
circuitu.
Et sic de
cæteris or-
dibus
statuarum
sequentium
ad apicem
aversus,

Gentiles exinde feras agnoveris ? auro
Illitus (averſi vultus, obverſaque terga)
Qua coit junctura, pares procumbit ad oras
Tergeminus Leo. tum saltu vicina Chivæo
Submittit quartum (a) Calydonia. Discolor ori
Forma : tori turgent per colla comantia rubri.
Temperat hos Lyra rugitus : Venerique Britannæ
Addit ſe ſociam e Celtis Junonia Flora.
Atque hîc, ut gemuere feræ ſub pondere vaſto,
Cernis ? eas ſuper extremas, paribuſque laborem
Sortitas ſpatiis (b) onus incubat. Area (c) frontes
Diducit quadruplex. Spatio intercitur æquo
Nativis habili ſtatuſ in marmore ſedes.
Prominet in ſtatuas amplè ſinus. Ambitus imas
Laxior in partes abit ; inde coacta ſupremos
Jam minor uſquè minor ſaſtigiât area fines.

At modò per claſſes aptas quæ Pyramis ora
Exhibeat, libet expediam ? ambitioſior hæſit
Hîc labor : hæc ſtudioſè operis meditata venuſtas.

* Primus Avos, Atavoſque tuos, famæque vetuſtæ
Digeffam in faſtos ſeriem tibi ſuggerit ordo.
Spirat adhuc viſ exempli, memoremque nepotem
Virtutem in veterem ſtimulant, animoſque paternos
Marmoreæ voces. Hic bello clarus : uterque
Imparibuſ ſtudiis Hunc pulvis, & utraque Pallas
Nobilitat : leges Hic excolit : Ille miniſtras
Addicit curas aris, aræque fideles

(a) Hoc ſerè, inquiunt Auſtores, (ſemper itaque non
puto) obſervant Poetæ, ut, cùm *Ætolia* ſylvam decla-
rare velint, ſecundam ſyllabam per *y* Græcum ſcribant,
candemque corripiant. contrà, ad diſtinctionem, cùm
Scotia ſylvam, ſeu *Scotiam* ipſam ſunt declaraturi,
ſecundam ſyllabam per *e* ſcribant, candemque pro-
ducant.

(b) *Pyramis ipſa.*

(c) *Anguloſ Pyramidis.*

Ereptum

Ereptum fama terris ad sidera tollunt.
Hos imitando tuum est superare, præire sequendo.

O te pacis amantem! oras ut fama tulit te *
Adveſtum noſtras, geminamque in mutua gentem
Foedera veniſſe, & ſocios coiſſe Penates,
Quàm poliit vultus, & fronte jocoſus utraque
Riſit, & ipſe humeris obnixus cardine torſit
Converſo, validoque emuniit obice limen
Cluſius armigerum Pater! O qua parte latebas
Elyſii, qua (a) lotorum, Jacobe, ſub umbra
Sternebare, tuam nuper cùm bellica Mænas
Debacchata per Angliam, & auſa recludere portas
Captivi nodos Belli divelleret: omnis
Et belli telum exacuens ſæviret Erinnyſ?

Accedit Nato Genitrix, at gratia formæ
Diſpar. Quid tacito mœſtus deſigeris ore?
Corde latens vultu citò proditur indice vulnus:
Seſe offert oculis, Charitum ſata ſanguine Virgo,
Heroina tuis; ſanguis maturus Olympo:
Te quàm digna nepote! Genus ſi credere fas eſt
E jaſtu lapidis rediſſe ſub æthera noſtrum,
Dextram Caucaſeis quis non e cautibus illam,
Marpesove putet natam, qua lactea cer vix
Concidit? ah, duro violatum vulnere, (b) qualem
Progenuit nobis olim tua Gallia, (c) qualem
Submiſit nuper Chloris Tarteſſia, florem!

(d) At canos inter nam quis nitet ille juventæ
Purpureo cum crine vigor? cui ſerior ætas
Debita. Quid meruere, tuos ut ſemper iniquo

ORDO
ſecundus.

* Statua
Jacobi.

Statua
Mariæ
Stuartæ.

Statua
Henrici
Principis
Walliæ.

(a) Lotus arbor, cujus fructus oblivionem patriæ dicuntur inducere.

(b) Reginam matrem.

(c) Catharinam reginam.

(d) Petis, cur poſuerim hunc Avunculum, cùm avunculi non ſint in linea recta Vitæ. Rationem erucis e doctrina de Individuatione.

Carperet

Statua
Caroli
primi.

Carperet (a) Henricos fato Proserpina præcepſ?
Eſt, aſto Genius qui præſidet, albus, & ater.

Muſa, Myron erat tuus. opportuniſ hora,
Et locus hæc aliſ. Vitalis gaudia Voti
Polluere ingrato luſtu, exequiſſque decebat?
Et lachrymæ redeunt veteres, & peſtora turbat

(b) Fothringamia deterior. Fatale ſecuri
Hoc unum debebatur caput, illa ſub auras
Perfidie truciſ ut tandem prodiret ab antro

(c) Bellua multorum capitum. (d) Manus impia famæ
Notitiã latet. & lateat. cum ſanguine noxæ
Circumfert labem imbibitam. ſe novit. abunde eſt.
Tempore ter quinas ex illo Semivir arcu

Armavit brumas, totidem ſub Virgine meſſes
Decubuerẽ: oculis & adhuc feralis oberrat
Scena meiſ. atri obtentus: Chalybumque, ſuoque
Induti ferro vultus: effuſa per ædes,

Per vicoſque ætãſ oculis humentibus omniſ
Spectandi ſtudio, at crimen (prò lacryma ſera eſt)
Pars heu quanta ſuum! ſubſellia triſtia dirus
Horror habet, mutoque ſilentia murmure terrent.

Ipfẽ (e) dieſ ſociat mœrorem. it nubibus ater,
Et ſine ſole dieſ. Poteras & retro jugales,
Sol, torſiſſe. Thyſtea reſ altera venit

Digna via. Quin attonitas & vidimus ipſi
Cromwello immauiſſe genas. Portenta timebam.
Eſt in prodigiis aliquid, cùm marmora ſudant.

Aſt ubi, quove ſub axe ſumus? (f) Quæ limina Diræ

(a) Avum, Avunculum, Fratrem: Henricos.

(b) Nova ſcilicet Fothringamia per alluſionem: ſed
priore illâ, Mariæ Stuartæ, ſic diſtã, deterior.

(c) Cùm Monarchia devolveretur in Democratiam.

(d) Cujus demum carnificis manu facinus peractum,
etiãnum latet.

(e) Erat enim dieſ maximè obſcurus.

(f) Locus eſt etiã circumſtantia memorabilis.

Candida

Candida funestant? Populis hic optimus olim
 Jura dabat Pater: hinc gentes responsa petebant;
 Libratumque oris nutu seu Pacis amicæ,
 Seu Belli pendebat opus. Solennibus idem
 Hic ludis locus, hic epulis: Genioque jubente;
 Præbebant epulare loco Convivia nomen:
 Sævitia ridente. Locum legis Tragoæda
 Non alium feritas optabat. Et ecce theatrum
 Ingreditur fatale. Sile dolor. At tua cessant
 Fulmina, nomen inane, Tonans? hic alta Ceraunia;
 Hic sit Athos tuus, hic Rhodope. Sed vindice telum
 In dextra Nati positum est. an fulminet Æther,
 An Natus, nihil intererit, modò fulminet. Ast hunc
 Dii mitem, similemque sibi finxere Tonantem.
 Vicisti, Fera, vicisti. tibi contigit uni
 Barbariem vicisse omnem. Vacat aula: vacantem
 Ingredere. excessere adytis, te mancipere rerum,
Dii, quibus imperium hoc steterat. sed limina sævus
 Interea, postesque nigros circumfidet horror.
 Ille tuo ad spondam somno comes accubat, inflat
 Ille tubas, mensæ ille tuæ convivia condit.
 Ingredere. Pietas exit: nec sanguine foedos
 Respectura Lares, vivo se flumine donec,
 Et scelus abluerint. Exit, fractamque bilancem
 Justitia ostendit cœlo. Themis exit, & atro
 Pulvere canitiem turpans aversa (a) cruentam
 Se simul, & lanas exhorret cæde rubentes.
 Ite Dæ. tellus vobis, solesque petendi
 Sunt alii. hospitium Natus præbebit: at exul
 Ipse. redux vos restituet. nunc cædimus agnam
 Exiles. (b) at nobilior quatit hostia funem.
 Infandum scelus! ast ætas quod nulla tacebit.
 Regibus usqueadeo texunt non byssina semper
 Pensa Dæ. at capiti interea (sic currite fusi

(a) *Facinore scilicet perpetrato forma judiciali.*

(b) *Parricidæ post plectendi.*

Ultiores) restim nent & nevere nocenti.
 Postico nec tale videt, nec tale videbit
 Antico Janus vultu scelus. (a) ora biformis;
 Ut vidit, simul occuluit, cessitque. sequuntur
 Februa; sed factum purgent quæ februa nunquam.
 Si quod habet scelus huic geminum scelerata vetustas,
 Tullia, habes; (b) VICOque parem dabit Anglia fa-
 Tullia, te Tullus, te Carolus, Anglia, damnat. (mam.
 Diri pergit in amplexus ruitura Tyranni
 Utraque per Regis miseri caput, utraque Patris.
 At tu regali (c) Collis dignate sepulchro
 Infere te sublimem astris. æquabat Atlanti,
 Sidereos axes qui vertice sustinet, (d) arces
 Dudum fama tuas. necdum tamen inter avorum
 Sidera Winsorio stetit hoc in vertice pondus.

Vive precor, laudis patriæ cognominis hæres,
 Non fati. Exhaustis factis, & nomine famam
 Primus. at invidisse negat majora Secundo.
 Carole, vive. remitte colum, & sua licia Parcis.
 Pensa sibi, fufumque habeant, calathumque puellæ.
 Fati opifex est quisque sui. vel ferrea vitæ
 Fila suæ proprio net quisque, vel aurea fuso.

* Quæ texant auro Vitam, tria sunt: Voluptas,
 Utilitas, atque Heroum suavissima merces
 Gloria. Nimirum tria sunt hæc omnia: & uni
 Sancivere tibi nostræ, sua Vota, Camœnæ.

* Prima Voluptati statio. Qua tantus in artus
 A lima nitor? An Veneres hanc omnibus unam
 Surripuisse omnes? oculis festivus inerrat
 Risus, inoffensusque lepos, & multa juvenus:
 Blandimenta, quibus, fateor, sopita subinde

* Sequun-
 tur sta-
 tua, re-
 præsentan-
 tes tres
 dotes vitæ
 optabilis,
 Volupta-
 tem, Utili-
 tatem, &
 Gloriam.

ORDO
 Tertius.

* Statua
 Voluptatis.
 Comites,
 Sanitas
 corporis,
 Sanitas
 mentis,
 Pietas.

(a) *Facinus atrox actum penultimo Januarii.*

(b) *Scelerato: sic dicto Romæ ob Tullia facinus.*

(c) *Sepultus in arce jugi Winsorii.*

(d) *Ob Nobilitatis Anglicana scilicet tot sidera,
 quæ ibi sepulta requiescunt.*

Conniver

Conniver virtus, & honesti a tramite flectit.
 Arrisit? Substricta tamen sunt gaudia. Frontem
 Tænia crinalis, Zonamque, & (a) carbasa lina
 Virgineus subnectit onyx. Quæ vincula Morum
 Excudit, ingenique sui est, & laxa Voluptas,
 Extra sese abiens abit ipsa. sequuntur amari
 Tortores (b) illam a tergo. sua crimine læto
 Synterefsis abest nusquam comes. heu quibus illa
 Verberibus proprios gestantem in pectore fasces,
 Seque timentem agitat pernox, & perdia mentem!
 Frustra terque quaterque foris mihi ritè salutem
 Plausit matutinus olor, si psalteria noctis
 Intus triste melos, Libitinamque occinat ales.
 Expandunt frontem totam proba gaudia. fletu
 Infantum risus nullo madet. illa Voluptas
 Illimis, nullosque trahit sincera dolores,
 Quæ vitæ semper fuit integra. candidus æther,
 Suda nitet Synterefsis, cui nulla lacunam
 Colluvio, nebulam exhalat pars infima nullam.

Quas lateri accierit comites Dea, cernis? utrinque
 Assistunt: Hygiea duplex. socialibus ambæ
 Ingeniis, hæc Corporibus missura salutem,
 Mentibus illa. Voluptatis suffragia campo
 Humanæ siquo fierent, addiceret ales
 Centuriis, Hygiea, tuis, & puncta referret
 Prima tribu ex omni *Mens sana in corpore sano.*

At te, fatorum domitrix, quæ sidera læva
 Imperio frænas, cui parent frigus, & ardor,
 Et gens humorum pugnax, & Pæonis artes,
 Corporeæ præses pacis, Regina, bonique
 Fundamentum ingens nostri, ut te luximus ægri
 Absentem, averfamque diu! Viduata colonis

Statua
 duplicis
 Sanitatis.

Statua
 Sanitatis
 corporis.

(a) *Diçtio Propertiana de vestibus pretiosis e lino, seu serico. l. 4. Epist. Areth.*

(b) *Hinc duæ illæ Divæ apud Romanos Angeronia & Voluptas: & simulacrum illius in hujus ara positum.*

Arva, domos dominis vacuas, & civibus urbes
 Vidimus. Ipse tuas, cum renibus acer adesis
 Incubuit languor, nil proficientibus aras
 Quam sæpe incendi votis, & thura paravi
 In fumum & ventos abitura? Sed hoc super (esto)
 Nil moveor. Sine te tamen ut solatia frigent
 Cætera, queis misero satis est dare verba dolori!
 Nam quid opes ægræ profunt? quid dulcia mensæ
 Munera Tantaleæ, contingere Morbus Erinny's
 Quam prohibet? quid febrili speciosus in ostro,
 Splendidiùsque dolere sciens sopor? Integer Irus,
 Dic age, dic sodes, Cræso quotus invidet ægro?
 Nil tamen ista moror. de me tu videris. æquæ
 Causa querelæ alia est. manet altera cura. Satelles
 Umbrarum Morbus (a) Regum, te præside, fines
 Obsidet? At, cujus vita sua vivit, & haurit
 Anglia prædulces auras, huic te, Dea, saltem
 Impende. Et neque te teneant oblivia gentis
 Interea, quam fatorum sub jura per ignes,
 Per strages belli, & pestes Proserpina dudum
 Compulit. Ignovit furto Latonia proles,
 Et pœnas dedimus. sat Caucasus ultor, & ales
 Szviit. Astrorum, per me licet, ignea lampas
 Indemnis micet, & furti secura futuri.

Statua
 Sanitatis
 mentis.

Altera sed quam te memorem soror? Ultraque partu
 Edita jucundo. sed candidiore parentes
 Te vultu (b) risere. Boni si provida primi,

(a) Refertur ad morbos, qui aulam invaserunt sub
 Principis in Angliam reditum.

(b) Sic Plautus Capt. sc. 1. Quasi muti silent, neque
 me rident, id est, ut aiunt interpretes, neque risu acci-
 piunt facetè dicta a me, vel non mihi arrident. Cæterum
 loco Te poni poterit alia constructio, Ore tibi risere, ut
 Virgil. Eccl. 4. cui non risere parentes, & hoc in eo-
 dem sensu, ut interpretes ibidem. De ratione autem hu-
 jusmodi risus videri poterunt iidem.

Nec

Nec mens læva fuisset, adhuc & sana fuisset;
 Ex quo natalis pudit me pulveris : ex quo
 Delicium ambitiosa fames fatale momordit,
 Amisi te; quamque Parens mihi vellere nevit
 Virgineo posita jam cyclade, protinus omnem
 Ad morbum patui infelix, & fidus ad omne.
 Defluere ex illo virtus, animique caduci
 Vis sensim sublapsa fatiscere. viscera mali
 Computrescentis subsedit ad intima tabes.
 Innumere subeunt pestes, & totius instat
 Naturæ Phthisis; Invidiæ furtiva teredo,
 Languorum pituita, Libidine fervida venas
 Depascens febris, & toto Phlegethonte vaporans.
 Cernis, ut hunc nimium usque sui, seseque laborantem
 Inflat hydrops immanè, cutemque, sinusque tumentes
 Proluvies distendit aquosa? sitivit; & amnem
 Hausit Hidaspeum, & toto se proluit Hermo;
 Necdum exempta sitis. sitis ignea gliscit ab undis,
 Seque explens irritat inexaturabilis hydrops.
 Hæret huic in visceribus damnosa Celæno,
 Ingluvies. patriæ mulcent Stympthalida cœnæ
 Nequicquam, ecce Getas ultra, Nomadesque metuntur
 Rura: petendus Itys de Phaside, fercula sæva,
 E Rhodope Palamedis avis, de rupe Sabella
 Marsus aper, scarus e Sicano gurgite, fluctu
 Eruta Lucrino conchylia. Nota Falerni,
 Bacche, saliva tui nulli mage. (a) Tmolus, & ipse
 Gutturis æternum sidit per cola Phanæus,
 Nec satiant tamen. Olla gravis, nidorque culinæ,
 Luxurians abdomen, aqualiculique sagina
 In votis primum est. putris sepelivit omasi
 In barathro foetentem animam. Quam turgidus illi
 Aërea viden' ut tumuit farragine pulmo?
 Fastidit terras, & sola vescitur aura:

*Amissa illa
 per inobedi-
 entiam.*

*Succedunt
 innumera-
 biles morbi:
 Invidia,
 &c.
 Avaritia,*

Gulæ.

*Inanis gla-
 ria.*

(a) Tmolus mons Lydiæ, Phanæus promontorium
 Chii insulæ, ubi pretiosissimæ vites. Georg. 2.

Heluq

*Desidiæ
Paralyfis,*

Heluo ventorum, & multo repletus inani.
 Illè quis ? ut venam tentem ? quàm funere vivo
 Illufit Morti ! vires, animique, soluta
 Nervorum compage, fluunt, præcordia languor
 Obsidet, & cæli spargens obliviam somnus.
 Ales Ephebus adest. animum ciet ales ephebus.
 Vitales an erit (a) miserum qui mittat in undas ?
 Causa mali, e terræ coeno qui nascitur, humor
 Concrefcens, & lenta lues. (b) At tabida pestis
 Si caput infideat, reliquæ mens unde, fidelque
 (Illa fides, Agapes genitrix & alumna pudicæ)
 Defluit in partes animæ, nec (c) spiritus æger
 Obsellum eluctetur iter, subit atra veterini
 Tabes, & mentem sternens Apoplexia totam.
 Triste malum, & fatale ; malum, quo tetrius ullum
 Non afflant animi fibris Hæcateïdes herbæ.

*Paffiones
animi.*

Hospitium morborum ingens sumus. Altera nec te
 Pars tanget minùs. Hinc brumis febrilibus alget
 Exanguis Pavor : inde Spei per certa remittit
 Spiramenta quidem dolor ; at mala sæpe medelis
 Ægrefcunt, mensque angorem delusa reforbet.
 Parte alia, vident, illi oculis ut subjicit ignem
 Irarum fervor ? tristes ut colligit illi
 E bili furias atra jecur ? Inde Cupido,
 Et Dolor, & mentis mala Gaudia. Phantafus illis
 Se comitem jungit, curis propioribus æger,
 Tormenti ipse fui faber, ignotosque volutans
 Terrores animo, larvis oblectans & umbris,
 Irrequies. Media e Stoa venire magistri
 Cecropidæ, occultum cecinit cui noctua carmen
 Ipsa, tuæ, Zeno, fuligine tincta lucernæ,
 Mnesarchus, nec non Chryfippus, & oris Arifton

*Stoici pro-
mittunt
medicam;
fed vanam.*

- (a) *Joan. 5. ex sent. Amb. & Chryf. ibi de Paralytico.*
 (b) *Qui sciens hujus morbi est, intelligit analogiam
 hanc paralyfis spiritualis ad corporalem.*
 (c) *Analogus ad spiritum animalcm.*

Impexi

Impexi, & curto doctè qui foetet in antro
 Aëteus, Stoæ Cynicæ latrator, Anubis.
 Hi tibi morborum spondent elementa, malique
 Surgentis causas eradere : pestis & ausint
 Stirpem omnem valido sophiæ convellere nisu,
 Quippe lacertosi medici. Si severis alto
 Frugem corde Cleantheam, si noveris ori,
 Et mento induxissè caprum, cum poplite curas
 Doliolum si tu compegeris in breve : cepam
 Rancida si virtus oleat, vappamque decennem,
 Sanus es ; albentes Hygiæ sanus ad aras
 Intercide comam, voti damnatus ad aras
 Spem cum crine, metumque, sacrumque appende dolo-
 Iramque; omnigenis sapiens dominaberis astris, (rem;
 Saturnoque, & Acidaliæ cum Marte puellæ.
 Nec metuis, nec amas, nec æves. riget horrida virtus :
 Et saxo invideat vivo Sipyleia rupes.
 Stultitiæ rides barbata crepundia torvæ,
 Et filiquas cerebro cassas. Si fascia nugas
 Demitur, & quæ docta genis inducitur umbra;
 Si natura peridromidem seclusa revisit,
 Et metuunt, & amant, & avent : reliquosque prophano
 Ad latus Elysi patiuntur cum grege manes :
 Excepto, quod non ringuntur, & improba nunquam
 Ira coquit bilem, nisi cum jus verna ligurit.
 Gens heu quisque sumus devoti sanguinis. unâ
 Ex Horti malo communis culpa pependit.
 Hinc labem longè trahimus, de stirpe parentis
 Morbosi : fluxitque parens in fata nepotum.
 Quisquis erit, minimis qui carpitur, optimus esto.
 At comiti flexo leviter viden' ore Voluptas
 Tertiarum ut a tergo dextram supporrigat ? illi,
 Si nescis, Pietas nomen : Diis edita Nympha,
 Edita Diis, genitura Deos. averfa resistit
 Ponè verecundo vultu : terrestribus olim
 Missa choris, abitusque reos exosa Penates.
 Sentens siqua tamen n ostros subnascitur inter

Status
 Pietatis.

Latitæ

Lætitiæ pars, e dono venit illius omnis
 Quantuscunque boni merges. Mariſ illa fragoſi
 In gremio placidæ ſternit cunabula pacis
 Halcyonæ, Mens alma, tuæ. ſalis inter, & æſtus
 Mundani cumulos genitali munere Concham
 Illa ſubit : niveoque tumet mens gemmea foetu.

Sunt homini partes geminæ ; ſublimor illa,
 Quæ gentem trahit e cœlo, & natalibus aſtris
 Deducit nomen. parti ſua cuique voluptas :
 Nobilior, cui naturæ proſapia primas
 Nobilior dedit. In modico dedit eſſe beatam
 Terrenæ parti prudens Phyſis. In cute rerum,
 Extremoque hebetes hærent in cortice ſenſus.
 His quod olet, ſapit, & nitet, & quod molle, ſonanſque eſt,
 In curis totum. Rota quicquid Cynthia luſtrat,
 Terra omnis, rerum ſemotus & inſimus ordo,
 Mobile, tranſultanſque bonum ; mutatur, & errans
 Incerti laris aligeros ad Temporis axes
 Lunam aurigantem ſequitur : Dominæque nec oris
 Degener. Eſſe ſimul totum nequit : excidiisſque
 Vivitur. utque abolet vocis veſtigia primæ
 Vox ſubiens, ſe ſic mutilant bona, ſeque ſequendo
 Se ſibi ſurripiunt. Sic ſe premit hora, ſuique
 Hora fugam vivens, & vivens hora rapinam.
 In ſe quæ peccant, eadem ſe ſecula plectunt.
 Sic mihi, quale bonum cunque eſt, ſpem ſemper hiantem
 Eludit, primoque animam in libamine ponit.
 Sed neque ſincerum quicquam eſt. ſparguntur amaro
 Dulcia, Cecropio Colchos miſcetur Hymetto,
 Teſtântur patriam Veneres, & gaudia plorant.
 Quæro bonum, ſed quod certo libramine conſtet.
 Quæro bonum, ſed non inhoneſto in fragmine truncum.
 Quæro bonum, ſed cui vitient mala nulla ſaporem.
 Quæro bonum, bonus unde ſiem, meliorque fruendo.
 Quæro ; nec invenio. nec præbet terra, nec æther.
 Solus at hoc ait eſſe bonum Deus : & ſibi conſtans,
 Et totum ſimul, & vitii cui nullus amaror.

In solis face quod candet, quod lucet in astris;
 Quod smaragdi viret in radio, quod flavet in auro;
 In campi quod fruge sapit, quod fragrat in horto,
 Quod sonat in cantu, miror. miracula fudit
 Hæc in naturam Deus; & sibi plura reservat.
 Te sed amans quid amo, Deus? aspectabile formæ
 Donum non amo corporeæ, non fruge saporem
 Manantem, nec odorem herba, succove recenti
 Progenitum: non vocem, aures qua barbita mulcent;
 Non amplexum, habilem membris quem brachia miscent;
 Non jubaris soliti lucem. non hæc amo, cum te
 Dicor amare. tamen speciem, pulchrique figuram
 Quandam lætus amo, quandamque saporem, & odorem,
 Vocemque, amplexumque, & quandam lucis amicæ
 Interiorem auram. Lucem, cui nubila nulla
 Officiunt; Amplexum, acies quem nulla resolvit
 Fatiferæ falcis; Vocem, cui dissona vulgi
 Scylla, forique fremor non obstrepit ullus; Odorem;
 Nulla relanguentem quem dissipat aura; Saporem,
 Quem tædi carpunt fastidia nulla; Figuram,
 Cui nec ruga sinistra, nec invida detrahit ætas.
 Hinc gaudi seges omnifero tumet ubere nostri.
 Herciscenda tibi, Pietas, cum Principe gazæ
 Est hæc summa tuæ; *Deus*: Omnia in omnibus unus.

Tolle oculos. Ordo tibi, Carole, surgit, & artis
 Hic Polycleteæ labor alter. Et ecce secundum
 Viscere deceptus nullo canit omen haruspex.
 Tolle oculos. & quos oculos non illice forma;
 Illicio cantus quas non attraxerit aures
 Utilitas, pelagi & terræ gratissima Siren?

* Assistit fidens animis Opulentia: vultu
 Illa quidem ad pompam facta, cui litore Memnon
 Eoo, Hesperio famulantur Atlantides undæ,
 Tincta togam ardentem Sarranis imbribus, artes
 Et Phrygiæ induta sinu, stellataque frontem,
 Et collum, & conum criniti verticis aureum
 Ignibus undique Mygdoniis: at pectore volvens

O

Implacido

ORDO
 quartus.
 Statua
 Utilitatis.
 Comites,
 Opulentia,
 Clementia.
 Pax.

* Statua
 Opulenta.
 tix.

Implacido curarum æstus, & prælia cæca.
 Magnificum illa malum, miserèque beata, malorum
 Ingens irritamentum. Peperisse Typhœa
 Dicitur, & Famam, & Noctem, Titania conjux,
 Terra parens; sed non alio mage noxia partu,
 Quàm cum progeniem, quæ dicitur aurea, luci
 Ostendere sinus. Ubi erant, Berecynthia Tellus,
 Cymbala, tinnitusque tui, cum fontibus illa
 Cumque illa scelus omnigenum vagiret ab antris?
 Aurea, sed dotem e ferro sortita, propago.
 Concepisse piget serò. tua viscera norunt,
 Senseris, Agrippina prior, quos inde Neronēs.
 Hanc propter tenebras, noctisque cubilia cæci
 Ingredimur. sanguis prisco nec ab Hercule noster,
 Pirithoo nec avo repetit genus: & tamen atræ
 Claustra libet Dominæ perfringere, Ditis & ipsas
 Aggredimur ferro portas. Hanc propter eandem,
 Invitos avido rumpente cupidine funes,
 Ignotum rostris ruimus mare, carbasa ventis,
 Et vitam damus; Erigonen confundimus Arcto,
 Cum nocte Auroram committimus: & fidem, & aras,
 Pignoraque, & patriam, & thalamos divendimus. heu
 Terra premit, vada quas volvunt Neptunia cædes! (quas
 Bellax lingua, quid in Nympham certamine tanto?
 Quò præceps ardor? cane lingua receptui, & arcus
 E nervo meritura volent in vulnera tela.
 Cornua si (a) regnante rosa gerit æmula pauper,
 An petat idcirco Bromium (b) caper? arma Lycurgus
 Arma cado intentet, quia naufraga sæpe popina
 In cella natat? expungi volo cærite cera
 Et vites, & divitias. plectenda libido.
 Cuique suus color est, flos, & cerussa figuræ.
 Deme. quis extemplo non sorduit? an tibi solæ

(a) *Notum arbitror quid Rosæ sit cum Vîno.*
 Cum regnat rosa, & furit Lyxus. Horat.

(b) *Vitibus caper infestissimus.*

Nimirum

Nimirum veniunt ad candida testæ columbæ ?
 Et veniunt aquilæ. cavea consistet in ima,
 (a) Tinnierint nisi quid trabæ, cum consule Cæsar.
 Arma meus tractat Cæsar ? bellone salus est ?
 Imbellem mitto nervi sine robore Martem.
 Cogendus campo miles ? sere bella crumenæ
 Semine. proventu melior caput exeret arvis
 Cadmeo seges. An clausi maris arbiter undis
 Imperites ? sibi te generum Nereia Doris
 Fluctibus & ventis emat omnibus ? aureus esto.
 Phryxæo turpis fluitat sine vellere Tiphys.
 Quin ipsæ, nudam Themidem si Prætor inermis
 Exponit, nec egena fovet subsellia Quæstor,
 Indecores vieto Leges in codice mustant.

Est rerum domina, & nulli subdenda potestas
 Regia. subdendam nulli tamen in sua cogit
 Jura Themis. Sunt huic Alto sua litora, Leges.
 Huc veniet, franget fluctus hic illa tumentes.
 Non te Jura timent. Leges, & (b) legibus idem
 Ipse times. æquæ ditant Quæstoria leges,
 Et leges æquas armant Quæstoria. Tondet
 Pastor, non deglubit oves. alvearia censeat,
 Non expilat Aristæus. non pallet in arca,
 Harpyiasve timet secreta pecunia, vultu,
 Carole, consignata tuo. nec personat urbem
 Præco, nec ex hasta plebis suspiria pendent.
 Arcam in regalem refluo cum fœnore gazæ
 Decurrunt, ut in Oceanum qui refluit amnis.
 Artibus his, hoc tu quæstu ditiesce. volentes
 Sic Apis atque Ovis, illa favos, hæc vellera, reddent.

Et viden' ? ecce pari spatio vestigia figit,
 Marmoreo cultu, sed nescia marmoris ipsa,

Statua
 Clementiæ.

(a) Expecto, ecquid Dolabella tinniat. *Cic. ad Att.*
id est, an afferat numos.

(b) *Discrimen inter Regem & Tyrannum hoc est,*
quod hunc timeant leges, ille legibus timeat, inquit Mar.

Cerea lentefcente finu, & molliſſima fandi;
 Seque illi ſociam jungit Clementia. Faſces
 Ablegat, frameaſque, rotaſque, minasque bipennes;
 Et rugam tetricæ frontis. Titana laceſſat
 Impavidus, cœlo tenſos & naviget imbres,
 Regnaque fulminum, & altifoni Jovis atria luſtret
 Alituum Cæſar, Jovis armiger Ales, & idem
 Cœli, niniborumque potens. E Chaone Divæ
 Advolat alma Columba tuæ, bona nuncia pacis
 Mundo emergenti, paciſque ſequeſtra columba:
 Et ſerto comptam niveo prætendit olivam,
 Non roſtro, non ungue minax, Cythereius ales.
 Sit Phalaris vultu ſævo, linguæque ferocis
 In truculenta acie mortem gerat. at tibi multus
 Spiret ab ore Parens, & frontem ſingat uterque:
 Innocuæ Majeſtatis vitale ſerenum.
 Sint Jovis ad ſolium accinctæ fatoque metuque
 Apparitrices (a) Diræ. ſit janitor aulæ
 Fraternæ Canis, exanguieſque exterreat umbras
 Latratu fera tergemino. tua limina ſervent
 Excubiæ, Rex, Euphroſynes quæ limina ſervant.
 Nonne vides, ut ſanguineo confinia turbat
 Sidera crine Cometa, & formidabilis atro
 Syrmate verrit inane ſoluni > ſua ponè ſequuntur
 Regnorum excidia, & peſtes, & triſtia nautis
 Prælia ventorum. quàm Phoſphorus igne decoro
 Lætior! ille ſimul terris oſtendit honeſtum
 E cœlo caput, e tenebris ſimul emicat orbis
 Lætitiâ reduci redivivus. In æquore frontem
 Neptuni ſulcatam Aquilonibus, & Scylacei
 Naufragiis prætentam horres. ubi ruga profundî
 Tollitur, & penna Zephyrorum ſternitur unda,
 Innocuæ ludunt per Tethyos arva phaſeli,
 Alludunt tonſis Nereïdes, in freta migrant

(a) Hæ Jovis ad ſolium, ſævique ad limina regis
 Apparent. *Æneid.* 12. ubi de Fove cœleſti.

Et cithara, & cyathus genialis, & ipse liquentem
 Astrorum choreis in scenam defilit æther.
 Ah Regi longè Scyllæa, Caphareaque absint
 Ora meo, procul Æolia cum fronte procellæ,
 Nec sit naufragii vultu metus ullus ab illo.
 Terreat : & fontem vultus qui terret, ametur.
 Ars erit esse patris natum, patriæque parentem.
 Quod libeat cui posse datum est, miramur : eritque
 Seu Fera, seu Deus. Ut gentem probat esse Deorum
 Te tuus (a) Amnestes ! Divinam injuria sola,
 Quam memoris Fera sæva refert in marmoris ævum,
 Mnemosynen fugit ; inque suo Dii, quæ tibi libant,
 Divinæ Lethes obliviam nectare potant.
 Qui videt a tergo bifrons Deus, exdeus esto.
 Sic tibi thura libens dederim. Quis supplicet aræ
 Suppliciiis septæ miserorum, ubi Numina torva
 Fulminibus numerant culpas, & fulgure terrent ?
 Adventu tonuisse quidem, multisque timores
 Novimus increpuisse tuo. sed fulmina solas
 (b) In Phocas, & monstra maris cecidere, Dedimusque
 Exemplo cautes solæ sensere Cyclopem.

Membra solet sopire, caput qui plectit. In omnem
 Qui culpam rigidus sævit, sit criminis ultor,
 At vacua, quibus imperitet, se jactet in aula.
 Præterea corpus Princeps cum Civibus unum est.
 Parcitur his ? illi quoque parcitur. abscondit æger
 Membra sibi præceps, cupiit quæ sæpe reponi.
 Multa suo faciunt Medico nec funera laudem,
 Nec poenæ Regi multæ. Non calce fatigat
 Peccantem, horrifonivæ minis, nec verbere crebro
 Terret equum domitor. cervix huic sessile tergum
 Plausa dabit, non liventes vibicibus armi.

(a) *Amnestiæ Genius. Inde actum nuperum Amnestiæ regia.*

(b) *Phocas, Monstra, Cautes : id est, Regicidas, & qui præcipui fuere perduellionis administri.*

Nostra

Nostra salus ut sit secura, salute salutem
 Dicimus esse paciscendam. sit mutua. Princeps
 Non est tutus, ubi nihil est a Principe tutum.
 Intererit si multorum me vivere, vivam;
 Intererit perdi, perdar. Vis abstulit hostem?
 Succrescunt alii. præcisa repullulat arbor:
 Et nova sub ferro vindemia nascitur. Iras
 Instaurant nati memores: oriuntur ab illis
 Mox alii. sola non sunt in vite nepotes.
 Ut populum cohibet modicus, sic acer acerbatur,
 Et furias animis subdit timor. Obvia pennæ
 Inclusam formido feram tenet. improbus illam
 Si simul incessat telis eques, infremit audax,
 Per venabula, per nodos, per, quæ via, per quæ
 Fugerat, aggressura fugam. Sævissima virtus,
 Quam timor extudit extremus, vetuitque timere,
 Asperitas nunquam non illaudata; Potestas
 Aspera non odio nulli est. Natura, regenti
 Cere nobilioris Api quæ sustulit iram
 Ultoristeli, trabeamque reliquit inermem;
 Nos eadem erudiit. Clementia munere nunquam
 Non est tuta suo. Belli, pacisque Tyrannus
 Excubias armet ferro, sibi præstruat Alpem,
 Se Rhodope tegat. insidiis patuere; nec usquam
 Sævitiæ murus dabitur. Clementia murus
 Solæ sibi, sibi præsidium, & Prætoria porta est.
 Tonforem potuit Sículus contemnere, cives
 Si minùs ipse totondisset. contemnere Cinnam
 Ulciscens nequit Augustus: contemnere parcens
 Et Cinnam, Lepidosque potest. cessere secures:
 Sica simul cessit. Debet tibi, Livia, (a) Cæsar.
 Sufficit exemplum sibi Carolus. Anglia sensit,
 Quid Clemens possit. ferrum clementia nobis
 Extorsit; vultus iræ posuere feroces,
 Peccandique verecundi sumus. Hanc sibi Nympham

(a) Livia enim id consilium dederat Augusto.

Quàm legit sociam prudens Opulentia ! novit,
 Scoria quem (a) vultum induerit. Clementia pauper
 Nulla fuit. si deficiat clementia, terror
 Quàm vestigales paucos habet ! Eia age, tempus
 Lufuro vacat. ignosci sibi, Termine, nugax
 Musa cupit. libet excursus tentare. vagantem
 (b) Linea convincat nimii pedis. Haud sapit, aiunt,
 Qui semper sapit. At veniunt tamen avia sæpe
 In medium, sæpe in modico sapientia ludit ;
 Oblitusque Jovem princeps ex ungue remisso
 Fulmine ludicram ad prædam divertitur Ales.

(c) Tempore quo læsa est Ætola cuspide Mater

Sub inte-
 gumento
 rei præsen-
 tis figura
 proponi-
 tur.

Venera
 læsa.

(a) Henrici 8. scilicet impressum in moneta vili. Le-
 go Stoum in Henrico 8. an. regni 36. de moneta vili,
 & adulterina ab eo incusa post tot locorum deprada-
 ziones.

(b) Adversus transgredientes poposcit lineam Cassi-
 us. sic Rhodig.

(c) Post rerum aliquarum praviam inductionem affer-
 tur tandem in medium fabula nota de Phæbo, & Borea
 circa pallium viatoris. Sed res aliter narrata. Displice-
 bunt, credo, Lectori moræ hac in fabula longiores, quàm
 pro re tantula. Libebat fesso, & quem nihil minùs, quàm
 prælum meditari oportebat, plùs solito ineptire varietat-
 is causa. Quòd si tamen Lector speculabitur aliquo mo-
 do in Venere Angliam, in Phæbo Carolum, in Borea ge-
 nium Cavallarismi, uti nominamus, severioris in furias
 nimis præcipitem, nec idoneum consiliis sanis, in Sa-
 turno genium occultæ malignitatis etiamnum plùs æquo
 regnantem, erit, spero, cur obeli infestius saltem pun-
 ctum deprecet. Neque verò defunt exempla, quæ me
 vel excusent, vel veniant certè in societatem culpæ.
 Instituebam in fabula synopsis quandam subicere tem-
 porum. at quoniam fieri istuc commodè nequibat sine of-
 fensione, malebam insulsus ipse videri, quàm perfric-
 care quemquam sale meo.

Idalis

Idalis, Idaliæ e castris Amathunta petebat;
 Multa gemens: & jam roseo Dea fusa cubili
 Pæoniam expectabat opem. Genitricis ad ulnas
 Affusi curam gemini solantur Amores:
 Ulturæque sacramentum non segne pharetræ
 Adjiciunt, Stygiumque senem testantur, & amnem.
 Mercurii accitu variis e sedibus adsunt
 Falcitenens Avus, & Pater, Æmonisque Gradivus;
 Furtorum gratus veterum, qui præsidet arvis,
 Et Tritonia Pallas, & ævo tarda Cybelle,
 Et sua cum sponso Zephyritis florida Vento:
 Cognatæque maris Nymphæ, Galatea, Rhoeque;
 Ilia Nisæ, & Melite soror, altera vittæ
 Dudum apprima tenax, & flammæ cruda maritæ;
 Altera flammeolo nuper velata, fluentem
 Restrinxere tori cui vincla jugalia crinem,
 Atque Ephyre, atque Thoe, & citharistria Cymatologe:
 Pulchra Thoe, cyanoque sinus collecta madentes,
 Sueta Dionæ comes ire per æquora conchæ,
 Formoso desponsa Palæmoni, nulla medendi
 Doctior Arctæ secreverit unguina petræ.
 Fama mali Lemnon pervenerat. ilicet antro
 Facta quies, Martisque rotæ, Telumque, notorum
 Cui sonitus soli deerant, & tertius ignis,
 Sepositum: mediisque incudibus omnia pendent.
 Sicut erat, vultu illoto, cinctuque fabrilis,
 Evolat extemplo Conjux. pede proripit ægro
 Se præceps in iter, fastidia matris acerbæ
 Incusans, rigidumque patrem. Lipareius illi
 Densa Siderites humero vestigia fulcit.

*Advenit
 Phœbus, &
 Venerem
 sanat.*

Phœbus adest; Phœbo Euterpe comes. audiit unâ
 Nomen amicum Erycina parens, viresque recepit.
 Latoo, Musæque assurgitur. Ille sororem
 Intuitus, certusque sui, Nam quis Deus, inquit,
 Alma soror, genitrix Charitum, Jovis inclyta proles,
 Quis vetitis te tam prudens immiscuit armis?
 Sub pelles teneros odiis quis adegit Amores?

Fortè

Fortè paludatæ Veneri semel esse licebat.
 Æneadæ posthac numerent sua vulnera. belles
 Aligeros inter natos Æneia mater.
 Dixit; cumque secuta rosas, Milesia dona,
 Albentes (neque enim flori color hætenus alter
 Virgineo) calathis supplex e mollibus offert
 Musa, Deam multa donans cum flore salute.
 Halitus ut (a) pluteo fusus, Divamque refecit
 Notus odor, nivæ subito (mirabile dictu)
 Inficitur Floræ peregrino murice candor.
 Obstupuit monstro, pressaque ad pectora palmæ
 Expavit conjux omen. Saturnius hæsit
 Juppiter, & se defecit Thymbræus Apollo.
 Tandem lætus ait? Salves, Erycina; rubentem
 Transiit in florem vulnus. Mora nulla: retorta
 In tergum palla, teneræ Deus oscula dextræ
 Ore verecundo libans velamina solvi
 Imperat. At suspensa metu, & trepidantia circum
 Numina funduntur. nutant horrore comarum
 Insueto tremulæ Cybeles in vertice turres.
 Flora quidem exanimis fertur cecidisse, Favoni
 Conjugis in gremium revoluta: sed ore fugacem
 Nectareo revocat vitam spirabile Numen.
 Pallorem nec & ipse suum erubuisse Gradivus
 Dicitur: obliquo cui lumine Mulciber hirrit.
 Fascia jamque soluta Thoes ope cuspidis ausum
 Sacrilegæ, facinusque aperit. maduere cruento
 Lintea: & inspectus quanquam tentamine primi
 Plaga Jovi tenuis visa est, tantumque modesto
 Vulnere degustata manus, persedit ad alta
 Ossa tamen dolor occultus. Blanditur amicæ
 Lemnius, & medicæ Phœbi bonus annuit arti.
 Ille humeris æsto sub lævam lætus amictu
 Narcissi tantum lacrymam, roremque Hyacinthi

(a) *Pluteus lecti pars, in qua sponsæ cubare solebant:
 ut sponda, in qua vir,*

P.

Dilectum

Dilectum occultè medicans affuderat ori
 Vulneris, & Myrrha dilutùm admorat Adonim;
 Cùm plagæ mox rima omnis coit, & sua dextræ
 Redditur armigeræ Venus. Euterpæa secutæ
 Præcinuit septena manus discrimina voci.
 Nata mari, Phœbo debes. Tibi Thespia servit,
 Diva, chelys, Myrtoque tuæ Peneia Daphne.
 Imperium exerces in cætera Numina. solæ
 Munere Palladio gaudent, gens innuba, Musæ.
 Otia nostra fines impune, Tegæaque Phœbi
 Castra sequi. Te per Lyciam millena secuta,
 Per Cynthi juga, Phœbe, per Apidanea fluenta
 Perfusum ambrosia crines comitatur Oreas,
 Et choreis ambit; tua circum altaria Cretes,
 Thyrsigerique fremunt Agathyrsi, ubi thure Sabæus
 Halat ager, Cilicesque vaporant atria nimbi.
 Emonias animare solent tua carmina rupes,
 Nostratemque Heliconæ. jocosa resultat imago
 Carminis, & placidè offenso cum carmine rupes.
 Vocis dulce, Lyre blandum melos. utraque Numeri
 Dona sonant. ipsis animam (a) Lyra sufficit astris.
 At Lyra cùm primùm sonuit tua, prima sub auras
 Dicitur exiliisse hominum Divûmque voluptas.
 Tu fabricatorem Cyclopa tricuspidis iræ
 Inferias nato mittis: tu Porphyryionas,
 Tu Larissæa Pythonas arundine cædis,
 Monstra necans, sanansque Deas Latous Apollo.
 Voce canit, digitisque Camœna: canente Camœna,
 Ingeminant Præana Deique Deæque frequentes.
 Riphæa tum fortè plaga nimboſa movebat
 Signa truces in Sauromatas, (b) Taurumque premebat
 Odrysius Boreas. ut læsæ fama Diones
 Præcipitans castris increbuit, Orithyia

Intervenis
 Boreas.

(a) Inter sidera videlicet relata.

(b) Surgit quidem ex Indico mari. at post extensus
 in septentrionem Riphæis se jugis annectit.

Sciñcet

Scilicet, atque opis Idaliæ memor ocyûs arces
 Aggeribus solidæ brumæ, niveaque corona
 Deserit inclusas. rigidæ tum fertur in auras
 Remigio pennæ. quæ verberat æthera, nimbi
 Dant sonitum, fugiuntque. Et jam freta Thermodontis,
 Carpaton, & canam concreto frigore Peucen,
 Rhætoque infestas arces Homolen, Pholoenque,
 Et Rhodon, & Lesbos, & Cypri litus optimæ
 Transabiens cursu pernix Amathuntia pulsât
 Limina. Præsensere hostem; pugilemque repentè
 Inclamant Zephyrum Nereïdes. ille duelli
 Suffugiens congressum impar, animisque recusans
 Oppangit valvas, & vestibus impiger obdit.
 Æstuat Edono bilis: turpisque repulsæ
 Arrestus stimulis sævit dolor. improbus urget;
 Sollicitatque humeris aditum; sed robore postis
 Obverso riget. ergo Deæ delubra minatur,
 Culminaque æqua solo positurum, & turbidus instat.
 Immugit domus, & ventoso murmure circum
 Increfcit magis atque magis fremor. ardua stridunt
 Succussis tabulatorum compagibus æra,
 Fragmina dissiliunt pinnarum, actæque sonoro
 Subsultu fugiunt ædis per tecta ruinæ.
 Fit fragor. ista labascere turris, & atria circum
 Lata strage coronarum fastigia ferri.

Evolat indignans animis Tegeæus, & harpen
 Arripit. At collem interea furialibus armis,
 Mox animas omnes vomiturus, anhelus & acer
 Vicinum Boreas infederat. hispida nigris
 Nubibus ora, supercilio prætenta procella
 Ninguida, Strymoniaque hyemes per terga fluebant.
 At te quæ rabies, ait? an se tentet in uno
 Diis Aquilo cunctis veteres impingere fratres?
 Imperio cludi portas & numine Phœbi
 Noveris. Ergo mei tandem, Tegeatice, Phœbum
 Tædeat, inquit? an Æmonias pavisse bidentes:
 Castalias inter pueros inflasse cicutam:

Hos adeone tripus animos, hos Delia cornix ?
 Imperiis pedibusque meis substernitur orbis
 Aerei Jovis ; Arbitrio Neptunia paret
 Aula meo : quaque incedo, seu nubilus æstus
 Attollo, verro seu numine cærule puro,
 Observant gradientem & Glaucus, & Amphitrite.
 In mea dant amnes se vincula ; mobilis unda
 Gorgoneos riget ad vultus. In viscera terræ
 Ingredior, penitusque imis emota cavernis
 Libramenta soli vello. Plutonia mugit
 Regia, bis ternasque triceps fera surrigit aures.
 Nec me Delius agnovit puer ? Aone in antro
 Somniet, & (a) scutica digno deleget habenas.
 His dictis, placido advertunt procedere passu
 Latoum juvenem. serpit per tempora, Daphne
 Seposita, dono Divæ Cythereia Myrtus.
 Ille ubi, quo cœli faciem, nimbosque serenat,
 Fixerat in Borea vultum, Non hæc tua Matri
 Formosæ promissa fides, ait. exue pugnæ.
 Bellatum Veneri satis. & conclavia Divæ,
 Si lubet, interiora subi sociabilis hospes.
 Hanc dederis Somno veniam. opportuna Dionæ
 Visa quies ; suavit delapsus ab æthere Soninus :
 Et sonitus inhibens omnes penetrabilis auræ
 Extimuit fremitum, & nimbosæ verbera pennæ.
 Dixit. & admotam capiti super utraque virgam
 Tempora quat Hyperboreo caducifer Hermes.
 Commoti ponunt æstus, iræque residunt.

*Feratis
 omnibus,
 discessum
 parat Sa-
 turnus.*

Et jam roboreo fultæ munimine valvæ,
 Cardine converso, panduntur : & obsitus ævo
 Saturnus, (medium ducunt ad limina Divi)
 Invidiæ ille premens gravius sub pectore vulnus,
 Discessum parat. hirsuto velata cucullo
 Canities, lemniscatæ quem vincula byssi
 Mento substringunt imo senis. atra per artus,

(a) *Phaetonti Clymenes puero.*

Tergoritus

Tergoribus sentis, insuto turgida villo;
 Descendit, sylva veniens Agathyrside, vulpes.
 Horrificant sulci malas, propexaque mento
 Defluit in gremium, senii laus ultima, barba.
 Ploditur, acciti veniunt ad lora dracones,
 Servitio assueti, bullasque tricuspide lingua
 Lambunt, humectantque virentibus æra venenis.
 Stare loco indociles plaudentis turbine caudæ
 Exhortantur iter. curru conscendit in auras
 Grandævum bijugo Numen. manus altera falcem;
 Altera succussu tremulo molitur habenam.

Hic, ut erat solitæ memor artis Atlantius Ales,
 Quin age, macte Aquilo: viden', ut pellitus Olympo
 Hirsutusque senex iter auspicet? incute, sodes,
 Vim tibi. Riphæum robur, nervumque Boræum
 Experiamur, ait. mihi surripe, si potes, illas,
 Si tibi vis, animusque ciet præcordia præsens,
 Villosas pecorum exuvias. inferre juvabit
 Signorum supremo axi memorabile nomen.
 Tendit iter mundi direptor, & heluo rerum
 Per tua regna Deus. tutò ridebit, opinor,
 Saturnum Boreas meus, Orithyia Cybellen.
 Substitit, affremuitque renidens Pleiade nato
 Astræo satus. extimulant & conscia virtus,
 Peliacique olim hinnitus injuria turpis,
 Et famæ decus. at spoliū vovet Orithyæ
 Mulsum thalamos, & (a) Thressæ frigora tedæ.
 Ite animæ Arctæ, munusque faceffite jussum
 Ocyus, inquit, & Othrysiæ expromite vires.
 Nec mora: ventosis abeunt e follibus auræ
 Per Jovis atria luctantes, & cærule perflant.
 Insequitur stridor nimborum, axisque remugit.
 Saturno cælum eripitur, nec tramite certo
 Incedunt bijuges; anceps a vertice turbo

*Hic agitur
 a Mercurio
 de surripien-
 do amictu
 exteriore
 viatoris
 Saturni.
 Et primò
 Boream in-
 citat ad fa-
 cinus.*

(a) Nuptiarum scilicet Borealium. fuit autem illa a
 Borea raptæ.

Flectero

Fletere nec retro patitur, nec tendere contra.
 At spoliis inhiat Boreas, in veste moratur
 Sithonius latro, creberque assultibus instat.
 'At sterilis labor. In ventos seris, excipit Hermes.
 Littus arat Boreas, & casto frigore sudat.
 Fulmina nonne vides utinania cruda senectus
 Ridet, ait? Tune ille ferox, qui decutis uno
 Autumnum nutu, tremuit quem nuper Olympus;
 Et mea sæpe tuis Cyllene nota tropæis?
 Porrigat hic herbam Boreas, & (a) pollice presso.
 Intumuit porrò indignans, & inhorruit heros.
 Has exosa manus victoria? frenduit amens,
 Atque intercisam frendens in cæca loquelam
 Murmura: Mene usquam incepto? nec plura. severo
 Inglomerat vultu noctem. Exhorrescere cladem
 Rura solent, cujus Boreas vel sternuat omen.
 Tempestatem accire parat, ceu velite vento
 Hostem antè excierat tantum, formidine belli
 Accinctam decumana. illi stridentibus Hædis
 Obsessum limen telo recludit Orion.
 Dant gemitum nubes. exterritus horruit Hermes
 Egressam, & cœpti piguit. tot fulguris atri
 Abstiterant oculis ignes, tam grandine crines
 Saxea inhorruerat, tam tristibus hispida nimbis.
 Flatum addit Boreas, sonitumque, & turbinis æstus,
 Concretus riget in lapidosos Juppiter imbres:
 Inque vicem nebulas, & aquosa volumina laxat.
 Nulla dies, nisi quam nimborum e nocte corusca
 Excussam reddunt ignes. at sævior axem,
 Turbinibus cælum miscens & murmure rauco,
 Convellitque ruitque, emoto cardine, ventus.
 Saturnum incessunt furæ, ruit omnis in unum
 Sithoniæ vis. At resoluta lacinia longè
 Fluctuat, in laxosque sinus victoria pergit.

(a) Premere pollicem est etiam proverbiale dictum.
 cujus contrarium est convertere.

Hic

Hic porro fremere, & vires accingere Numen;
 Et nervos omnes operi. suus implicat angor
 Consternatum animis. loro cum falce remisso,
 Undantes properè manus utraque colligit oras,
 Eque fuga revocat vestem. Riget horrida barbis
 Stiria, consolidatque nivem intractabile frigus.
 Putrida proluvies it naribus, improba tussis
 Argentem quatit, & præclusis faucibus angit.
 Ingeminant imbres, resonant cava tempora fluitu
 Grandineo, toto venti latus agmine pulsan,
 Sarcinam age, illuviose senex, & furta ferarum
 Cede age, cede, & sospes abi. Sed frigora ventus
 Quò spirat magis, hoc ægro mage commoda vestis.
 Æstuat, endromidemque tenacibus apprimit ulnis.
 Insistit Boreas : iterumque, iterumque senile
 Arietat in latus. In ventos cessere procellæ ;
 Quà ventum, rediit prædo. sibi redditur æther ;
 Respirat pater : arma legit. risere nepotes.

Hic Hermes Phœbum aspectans, quibus utitur armis
 Phœbus, ait ? tua nunc tua senserit arma viator ?
 Senserit, inquit. At occultæ spiramina flammæ
 Laxantur sensim : radiis crinitur & auro
 Sublimis vertex, intonsaque tempora circum,
 Vestitas & adhuc teneræ lanugine lucis
 Per malas tedis incendia mollibus errant.
 Ex oculis Phœbo geminus sol ardet in uno.
 Mox abit in lucem totus, qualisque videri,
 Et quantus solet, Boum cùm Memnona visit.
 Propagant radii radios, ardoribus ardor
 Usquè novis novus usquè profunditur. æthera complex
 Lucis & ignis adulta dies. Sic impulit amnis
 Æquor iners jactu lapidis cùm ludicra pubes,
 Ex aliis alios it mobilis humor in orbes ;
 Et premit, inque vicem premitur fuga, donec utrinque
 Aggeris extremi ludum definiat ora.
 Sentit tela senex, & amico faucibus ictu
 Vulnus amat ; lentus sequitur de vulnere sudor.

*Deinde
 Phœbum :
 cui amictus
 cedit.*

Tela

Tela jacet Titan. exit, qui certat inermis:
 Verticis ergo sacri tegmen, nodumque trilicem
 Explicat, & laxos medius discingitur artus.
 Expirat vapor. At procedere lentius, æstu
 Jam gliscente, remissus, & ilia ducere serpens
 Occipit: & tunicam volupe est posuisse senilem:

Munere suscepto longum si devius erro,
 In partem culpæ venit, & sibi sæpius obstat
 Auditor facilis. Num sidere fortè morantem
 Errantemque malo tetigit tardigradus Erro?

Siste senex. quid agis? cranio si (a) cochlea nudo
 Imminet, obtereris. Citimis in finibus alget
 Frigida, brumalis regio, plaga. frigida calvæ
 Officit, & branchos ciet. Incandescere cælum
 Interea, & nebulas populare valentiùs ardor.
 Villosus nudus tum primùm tegmine vertex
 Ostendi cælo visus. pilus occiput umbrat
 Nullus, denissi pendent a fronte capilli:
 Et nunc involitant humeris tergoque refusi,
 Nunc mento gremioque, ut ludicra dispulit aura.
 Continuo parat assurgens brumale (b) theristrum
 Exuere: &, colubrum sapiens Auriga curulem,
 Horrentem pulla ponit cum veste senectam,
 Et se liberior fruitur: nitidusque juvena
 Innocuos haurit soles, cum solibus auras.
 Mitescunt auræ cum solibus; halitus ignes
 Vicino (c) brumæ veniens a cardine sopit.
 Tristior esse quidem Deus, atque obsidere vultum
 Nubes fusca solet, nimius quam sanguinis atri
 Colligit exhalatque lien. inserpere fibris
 Læta modò, & cum Sole Jovem finit. incita lori
 Festivo monitu liquidum rota corripit æquor.
 Cæruleum currunt iter, & per sibila linguis
 Ora micant, albent spumis, & flatibus auras

(sic dictum.

(a) Allusum ad historiam de Æschylo. (b) Ironice
 (c) Versus regionem scilicet aeris superiorem.

Incendunt

Incendant circum alipedes. prævertere frænos
 Ardet, & intacta suspenditur orbita nube.
 Et videt & vidisse Hermes negat. ex oculis se;
 Nubivagumque Auriga fuga citus abstulit axem.
 Atque hic, ut caluit venis insueta juvenus,
 Insistensque viæ, pendensque in lora viator
 Impulit in dextram bigas, devexus iniquo
 Pondere, partemque in lævam declivis amictus
 Excidit. illum auræ subito cum flamine longè
 Obliquæ rapuere. simul cuni fratre Tegæo
 Suspexit, simul exuvias agnovit Apollo.
 Panditur, inque sinus modò confluit, & modò tortus
 In varios evolvitur endromis: impete prona
 In terram fertur, tum subsilientibus Euris
 Tollitur in diversa; plicis extrema recussis
 Dant crepitum, limbisque vibrantibus aura cohorret.
 Decidit. acclamat Phœbo Cyllenius Hermes.
 Obstupuere animis immensi ponderis: ardent
 Cominus inspectare sinus, artisque labores
 Intextæ, villumque operosum, & futile vellus;
 Excutiunt utrinque, atque inter brachia versant.
 Tergoris huic, si Parnasso, famæque fides est,
 Mænalius partem fugiens in lustra Lycaon,
 Partem Aries, Hellen qui vexerat, arbiter anni,
 Et Nemees pavor, Hesperidumque tyrannus aquarum
 Corniger, illotamque undis Erymanthia Nympha
 Submisit partem: gracili quam dente Cytori
 Pexuerat lunam ad quartam Cybeleia conjux.
 Phœbus abit victor. bifido victoria clivo
 Ad Daphnen appensa. *Deum Pater, atque Avus hic est!*
 Signatam tetigere senex & fabula metam.
 Fabula nempe moræ pœnas luat. ast ego (a) Sphingem
 Deprecor. Ogygius, nodi qui vincula solvat,
 Non opus est interpret. habent & seria ludi.

(a) Sphingi scilicet supplicium ab Oedipo inflitum:
 quam e saxo ille præcipitem dedit.

Q

Unum

Clementia
subinde
in vitio
est, si
cauta non
sit.

Unum pace tua (dederis hanc, Carole, pacem)
Addiderim. Est & ubi peccet clementia. Tutus
Ut videar, non sum. nimbi securus & undæ
Sicca tempestate premor. Nec murmure terrent
Tympana, nec clangore tubæ; sub pellibus hostis
Conticet. interea nitri per pabula surdum
Sub terra bellum serpit; (a) filicisque, rotæque
Occursu rapido disseminat ignea fatum
Linea: sternunturque arces a pace dolosa.
Gens non una sumus cum Doride Pergama. Pestes
Inclusas in equo Phrygio fovet Anglia multas.
Molem hanc an (b) Laertiades, an Pyrrhus Epeo
Suaserit, incertum. certè sibi dædala Pallas
Non ascivit opus. Neptunius ille, sagacem
Quî cæcas uteri in latebras contorserat hastam;
Laocoon dedit immeritas, (an numina culpem?)
At pœnas dedit. immoto sub Apolline Troja
Staret adhuc, & adhuc starent Priameiæ arces;
Sortem, Mystra marine, tuam traxisset Epeus.
Ecce iterum muris illabitur improba nostris
Machina, mons armis gravidus. contingere funem
Gaudemus, manibus læti supplaudimus armos:
Mœnia pandit, & intendit Clementia collo
Vincula, subjicimusque rotas. O Dardana proles!
O veterem necdum Juno saturata dolorem!
Claustra Sinon ---- At (c) Musa file, desponsa Cho-
Musa, Dei jussu Carolo non credita vates. (ræbo
Serò mihi sapient iterum Phryges. Ilia classem
Turba sub Antandro, & nota molire sub Ida.

(a) E duplici modo incendendi cuniculos hic recen-
tior est, cujus meminit Strada lib. 6. dec. 2.

(b) Quem Laertiaden, Pyrrhum, Epeum, Laocoon-
za, quem Apollinem in superioribus Angliæ tumulti-
bus, item quam machinam modò, seu equum Trojanum
velim, puto non latere Lectori.

(c) Cassandra e Parnasso nova.

Sed

Statua
Pacis.

Sed quid ego hæc? meliora canit præfaga futuri;
 Quam tueor, festivi oris cultissima Virgo,
 Cum Spica molli, cum Termite, cumque Racemo,
 Et, quicquid parit Utilitas, complexa feraci
 Nympha sinu. Necte, Irene mitissima, nodum,
 Discordem gladium qui rideat: impia Bella
 Claudat compages æterna, (a) Stonhengiaque obdat
 Tota fores; nullos videat concurrere (b) montes
 Tellus, & nullas iterum (c) Symplegadas undæ.
 Multa, tuis ludens in laudibus, extima terris
 Uranie de te meminit, sociæque Camœnæ
 Te decimam optavere. tibi, concordibus Horis
 Noctem inter lucemque pari quâ pondere pendent
 Tempora, triticeoque viret quâ mergite Virgo,
 Esse locum narrat. se contrahit & bona Virgo,
 Contrahit & non invitam pia Libra bilancem.
 Castra procul, lituique. feras, te dante, vel ipsas,
 Ascitos cœlo cives, pax aurea mulcet.
 Nec latrat mitis Procyon, nec sibilat Anguis,
 Nec rugit Nemeæ: Phylacem nec rejicit Arctos,
 Mugitus nec Agenorii per cornua fusas
 Exterrent Hyades. sed nec rota mobilis usquam
 Instrepat, astrorum dum volvitur igneus axis.
 Te cœlo reducem veneror. quàm classica dispar
 Nostra sonant cœli concentibus! obstrepat illis
 E terra fremor, & mundi catadupa sonori.
 Ad nos te patrio Carolus deduxit Olymbo.
 Ille tibi (d) æternam ponet, quam secula fundent
 Cuncta, suo pridem quam pectore condidit, ædem.

Et modò, Nympha, Popæ dextrum annue, (lingua fa-
 (vebat

(a) *Moles lapidum stupenda in Comitatu Wiltoniensi,
 dicta Stonenge.*

(b) *Et montes concurrere montibus altos. Virg.*

(c) *Prelia navalia.*

(d) *Templum erat Pacis Romæ, quod appellabatur
 æternum,*

Alitis, hesternisque Deus spirabat ab extis
 Integer) & sine, pacales cruor imbuat aras.
 Huc age, rumpe moras, nitrum, baccamque nefastam;
 Naryciamque picem, & fruges cum sulphure salsas
 Huc age sis, redimite puer. Clitumnus aratro
 Serviat. æqua jugo cervix haud apta securi.
 Sanguine Cyniphio nec opus. Sistatur Enyo
 Victima. Cernis, ut ardentes intorserit orbes
 Lumine sanguineo? Ludibria deripe cristæ
 Ventosæ; fronti latices inerge Cytæos;
 Deme supercilio setas: ea proxima sunt
 (Ut fastu riguere!) foco libamina. Cultro
 Parcitur. hæ vitam pascunt, non funera tedæ.
 Siste. nec ista petunt ultrices pabula flammæ.
 Sylvani gentem innocuam quæ crescere nobis
 Invidia est? stent illæ cupressus, & ornus,
 Et casus abies alios visura. Lacænis
 Siqua tamen Nymphis centum gravis afforet (a) arbos;
 Nullus ego abnuerem. At prô Numina! (b) Machina,
 Fœta minis, aciem quæ turbat? Et ecce rotarum (belli
 Magnifico lapsu invehitur, succincta tumultu,
 Mortisque intersepta metu. Fastigia testî,
 Transversa cancellatim trabe, & assere denso
 Projicit in planum moles. Grave sublica pondus;
 Robore decussatim actò, quàm sustinet ingens,
 Quàm stipata! Operis frontem, & latera ardua munit
 Quàm lorica frequens, cuneorumque horridus ordo!
 Porticus in medio vasta, & circumdata Martis
 Instrumento omni. Pulchrè. Dii vota secundant.
 Bellonæ solum agnosco, fœdamque sororis
 Tartaræ sedem. Satis est. alimenta poposci?

(a) Patibularis aliqua scilicet onusta meretricibus;
 Helenæque similibus, quæ fax erat belli Trojani.

(b) Machina, quam Galleriam vocant, inter apparatus bellicos una e præcipuis, in qua Bellona comparatur.

Ardeat

Ardeat ipsa suo bellatrix fomite Virgo.
 Cædibus in mediis solet hoc in mœnia curru
 Ferri Diva triumphalis. pyra funeris esto
 Supremi. dicentque novissima Fulmina verba.
 (a) Congere cum clypeis enses, cum curribus hastas,
 Vivaci nitrum cum sulphure, tympanaque, & arcus,
 Balistas, & malleolos, clangentiaque æra,
 Signaque, fumantisque globi murale tonitru,
 Et quæ ferrea cunque strepit per castra supellex.
 Bello omni Bellona flagret. Funalia nitro
 Subjice. siste. dabit flammæ Ephesina. (b) Dianæ
 Porgitor ardentis raptus de funere torris.
 Prô, factum bene. fervet opus. cum Numine votum est.
 Nubila torquet ubique volumina, & altius undam
 Ater agit vapor, & tempestas ignea surgit.
 Confusum viden' ut Rabies, & fusilis Ira,
 Ambitioque fluens rivis, galeataque Cypris
 In cumulum coit: Ecce Dolus, Fastusque, Rigorque,
 Et præfracta Licentia, Amorque effrænus habendi,
 Insidiæque, & Livor edax, & Furta liquescunt.
 Et jecore, & toto modò viscere clangitur. ardet,
 Solvitur, in cineresque suos subsidit Enyo.
 Vade age, Mystra: pient artus & sulphur, & ovum.
 Esto sacer: Divam nec fas vidisse, priusquam
 Purgarint oculos & mystica lampas, & undæ.
 Ut Pæstum mihi spirat adeps! an messor odores
 Alyrius talès legit? an Gægetica busto,
 Cujus, quicquid odoriferum est, genitabile funus
 Et Cilicum sylvis, Arabis & messibus halat,
 Imminuitur volucris tali? Sed nulla refingat
 Faxo suum in cunas Phoenix Bellona sepulchrum.
 Tota tibi cecidit, Pax, hostia decolor ætas,
 Cessit ferrea progenies. accingere ferro

(a) Vide, si lubet, & plura desideras, Bald. sylv. 9.
 Od. 20. & 25.

(b) E religionis vastatæ, & templorum ruinis.

(Edixit

(Edixit Dea) sola Ceres, & sola Diana.

Edixit? (a) Nova quæ subito tamen impulit aures
Formido, Boreæque afflans e cardine rumor?

Ergo iterum ferro & lacrymis it tessera signum?

(b) An Syllæ venere alii? Sertorius alter?

Et conjurantis dux (c) Spartacus alter arenæ?

(d) Ad (1) *Scutum*, Juvenes, ad (1) *Habnam* rursus, ad (2)

Imperio quis (3) *Restitui* meliore jubebit? (*Hastam.*

Respice, Diva, novis ut adest exterrita castris,

Mœsta, tuisque iterum rediens advolvitur aris,

'Anglia, sed latus ense redit nudata, comamque

Castide, & ære sinum. miserere gementis, opemque,

Per, gentis te si quis amor, tutelaque tangit,

Fer miseræ, facilesque manus oppone ruinæ.

In veterem infelix adsum revoluta quetelam,

Et veteris telam luctus invita retexo,

'Anglia, non tenui tibi nomine debita. Mentem;

Sic equidem ducens animo, accepisse benignam

In me jam nuper Superos, & pristina rebar

Obduxisse simultatum vestigia. Cœli

Ferreæ, ceu quondam, facies, iræque recurrant.

Si, tu cùm regno præeras, de te bene siquid

Commerui, si fronde tuas intexuit ædes

Palladia, fovitque focos, arasque sacerdos:

Si pelago (e) lanas, & nulli noxia vela

Mercatura tetendit, & ipsam læta vocavit

Te rediens lucri in partem: si jura, forumque

(a) *Hæc scripta sub allatos rumores tumultuum novorum in partibus Angliæ septentrionalibus an. 1663.*

(b) *Novi scilicet, sed præcipuè (c) e plebe exciti tumultus.*

(d) *Voces militares olim usurpatæ, quas modò efferimus per faces about (1) To the left: (2) To the right:*

(3) *As you were. Ælianus.*

(e) *Vittæ lænæ non supplicum modò, verùm & pacificorum.*

Incorrupta

Incorrupta Themis coluit : si Palladis artes
 Integræ viguere, oleæque Aganippides undæ
 In laudes tumuere tuæ, succurre, tuisque
 Indulge, Dea, muneribus. Tua non ego rupi
 Fœdera, pugnacemve immisi finibus (a) hastam;
 Verbenas oblita, tuis. Si, numine læso,
 Offensum est, dedimus poenas. en victima (b) Pastor
 Ipse gregis noxam, & vittam sacer ipse gerebat.
 Nonne satis parere, mori cùm jusserit ævi
 Quæ modici stat cuique dies ? & rumpimus ipsi
 Licia Parcarum, & crudelibus addimus ipsi
 Ingenium fati. Quoties mutavit aristam
 Flava Ceres, nostroque adolevit sanguine rubra ?
 Si nostra peregrina, domi nec nata bibisset
 E vena sitis, esset, ubi tolerabile fatum
 Solarer, venæque rependeret illa vicissim
 Damna peregrinus sanguis. peregrina Britanno
 Terra, peregrinus gerneret sub milite pontus.
 Ast ego (c) vipereum, & soli mihi flebile bellum
 Parturio ipsa mihi. Sparsos age collige crines,
 Anglia. num' risit (d) Dea ? Risu solvitur illo
 Cum fletu metus. (e) e Borea cessere procellæ.
 Suspici ? agnoscis dudum tibi, Carole, notam,
 Et te quæ dudum agnovit. Tibi, larga Voluptas
 Quas dat opes, quas Utilitas, non invidet. ora
 In tua se tamen insinuat, nimixque Poetam
 Damnat fortè moræ. Te vendicat illa, sui que
 Te fore juris ait. Quin & natalibus illud

ORDO
 Quintus.
 Statua
 Gloriz,
 Comites
 Philodoxia,
 seu Cupido
 glorie,
 Victoria,
 Musa.

- (a) Ut feciales solebant bellum indicentes.
 (b) Carolus primus interemptus a perduellibus.
 (c) Allusum ad partus viperarum : ubi catuli postre-
 mi rumpunt latera matrum.
 (d) Pax scilicet, coram qua hæc modò solennia perage-
 bantur.
 (e) Nam Buckinghamii Ducis adventu cum copiis mi-
 litaribus tumultus isti non ita multò post reprimebantur.
 Alluxisse

Alluxisse tuis se prædicat auspice (a) Sidus.
 Sideris in mentem veniat. Certasse feruntur
 'Astra, tuos quis natales daret arbiter ignis.
 Consulitur (b) Genius. Cœtus se Gloria miscet
 In medios, puerumque suum probat. illa (c) Coronam
 Evocat. Accitu Dominæ Minoia virgo
 Jussa capeffitura venit. Te, Gnosia, tangit
 Hoc, inquit, munus. Juvenem per devia multus
 Præfultans Error ducet. Tu dirige gressum
 Rerum gnara dolos evolvere, certaue monstret
 Lampas iter. Dixit. Lucem pia Stella novenam
 Colligit in nodum. Stellæ, mora nulla, remittit
 Cœlum Sol commune: nec invidet æthera Nocti
 Divisum cum Sole dies. Subit illa diurnæ
 Certatura faci, tantoque superba Corona
 Munere regali perfundit fidere cunas,
 Seque coronatas videt, explerique videndo,
 Te dives, nequit. Ambages at mittere tempus
 Admonuit. se prodat amor, fateatur & ignes
 Gloria casta suos. Ipsam num fortè putemus,
 Innubam adhuc, (d) flammam e cœlo exhibuisse juga-
 Amplexusque petisse tuos? O candida merces, (lem,
 Meta laborum, & dulce lucrum! Tantone (minori
 Non venit) pretio Carolus (e) venire recuset?

(a) Notum de stella, quæ medio die fulsit in ortu Principis in omnium conspectu.

Habebatur stella emblemata gloriæ apud veteres:
 Sic de stella Ascanii, Fulii Caesaris, & Honorii.

(b) Nam astris suis cuique Genius affingitur.

(c) Coronam Ariadnes inter sidera relatam, novem stellis ornatam.

(d) Sic de stella Honorii. Nupturiebat tibi, Honori, Gloria, & stella veluti faciem nuptialem præferebat.

(e) Dignum pretium, quo ematur Principis amor. & respicitur ad nuptias Romanorum, quæ fiebant farre, usu, vel coemptione. sic I. Georg. de Thet. & Aug.

Solares

(a) Solares intra thalamos, & Luminis ortus
 Sub primos illam Virtus enixa sub axem
 Æthereum fudit : simili cui cyclade lucis
 Indutæ, mitras inter trabeasque reclini,
 Sidereo religasse comas, & pectora cinctu
 Dicitur, æternamque ori sparsisse juventam ;
 Temporis ingenui quam filia Laudis alumna
 Ubere fovit Alethea, & cum robur ab annis
 Venerat, evectam Famæ pernicibus alis
 Tempia Deam Diis spectandam per gemmea duxit,
 Æqualem Superis, & se præ se ore ferentem.
 Nobilitas illam curru comitata decoro
 Mille retro fluit in populos, & mille resignat
 Vultus antiqui ceras. Ancilia, Fasces,
 Et turbæ Titulorum, Aquilæ, Trabeæque, Togæque;
 Circumeunt gradientem : inter quas vertice toto
 Surrigitur supra, atque apices popularibus auris
 Commotos attollit Honos. hunc mille secutæ
 Spes (b) nivæ circum prensant, procul Ambitus, & quæ
 Cum (c) multa cretata faba, cicerisque canistris
 Venales promittit emax Ignavia currus,
 Degeneres numerat census. at turpe Repulsa
 Ore solum, & quæ non sequitur, vestigia mordet;
 Hæc est illa, tuum terras super, æthera supra
 Quæ vehet, attolletque ad sidera Gloria nomen.

Proxima sorte locum (Vortat bene. tota faceſſat
 Suspicio noxæ) Philodoxia, pulchra Cupido,
 Non præceps, imposve animi tenet : integra laudum
 Nympha, nec illa sui minùs integra. Quam Physis altis,
 Linea quò cœlo propior venit, altiùs indit
 Mentibus, igni & aqua tun' interdixeris ? Illi
 Armigerum statuit prudens Natura Pudorem.
 Puffio fortè tibi viſus ; ſed pectoris hoſpes

Statua
 Philo-
 doxiæ.

(a) Vide Caſimirum Lyricorum lib. 3.

(b) Candidata. Niveique ad fræna Quirites. Juven.

(c) De hoc more prehensantium Perſius in Satyris.

R

Herculei,

Herculei, Heroum custos, cui credita Virtus.
 Ventosam exedrae Nympham dixere severæ.
 Laudo salem. At pennam tollunt ad nubila venti.
 Restinctus virtutum ardor, nisi fomite flammam
 Hoc foveant. hoc libarunt e fonte Camœnæ,
 Hinc Galeæ, hinc Lauri, hinc ipsæ venere Tiaræ.
 Hanc pullum ad lucem explorat Jove prædita Mater.
 Cujus avos, laudumque acies interrita soles
 Nontulit, arcetur tabulis inglorius hæres.

Sit cupido
 gloriæ ve-
 ra, & pro-
 priæ.

Gloriæ amor si quem teneat, quæ sublita fuco est,
 Et coemit vultum, fugiat. Neque sit mihi tanti,
 Messæ sua quæ non vivit tenuis : improba fugit
 Quæ ceras atavorum, alienaque pabula carpit
 Deses, & invitis arcessit nomen ab Umbris.
 Quæ genus & proavos jactant præconia Manes,
 Damnabit Minos furti rea. Fallor ? an ora
 Propositæ sub nostra venit factura Volucris
 Materiæ appositum pondus ? Sic fabula scenam,
 Sipario amoto, subit altera. Ludere vati
 Concessere subinde Deæ. quin sæpius ipse
 In tenui ludit, Pindique in vallibus imis
 Aut pinguem Lycidam, Satyrumve movetur ineptum,
 Aut Culicem, Muremve canit Pataræus Apollo.
 Non hic te moror ætatè. (a) Quo tempore Divûm
 Atque hominum Pater, in flavo Ganymede fidelem
 Expertus, cœli & facis in consortia rubræ
 Admisisse Aquilam fertur, propriamque dicasse

Fabula de
 Cornicula
 induente se
 plumis alic-
 nis.

(a) Est res hæc non tam fabula, quàm allego-
 ria. per Deas Venerem, Minervam, & Junonem
 intelligitur Pulchritudo, Scientia, & Potentia,
 e quibus gloria quaritur plerunque. Per tot Avi-
 um nomina intelliguntur Mortalium varia genera,
 quorum alii e concepta opinione suorum merito-
 rum, alii perverso modo nituntur ad gloriam :
 alii viles, & sordibus suis contenti omnino negli-
 gunt, &c.

Flagranti

Flagranti dextræ : Veneri, castæque Minervæ,
 Et Junoni, unâ riguis ut vallibus Idæ
 Confedere, sibi sociam sacrare volucrem,
 Cuique suam, pariter placuit. Vicina latebat
 Ilicæ obtentu frondis, placitisque Dearum
 Intererat furtim Cornicula. Solis abortu
 Huc ades, Oscan, ait. Me scriberet optima Juno
 In sociam, matris quàm filia diceret albæ !
 (a) Delie, sit cum pace tua : da vertere vestem.
 Dixit : & incussu pennarum agitable corpus
 Crebra ciet, plausuque everberat alite sudum
 Accelerans, notosque petens animosa Penates.
 Nox erat, acceptamque sinu gens plumea noctem
 Frondosi ruris per tecta, lacusque silentes
 Jam somno posita, & curis exuta fovebat.
 At non in somnos votis intenta, nec ullani
 Solvitur in noctis partem Cornicula. regni
 Objicitur species ingens, & nomina rerum
 Grandia. Reginæ jam nunc assurgere visa
 Gens incedenti minor : officiosa volantem
 Jam nunc circum ambire cohors : promittere nidis,
 Jam nunc nil mortale sonans, immitibus ausa
 Ambrosiæ micæ, & spicam virginis Astri,
 Libum, farra, molamque, & quicquid libat ad aras
 Antistes sacra seu calicis, seu lancis opimæ.
 Quæ ferar ! imperium divisum cum Jove Juno,
 Alite cum Jovis ales habet Junonia, Cornix.
 Eximix dotes animo. sed dotibus, aiunt,
 Eximiis impar species. in corpore pulchro
 Quæ venit, arte probè lita, picturataque virtus
 Grator. in mediis, fateor, formosa coruscat
 Pennarum tenebris. at versicoloria, Numen
 Fœmineum, præfert puris insignia Juno.
 Multa volutanti tandem hæc sententia surgit.
 Evolat : & tacitæ noctis, cœlique sopori

(a) Est enim e Phœbi familia.

R 3

Munere

Munere læta (a) Lavernam, Atlanteumque nepotem
Compellans, (b) Neque lanx, inquit, neque licia defunt.
Vestris hæc ego sub signis. Nec plura. Volucrum,
Cuique notis macularum ut erat cultissima pluma,
Tecta petit: passuque umbrosa cubilia lento
Lustrat, & exuvias habiles, ut quæque caducæ
Corpore (defluvium pennis indixerat æstas)
Abstiterant, legit, & lectas sub tecta reportat.
In lucem latet, & furtum componit. easdem
Altera nox, repetit nox altera, & altera curas.

Junoni mensis sacer, & cum mense redibat
Expectata dies: Phrygiæque sub ilicis umbra
Adversos legere ut possent e cespite vultus,
Cominus assidere Deæ. Per rura volatu
Jussus adest placido, cælumque in vellera cogens
(c) Octipedem mulcet Zephyrus, & temperat auras.
Undique convenere, frequentique æthera coetu
Cinxere aligeræ gentes, quæque hospita septa
Villarum, assuetæ imperio, quæque invia dumis
Rura colunt, & quæ rupes, suspensaque saxis
Clivorum juga, quæque lacus, & litora servant;
Et cultu, & linguis variæ. Venere Palumbes
Acciti, Perdix, & Anas, & Milvus, & Anser:
Pavus adest, in quem (d) nuper migraverat Argus;
Excubitor cristatus adest, qui cantibus Eon
Evocat, & cristatus Epops, & vertice Nisus
Purpureo, & galeæ cono præsignis Alauda,
Mole pusilla, vicens animis. E Strymonis alveo
Naupliadæ volucres, e Chaone missa Columba,
Psittacus e sylvis Auroræ, & Memnonis arvis,

(a) *Præsides furum.* (b) *De licio & lance furum Al.
ab Alex.* (c) *Cancrum Junii fidus proprium.*

(d) *Si quibus Avium in fastis circa tempora, & cir-
cumstantias quoque rerum gestarum aliter fortè sit, An-
nales non uni sunt; & nihil minùs constat, quàm me-
moriam historiæ volatilis.*

E Pandi-

Et Pandionia quoque Daulias utraque terra;
 Utraque Daulias, at melior soror altera, quæque
 Muta puella fuit, nunc in suspiria vocem
 Librat, & indignam queritur lacrymosa rapinam.
 Tuque, tui pater atque hæres, æterna Volucris,
 Adfueras, tempus sub idem nisi fortè litasses
 Soli, fovissesque recens a funere nidum.
 Corvus abest, & Vultur abest. hunc rupe Prometheus
 Caucasæa, turpesque epulæ tenuere : sed illum
 Ira gravis, versæque recens injuria formæ.
 Inter & esse decebat avem Meneida. solis
 Non ausam radio nimum se credere Vesper
 Abdidit. At fidens, & mentis conscia multæ,
 Præceptamque animo jam tum meditata Minervam
 Noctua, nec verita illa diem, sub luminis auras
 Extulit os, os Palladium. Plausistis Athenæ.

Ecce autem cœli è diverso sola, sed instar
 Agminis ipsa, habitu plumoso insignis, (ad unam
 Conversi cunctarum oculi, stupuere volantem
 Numina, nec sese ipsa minus suspexit euntem,
 Tantum non ignota sibi) spectabilis Ales
 Conventus venit in medios. illi aureus ora,
 Et frontem prætexit honos : in vertice fulvo
 Surgit apex, ternæque jubæ, Tritonia quales
 Ostendat, cum per Tanaim bellatur Amazon,
 Virgineas præitura duces. Per turgida colla,
 Tergaque, purpureosque sinus, & punica crura
 Multa jacet latè ambiguos tessella nitores.
 Nec minor a tergo fastus. per syrma superbum
 Plurima pennarum luxu Thaumantias errat.
 Sistere circum ardent omnes. Heroïda cernunt
 Non aliàs visam. Vah, Jupiter ! æmulus instat
 Pavo : suos spoliis oculos specularatus in illis.
 Primus Pavo. calent iræ. par omnibus ardor.
 Continuo sævitum animis. gliscente tumultu,
 Invidiaque odiisque ferocibus omnia fervent.
 Unguibus infestis certatim, & vindige rostro

Se repetunt; prædam invisam, ut data cuique facultas;
 Excutiunt, velluntque, ruuntque. O hospita Juno!
 Furtivis exuta coloribus, inque volucro
 Eruta, tu cornicula eris, risumque movebis.
 Nec tantum risum movet; & sua pœna luenda est.
 Exulat, hæc Divæ triplici sententia sedit.
 Exilii, Britonum ad talos, (a) Cornubia sedes.

(b) At nimium in vitio est. & *vellit Cynthia aurem.*

Statua
 Victoriæ.

Altera sed quam te, Virgo, quo carmine dicam?
 Palladione satam te sanguine? Palladis instar
 Quantum est in Nice, Nices in Pallade quantum!
 Oris pulchra quidem, Nice, sed torva voluptas
 Esse tui solet. impressi cum pulvere soles,
 Reliquiæ irarum, campique recentis imago,
 Atque hostis vultus memores. Quam dissidet ori
 Hæc illi species! rubet hæc Victoria nullo
 Sanguine: nec solitum præfert Victoria Martem.
 Namque ubi debellata cohors, domitrixque catena
 Regnorum, & rigidi fasces? ubi sæva securis,
 Captivique supercilii pavor, & rota squalens,
 Damnatæque Orco inferiæ? nec rostra carinis
 Diruta, mœrentesque Deos, nec rapta Cethegis
 Signa, nec indutas Feretri gestamina quercus,
 Cætera feralis pompæ nec fercula cerno.
 Scilicet est, posita cum dimicet ægide Pallas,
 Gorgoneæque albente manus armentur oliva.
 Et præfert nobis alios Victoria vultus,
 Bellator cum pugnat Amor. vestire cruentam
 Gaudeat excidiis pompa Victoria vindex,

(a) *Cornicularum regio feracissima.*

(b) *Purgatio hæc eadem ferè, quæ in priore fabula, cui si apud Zoilum locus non sit, ædepol non laboro. At apud Principes etiam seria exhibere nonnunquam sub integumentis ludicrorum non omnino inusitatum. At excursio in utraque fabula longior iusto, inquis. Nunquid non dixi aurem vellicatam?*

Se

Se minor, ut victo major. quæ blanda volentem;
 Gaudentemque triumphari sub vincula misit,
 Præ se blanda ferat, redimitaque anioribus ora,
 Et victo, seque illa simul Victoria major.
 Victus at inde minor negat esse. triumphat uterque.

Famam, Gloria, præteritam, fastosque revolve,
 Diva, tuos. te nec teneat limesve Britannus,
 Palmeti pars ampla tui, seu limes Iberus,
 Nec decorum quo porrigitur modò Gallia campo.
 Metire & gentes, & tempora. Respice currus
 Pampineos, rubroque ætas e littore tigres;
 Contemplare ducem Emathium, Tigrimque fluentem
 Sub juga Pellæi fastus. Per secula mentem
 Itala fer memorem circum: quo Consule Cimbros
 Spectarit, Libycosque Tonans e rupe triumphos,
 Quo Duce Carthago supplex, quo Cæsare Teuto
 Sub Latias humilisque ierit Pharsalia portas.
 Fare age. Num majora dies spectacula terris
 Ulla dedit, quàm cum rosei sub (a) Veris & Astri
 Auspicio gemini cœlo sua munera, nobisque
 Os ostendebas illud, quo pristina viso
 Claruit Astrææ facies, quo dissita mundo
 Anglia, nec mundo mage dissita, quàm sibi, tandem
 Ad sese rediit, rediit probitasque, salusque,
 Et tota pacis comitata propagine Virgo?
 Solennes audire sonos, festumque tonitru
 Tarpeïæ nostræ videor, vocaliaque æra
 Templorum, & cantus, conspirantumque tubarum
 Assensu placido resonas per compita voces:
 Et, quæ personuere magis, per tecta domorum,
 Per cuneorum alacres cœtus, arrecta senumque
 Et juvenum, & teneræ longè ingeminata catervæ
 Gaudia. Per nubes ierat tum fortè Notorum
 Insidens alis Fama, & conterrita fertur

(a) Maii 29. eo enim die rediit Princeps profugus
 Londinum.

Nec

Nec centeni oris linguas audisse, nec æris
 Signa sui. Descende polo Dea : classica misce
 Et tua. Cernere opes videor, Phrygiosque nitores;
 Indutasque Tyro plateas. Incedere cerno,
 Oebaliæ quales nunquam vidistis Amyclæ,
 Mandentes frenitu læto spumantia fræna
 Cornipedes : Cerno, lucem quæ luce laceffunt,
 Auratas acies : Te, Carole, Carole, cerno
 Post tantò, qualis rerum sub fumida busta
 Imperium lucis repetens Hyperionius Sol
 In sellam emicuit, cœlique resumpsit habenas.
 Anglia, te sola felix, virtutis avitæ
 Dives, & imperio natum genus : Anglia, mundo,
 Ut mundo potior, divisa, liquentibus ulnis
 Ubera quam Nereis inter fover, Insula regum
 Mater, alumna coronarum, & fidissima custos,
 (a) Mota loco scædè nuper quò gloria cessit !
 Servibas, o servibas. at vertice (b) curto
 Liberior Bruto visa es. (c) Vertigo Quiritem
 Non creat. En prisco rediit (d) Feronia vultu;
 Vindictæque tuam vera te fecit ; & ipse,
 Sanguine deterfo, & misso certamine, liber
 (e) Festuca tactam calcatur gladiator arenam.
 Anglia Bellonæ furiis exercita, (stirpis

(a) *Ejecto Principe per dominatum perduellium.*

(b) *Alluditur ad morem curti capilli apud illos tunc temporis : qui idcirco Rotunda capita appellabantur passim.*

(c) *Ut tondebantur olim, (ad quod alluditur per verticem curtum) qui vocabantur ad pileum libertatis : sic iidem (ad quod alluditur per vertiginem plebis) circumagebantur, potestate videlicet illis facta eundi, quò vellent.*

(d) *Est etiam Dea libertatis.*

(e) *Virga prætoria, sicut & vindicta, manumittens. Quid ea ? ingenua, an festucâ facta ? Plant. in Mil.*

Heu Phrygiæ nimiam !) in terris quæ non modò flebas
Pergama, quos non passa tuis Simoentas in undis ?
Ecce tuos bellator adest qui perculit hostes.

Perculit : & nullus sequitur de vulnere sanguis.

Carole, sublimis solium conscende : tonanti
Inseruit qualem dextræ Colophonia Musa,
Partem sume Catenæ unam. pars altera longâ
Deflue nodorum serie, discretaque partes
Desinit in plures. Agedum, Calydonia pugna;
Anglia prompta manu, bellax Hibernia, siquos
Fortè animos alitis cæca feritate rebelles,
Siqua Cytæinæ stirpis mala fibra medullis
Hæsit, siqua novi se germinis egit in auras
Ambitio, mactè, validasque audacia summos
Induat in nexus palmas. accingite pulchro
Unâ operi certatim omnes, accersite nervos
Nobilis invidiæ, solique e sedibus hostem
Detrahit invisum. Certamen inutile. nisi
Quàm facili Pugiles ad se trahit ille trahentes !
Nexu libertatis Amor trahit. Anglia tota,
Tota Caledoniæ virtus, Hibernia tota
Victricem agnovit dextram; votiva sequuntur
Signa, minæ veteres posuere, sequuntur amores,
Seroque est in amore dolor. non dimicat ira
Carolus. *Omnia vincit amor. Cessistis amori.*
Indue, te spoliis, Amor, induc. collige campum.

Anglia, sorte tua, teque utere: victa triumphat;
Et victoris in amplexu, gremioque bonorum,
Quæ Superi exhibuere, sede. Genialis an optem
Gaudia pacis ? habes. an opes, queis utraque terram
Tethys inundet ? habes. an laudem, & opima decoræ
Præmia frontis ? habes. habeas hæc dona, diuque
Ut potiari, (quis est, qui lividus abnuat ?) opto.
Ut potiari, diuque habeas, extrema catena
Supremæ, nodisque sequacibus apta voluntas
Accedat. Sunt & mundo sua vincula. Jurant
Causarum in leges Effecta ; Potentior orbem

S

Continet

Continet inferiorem æther : huic proximus, aulæ
 Sidereæ excubias stabiles qui digerit, ordo
 Obsequitur, mediis imi. Quà torquet habenam
 Phœbus, Eleusinis sequitur cum messibus Æstas,
 Nec solvit nexum Autumnus. Soror extrema cœlo
 Quà franos quatit humentes Regina bicornis,
 Ponè citi subeunt Menses, cum mensibus Undæ,
 Cæruleusque tridens refluis cum fluctibus audit
 Imperium lori. Certis hæc jura tueri
 Fœderibus, Natura, tuum est. discordia nodum
 Ruperit ? informis redit, *indigestaque moles.*
 At nodum nos hunc dissolvimus; Anglia fœdus
 Discidit. & rerum facies quæ deinde secuta,
 Vidimus. At veteres furere implacata furores
 Define. sat furiis licuit. mitesce : nec ultrà
 Cognatis in visceribus tot crimina sudent.

Quòd si pectus habet, bellatrix Insula, ferri
 Tantus amor, nec sanguineum præcordia Numen
 Excutiunt, armis genus intractabile : ferro
 Occidui crimen commune refellere mundi,
 Euxinumque sequi, Auroramque reposcere furta,
 Bistonisque suum terris immittere Martem
 Quis vetet ? Adveniet, lustris volventibus, ætas;
 (a) (Sic fati placitum acclpio) Mavortia Bruti
 Cum Thracên armis subiget domus, Ionioque
 Anglia palantes agitabit in æthere Lunas.
 Affore præsentit Vates, tùm finibus alter
 Hunniades nostris surgat, cùm Castrius alter,
 Atque Epirotæ spirent in Britone Manes,
 Threïcizque supervolitent Capitolia Romæ.
 Præcipe fata, tuasque, Brito, præsumere laudes
 Ne pigeat. (b) portus Afri patuere, foresque

(a) *Simile quid haberi intelligo in vaticinio quodam, fide digno, asservato inter cæteras res memorabiles in archivis cujusdam domus religiosæ Neapoli.*

(b) *A ditione modò habita oppidi Tingitani.*

Venturis (a) Abyla fatis Maurusia pandit.

Sterne viam fatis primam, (b) Jacobe; sequentur
Fata, eadem ipsa duces. Jam nunc tua signa triumphis
Induere, exuviis jam nunc fulcire triumphos
Barbaricis gestit Victoria. Gallia quondam
Militiæ licet impubis te pulvere primo
Sordentem pulchrè, magno, cui concolor ibas,
Sensit avo dignum. Pugilem sed arena poposcit
Altera. te Frater caruit; traductaque virtus
In Belgas socium docuit rugire leonem
Rugitu nostro. (c) Dominas tibi classis Iberæ
Hesperius Pater, Oceanique potentis habenas
Obtulit, & cogi merito. Nereia Gades
Transcripsit genero Thetis, æquoræque tridentem
Sancivere tubæ. (d) Sed opis fuit indiga tantæ
Patria. subduci patriæ non debuit uni
Terrarum communis amor. Nec defuit orbis
Hic votis Deus. in mundi te gaudia natum
Permisit mundo. pelagi nam fræna Britanni,
Hoc est, quacunque exercent in carbasa venti
Imperium, dextra moderaris, & omnibus audit
Oceani desiderium Jacobus in undis.
Et jam vela darem in laudes simul, inclyte Princeps,
Ipse tuas, pelagi timidus nisi litus amarem,
Quem premerent æstus medii, laudumque sequentes
Usque secutura serie, Jacobe, tuarum

(a) *Abyla, seu Abyla, & Calpe, montes utrinque oppositi: quorum Abyla coercet montes Africa in ora Tingitana, Calpe Europa in Hispania.*

(b) *Jacobus Dux Eboracensis renunciatus Gubernator ora Tingitana post Rudderfordum gubernatorem ex insidiis a Mauris occisum.*

(c) *Eidem Jacobo Hispania Rex obtulit antè præfecturam maris Hispanici.*

(d) *Anglia eundem repoposcit; & ibidem renunciatur Præfectus maris.*

Obruerent undæ. In portum modò tutius Afrum;
 Unde recens funem solvi, me reddere. Portu
 Est Afro tamen Afra fides. Britannidis O te,
 Rudderforde, animæ nimium ! quis fœdere tanto
 Virtutem, Invidiamque Deus ? sine sedibus Umbræ;
 Ignotoque sub axe volant ; justisque tuorum
 Productus nullis ad Manes funere pergis
 Cum toto. Sed crescit ager sub falce. bipennis
 Non adimit sylvam. & virtus attonsa refloret.
 Auspicio Princeps aberat. subit auspice portum
 Principe fors melior. Cœlum (a) conterminus Afrum
 Vertice torquet Atlas : humeris, Jacobe, recumbunt
 Fata Britanna tuis. Tua viderit ut bonus Atlas--
 Vela mari distenta, suoque tumentia vento,
 Piniferi acclinat juga verticis, Indigetemque
 Fulturus jam nunc humeros demittere discat.

(b) Sisto. quid hoc ? oleasne Abylæ per juga rupis;
 Et pacale nemus succrescere ? Pallade vernat
 Maurus ager : sociamque avidus conjungere dextram
 Transit in Europæum Afer. Britannia tangit
 Prima focos, caput armigerum prætexere lino
 Gaudens, & tenero verbenæ flore virentem
 Per galeam cupidæ delibans oscula gentis.
 Vade age, major Atlantiade. Ut (c) caduceus armat
 Howardi dextram melior ! Convellere funem
 Quid dubitas, Henrice ? vehunt tua candida Pacem

(a) Mons in eadem Mauritania, non admodum longè.

(b) Henricus Howardus interea legatus destinatur
 ad Taflettam Imperatorem Morochoam. De legatione
 hac agebatur quidem multò post aliqua, quæ narrantur in
 hoc poemate. Verùm Poeta utitur jure suo, & prænotio-
 ne futurorum Vatum propria.

(c) De quantitatè hujus verbi caduceus seu caduce-
 um dubitatur a nonnullis. at venit a Græco καδύκεος,
 & in d mutato. & apud Syracusanos, & Tarentinos est
 καδύκεος.

Carbasa

Carbasa, ventorumque Deam pelagique potentem.
 In fluctus nos præterea projecimus uvam
 Hesperidum domitam prælo, mactavimus agnam,
 Et ventos inter volitant mea vota, tumentes
 Velorum impletura sinus. Te mollia nobis
 Æquora, te Venti faciles, te Vota redonent
 Incolumem. (a) At, lateri comitem quem seligit Heros,
 Quem tueor? Bruti pulchro de sanguine nomen
 Agnosco charum Musis. Allabere puppi,
 Æole, compositus. si peccet iniquior ala,
 Quanta mihi & Musis referent suspiria venti!
 Occupat interea speculas Tafiletta, liquentes
 Prospectans longè campos. Quæ lintea ponto
 Allabi cernes, terræque advertere, Florem
 Gentis Hoardææ vicina sub ostia mittent.
 (b) Gentis Hoardææ (1) titulos Norfolcia dicet,
 (2) Regia dicet Hymen connubia, (3) Martia campi
 Flodenses monumenta: (4) Sui moderamina juris
 Dicet Honos meritæ commissa, (5) Tridentifer undæ
 Imperium, audacique annus fatalis Ibero.
 Gentis adest hic Vir tantæ genus. Unus avorum
 Hic genus, hic merita & famam complectitur unus.
Bella manu, Pacemque gerit. Si fœdera Maurus
 Excutit, accingi tempus, Jacobe; novoque
 Oceanum videant fervere sub Hercule Metæ.
 Caroleum robur serò doliturus Jarbas
 Sentiat in virtute tua, & sub nomine tanto
 Fati prima rudimenta. His Victoria signis
 Advolet, hæc resonet circum tentoria Pæan.

O patria! O virtute tua, Britannia, semper

(a) Legatum inter cæteros comitaturus unus mihi amicissimus, & gratissimus Musis, Robertus Pughus de Penrin.

(b) Hinc prodire (1) Norfolciæ Duces: (2) Regiorum connubiorum fœdera: (3) Belli Imperatores: (4) Regni Mariscalli: (5) Præfecti maris, ut præcipue an. 1588. &c.

Infelix!

Statua
Musæ.

Infelix ! sua quid toties in viscera sævit
Insanus Corybas ? O projice tela cruorem
Cognatum bibitura. ululat tuus, Anglia, Pæan;
Et nullos habitura Deos Victoria luget.

Pegafis illa ? soror Parnassis ? an altera Nice ?
Frontis honos idem. sociam par, nata triumphis,
Circumit umbra comam. An comitem sibi Gloria legit
Provida cum Nice Musam ? O ingloria Nice :
Gloria, quàm nihil esse tui te, si tibi desit
Musa, putem ! Musæ debes Theti. quàm vada fatis
Intinctam non eripiunt Cocytia prolem,
Eripiunt fatis Heliconia. Vivere vitam,
Quam rapient, dant fata. jubent revirescere Musæ
Plus vitæ cinerum e cumulis, quàm fata dederunt,
Quàm rapient eadem. Meritò tibi, Musa, tibi que,
Gloria, communes olim, & communibus aris,
Rerum apprima sciens Mystes adolevit honores.
Musa sapis : juris (Voti quæ præses & auctor)
Non oblita, gradusque tui. te sceptrâ fovebunt
Regia, Parnassumque tuum. tu sceptrâ fovebis
Regia, Caroleumque feres super æthera nomen,
Phœbo dignum illud, clivoque bivertice toto.
Pandite (a) Musæ Heliconæ ; novoque exuberet amne
Per ripas nostratis, (b) Isis, sacra lympha Medusæ,
Castaliusque alter, Cama. fortunatus uterque ;
Hoc tu fortunatus, Isis, mage nomine, quòd, cum
(c) Fraternali socium per iter confunderis alveo,
Et par Oceano Londinum in vectus aquarum
Agmine regales gemino præterfluis ædes,
Cæsar, (d) ave, matutino tibi dicere fas sit,
Et vespertino, Cæsar, vale. Nec satis esto,

(a) *Utraque Academia, Oxoniensis & Cantabrigiensis.*

(b) *Isis & Cama: hic Cantabrigiæ fluvius, ille Oxonii.*

(c) *Thamæ, in quem influit Isis, unde Thamisis.*

(d) *Salve dicebant manè, vespertì vale. Suetonius in Galba. c. 4.*

(a) Nobile

(*a*) Nobile par, patrio Carolum concludere fluctu.
 Cærulei Patris ingressi confinia regna,
 Mox campum nacti laxum magis, æquore laudes
 Volvite liberiore : remotique incola ponti
 Vestra peregrinus canat ad modulamina Triton.
 Occurret vobis ab avo Tyberinus Hetrusco,
 Alpino de fonte Padus, cui carbasa glauca
 Intextus (*b*) Puer incendit, vagus Ister, & Albis,
 Increpitanſq; Ararim Rhodanus celer, & Tagus hospes,
 Tempora cui vinxit myrto (*c*) Tartessus Hymen,
 Cornuque aurato (*feriet ? jam* (*d*) mitior ibit.)
 Dives Iberus. Ut audierint animabile murmur,
 Plaudent, & vestro cupient de fonte renasci.

Musa, peregit opus, si me dignabere tanto
 Nomine, si merui, Vates tuus. Ille ego monti
 Adrepsi quondam parvus, laurumque momordi
 Dente rudi, fateor, cupido tamen. ungula rorem
 Sparserit ut tenuem quondam mihi, sic placitum Diis;
 Visa tamen sparsisse. latex nunc aruit : & vix
 Exucco superest guttans e pumice carmen.
 Quale tamen cunque est, & qualiscunque tenaci
 Exudans e rupe labor, sub regia munus
 Limina defer. At illa comæ frondentis abesto
 Laureæ pompa, cothurnatæque superbia suræ.
 In tenui sudamus. amant excelsa cothurni,
 Frontibus & veniunt doctis Heliconides umbræ.
 Perge mihi, qualis, subducta messe, puella,
 Et cui fors obscura domus, & curta domi res,
 Reliquias frugum insequitur, contentaque parco
 Mergite fortuitos infert sub testâ labores.
 Talis es, augustæ talis mihi comeris aulæ :

(*a*) *Isis Oxoniensis, & Cama Cantabrigiensis.*

(*b*) *Phaeton, in fluvium illum e cælo lapsus, intextus carbasa.*

(*c*) *E nuptiis Lusitaniæ cum Anglia.*

(*d*) *Ob fœdus æstius cum Hispano nuper initum.*

Ut

Ut sumptu, sic sorde vacans. E limine primo
 Excubias ubi transieris, obseptaque ferro
 Atria, fortè tibi, nullam quia præferet urbem
 Forma rudis, dentes inter rodentis ephēbī
 Attentanda via est. falsæ sua ludicra publi
 Mitte. file; perges. Aditus secretior usus
 Quà graduum cæcos aperit, tacitique recessus
 A tergo fallunt aulam, subducta pudicum
 Tende pedem. fervet nimio pars altera luxu,
 Præstringitque acies teneras. occurreret agmen
 Inde virum radiantum auro, coccoque madentum;
 Arte laboratum varia genus: inde catervæ
 Virginæ, & cœtus Paphii nitidissimus ordo,
 Gemmea gens, Erythra tota, totaque feriret
 Ora Cypro. Tu cùm limen penetralè sub horam
 Lapsuræ lucis, fandi quæ mollior hora,
 Contigeris, curis ubi sparserit otia Vesper,
 Affatum pete. sed modica, manus extera siqua;
 Sive fores index moneat nola limen amantes,
 Impellenda manu est. Converso cardine valvæ
 Ut patuere, sacri simul & data copia vultus,
 Occupet ingressum pudor, audentemque pudorem
 Commendet rubor. Ille manum porrexerit & aude.
 Pars tibi pacis erit. Plantis affusa verendis
 Et pacem tamen, & veniam pete; &, omine vultus
 (Ut comis, placidoque affabilis ore renidet)
 Accepto, *Donum*, dices, quod Phocide misit
 E patria meus, addictus tibi, Carole, Vates,
 Dent proprium Superi. Medii tum pectoris effer
 Ex adyto, teneraque sub officiosa reductâ
 Ora manu, dextræ Votum submissa fideli
 Castalium, Caroloque tuum committe clientem.
 Munere sic defuncta tuo, simul ille, reflexo
 Ad lumen vultu, titulum frontemque libelli
 Aversus secum sublegerit, ocyus illi
 Multa rogaturo te surripi, perque silentes,
 Quà ventum, demissa gradus vestigia furtim

Ad portam refer. Ad portam stat lauriger Ales;
 Et solitum fremit opperiens onus. exue villam,
 Teque resume: revise Deas Dea. Pegase Nympham,
 Heroemque novum per solis utrosque Penates
 Circumfer fremitu læto. Quid siltimus? astro
 Immortale tuo decus infer, & eripe terris.
 Musa, vale. interea, propior si viscera quando
 Intrarit Deus, ipse comas cytisove, apiove,
 Seu viola evinctus (Phoebeia tempora Daphne
 Illius ambierit potius, cui cygnus in ore,
 Non in crine sedet.) modici tibi thuris acerram
 Interdum supplex adolebo: & thurea laurus
 Inter grana levi crepitu si parcius omen
 Ediderit, sat erit. perspersero cum sale Vestam;
 Nectare seu molli perfudero, fortè sub auras
 Ter subjecta relucebit, laqueariaque ictu
 Festivo, tremulaque laceffet imagine flamma.

Nec tamen exolvi munus. Subit alter, & ipsas
 Nascitur ad metas labor. O quam læta laborum
 Objicitur species oculis, & meta meorum!
 Vitæ Mater origo: novæ fiducia Conjux.
 Per Matrem vixit Princeps, in Coniuge vivet.
 Sidere fatorum trahitur consensus ab uno.
 Carole, te prensant unum mea vota: Voluptas
 Jucundo, Utilitas Opulento, & Gloria Pulchro.
 Quid superest? siquid superest, dat Mater, & Uxor.

Mater ades. votis ades. (b) Heroïna Britannis
 Redditur, Henrici proles, cui patria nuper
 Exilium fuerat, Terris sponsalibus ut te
 Luximus absentem, lustris est addita messis
 Quarta tribus. Cupidis amplexibus Anglia primum
 Te, Princeps, ut suscepit, sex addita nona est.

ORDO
 Sextus.
 Statuæ
 tres:
 Reginæ
 Matris,
 Cathari-
 næ, &
 Caroli. (a)

Statua
 Reginæ
 Matris.

(a) Pyramis hîc contractior fit trigona: & recipit
 solum tres Statuas. Statua inde unica, quæ restat, viz.
 Vitæ æternæ, constituitur in ipso apice.

(b) E Gallia in Angliam redux.

Et memini, quamvis densa inter (a) funera longo
 Confedissemus luctu, quos protinus almi
 Sideris exortu induerit Britannia vultus.
 Illa quidem, digna decisam ex arbore, tedam,
 Nescia quò superi ferrent, ardebat Iberam.
 Extincta est. Aliam auspiciis propioribus Hymen
 Accendit novus. extemplo gens utraque flammam
 Concepit: (b) gentemque, & dissociabile litus
 Junxit Amor. nec enim thalami connubia Princeps
 Solus init. nubunt ipsæ cum Principe gentes.
 Octona dives Regina propagine. Cælo
 (c) Primitiæ debebantur. Sed fronduit, illo
 Avulso, (ramus felicior) (d) aureus alter.
 Quò minus ereptum nobis doluisse decebat
 (e) Natarum pignus geminum. Sed victima fato
 Restabat duplex alter dolor, (f) unus, & una.
 Desine inutilium lacrymarum, desine, Mater. (zvi
 Quo gaudent numeri, est (g) numerus supèr. Hactenus
 Heu brevis & Genitricem ipsam! vixisse tot annos
 Pars quota vita fuit? Nunc incipe vivere, Mater
 In Nato: magna in Genitore, in Coniuge magna,
 In Nato magna, & felix. Fortuna recedit,
 Et redit: atque iterum fugit, ut reditura recedat.
 Vos eadem, ut non poeniteat rediisse, revisit.
 Digna malorum odiis fueras: superesse malorum
 Digna vicissim odiis. O Filia sanguinis, Uxor
 Sanguinis! & pariter poterat sitis, O bona Mater,

(a) Grassante priore pestilentia anno, quo primum
 Regina Mater e Gallia in Angliam venit nuptum Carolo
 primo.

(b) Edicto publico pax secuta.

(c) Carolus primogenitus moritur.

(d) Carolus præsens nascitur.

(e) Elizabetham & Annam mortuas.

(f) Henricus Glocestrensis, & Maria Arausionensis.

(g) Ternarius sc. Carolus, Jacobus, & Henrietta.

Esse

Esse tui ? Sitis ardet. & iras urit inanes.
Et poteris meminisse, tuum cùm (a) classicus hostis
Impeteret caput, e cœlo quàm provida vulnus
Depulerit manus ? in sacrum caput ignea venit
Tempesta. at in auctorem manus illa retorfit.
Ut dubio incedant Superi pede, dextera certa est.
Tiresias e Diis nemo est, seu numine lusco.

Quæ vitam Regi dederat, longæva perennet,
Et (b) vitam Regis vivat. Lætare. procellæ
Diffugere. Maria, redis. Britannia gaudet
Lætitiis, Regina, tuas, te sospite, sospes.

Lætitiæ remeant veteres. Opulenta novarum
Accrescit seges. At Troiæ quàm pronuba tandem
(c) Juno favet nostræ ! Memores (e Phocide famam
Musa retexe) Dæ memores libentur honores.

Jam veris portas recluserat aureus Helles
Portitor. (Ille quidem munus per Doridis arva
Sustinuit malè. sed pecudis jam viscera dudum
Alterius, saliens & cum Jove mica piarat
Vesturæ culpam.) Cum Vere Libystidis aulæ,
Ammonisque egressa cubilibus, ardua cœli
Regna revisura, Inachias Saturnia curru
Jungebat volucres. Cyllenius assidet Ales;
Fallere iter lingua solers. Et jam vigil Eos
Proxima per collis rosei juga præpetis alæ
Agnovit plausum. Patuere repentè Mariti
Longævi valvæ bifores. Subit illa, superbè
Læta. solum resono crepuit cœleste sub auro ;
Quàque subit, verni floris nivè semita candet.

Vestibuluni, æterni pascit quem nectaris uber,
Eoum rivus præterfluit. hic, ubi prima
Luce diem vibrat in latices Cythereius ignis,

(a) Cùm navigaret profuga ex Anglia.

(b) Qualem sc. optamus Regi.

(c) Præst nubentibus. Hinc illud, Junonis aram
pellex ne tangito, Plaut. Amphitr. sc. 3. a. 2.

T 2

Humorem

Statu
Catharinæ
Reginæ :

Parenthesi
circa futu-
ras nuptias.

Juno revisit
e terris cœ-
lum.

Reflectit ex
itinere adve-
nit
Vitis
domum, se-
ram in Ori-
ente, uti
suprà
Par. I.

Humorem exhalat tenuem : seque induit undæ
 Halitus in nebulam. Nebula ros manat ab illa;
 Cui Ganymedæ non certent pocula cellæ,
 Primaque Memnoniæ matris carchesia tingit.
 His postquam cyathis se regia proluit Hospes,
 Protinus arrectæ vires : animilque refectam
 Interior *Vitæ* domus excipit. Aurea Vitæ
 (Quid cedros, quid, quæ rupes adamantina fulcit
 Testa, quid artis opus Phrygiæ loquar ?) aurea Vitæ
 Ostentat cælum omne domus. Sinuatur in orbem
 Ædibus in mediis, admittitque æmula cœli
 Sidera, millenis distinctum ritè columnis,
 Fornice quas millena pari committit iaspis,
 Atrium amœnum, augustum, ingens. E fornice pendent
 Fatorum innumeri vultus, queis mobile Tempus
 Fucos illevis primos, & Temporis Hora
 Filia supremos fertur sparsisse colores.
 Hinc Zeno, Corydonque, paludatique Tyranni;
 Et Lucina ferax, & teda flammeus Hymen
 Successus dubii discrimina, literulamque
 Disparis ingenii accersunt, vitamque bicornem.
 Fatidicæ laurus Phœbeia frondis honorem
 Explicat in medio, formosæque brachia Phœbi
 Pandit in amplexus. hic matutinus odora
 Cæsariem pelago rorantem comit in umbra.
 Quæ ramis hærent immota, nec ætheris ictum
 Formidant, Superis habiles his Numina vitæ
 Ore legunt foliis animas. At sidere lævo
 Quæ stravere caduca solum, Mortalibus auræ
 Impendunt brevius donum, & sua fata resignant.
 Larga sui Virgo nulli non esse beato
Vita dedit. doni miseros usura, brevesque
 Nos facit. E cunis egressa Superbia bullam
 Vix primam sumit, cum tendere protinus ardet
 In rerum medios æstus. at spuma recumbit
 Mox ad Tristitiæ petras. Damnamus iniquam
 Atropon immitis teli. mea fila Libido,

Fila secant Iræ, & curis armata Voluptas:

Interea scenæ per summa virentis Ephebi
Mille volant; *Genios* appellat *Vita*. Camœnæ
Mille canunt, digitis agiles & voce Camœnæ.
Nec mora. defiliunt. geniales inde palæstras
Chrysolithi ludunt in pulvere. Tum pede plaudunt
Diversæ choreas formæ, numerosque, modosque
Subtiles animæ plektorum ad carmina fingunt.
Nec longum tempus. citus interpellitat Arcas:
Saltatrix CAROLUM, nisi fallor, litera signat.
Certè signat, ait Saturnia. Litera poscit
Consortem celebs. Nec plura. sub arboris umbras
Turba redit Festiva. Thalia sub arbore sola
Confidet, & septem chelyn ad discrimina miscet.

Totius inde chori *Genios* ex agmine *Vita*
Bis, numerum sortita, novem legit. Igneus illis
Vertice surgit apex. e pura carbasus aura
Membra tegit. tegat illa decentiùs, an mage nudet
Pulchriùs, incertum. virtus in pectore dispar:
Et variæ in vultu Veneres. at spiritus idem.
Passibus extemplo moderatis æquor arenæ
Aerei fratres obeunt. tum dextera dextram
Implicat, implicitosque Poli septemplex orbes
Septenis æquant sphaëris. tum, lege soluta,
Avertunt, dirimuntque chorum. Modò prælia (a) Pyr-
Præfagit, modò pacificum dat pulvis Ionem. (rhus
Hic numeros miscet dubia fide ludicra Musa,
Infringens, spargensque sonos: & carmen abortit
Incisum, revocatque. jocosæ jurgia nervi
Componit. dein tota supervolat: ictaque plestri
Chorda tremit rapido sub verbere. Fervida pubes
Emicat, insultatque solo. mox lubrica ludum
Impediunt humilem vestigia. mox ferit astra
Arduus ad cælum vertex, iterumque, iterumque
Astra ferit. tremulo suspensa volumine planta,

*A Geniis
inquinis
per ludum
subobscurè
representa-
tur CAROLUS.*

*Deinde per
18. selectos
(duplum sc.
numcrum
pro Nominis
literis)
post aliqua
prævia ex-
bibetur
CATHA-
RINA.*

(a) De Pyrrichæ saltatione, & Ionica Auctores varii.
Decussantque

Decussantque alterna vibrissat in aere pernix:
 Præcipitat, textitque fugas pedis alitis error :
 Cæca redit, fallitque aciem fuga. Jamque remisso
 Sobria Musa magis percurrit pectine fila.
 Sistitur. incedunt. (a) Medium diductus in orbem
 Decedit sinus, & fugientem litera Lunam
 Prima notat cornu extremo. fit litera *tristis*;
 Sontibus, Exquiliisque, malo quæ vespere cœnant,
 Maia nate, tuis inimica. Sed area versu
 Pulsa novo. (b) *Nigræ* succedit *Candida*. signat
 Augustos *Triplex*. Prô Numina! (c) *Theta* Pelas-
 At se castigat, vitiumque procacis arenæ (gum?
 Expungit Genius solers, ut *anhelitus* afflat
 Literulæ meliorem anjmam, *Latialis* & auræ
Aspirat vitam! Formam pede sedulus Erro
 At modò quam fingit? (d) Trahit, Euoe, litera princeps
 Litera *syрма* trahit. Tamen *Aspera*. stridet, & hirrit.
 Mutato in *Lenem* vultu sed sæpe renidet.
 Sic fovet alternis & terret amabile *Nomen*,
 Terroremque amor, & terror moderatur amorem.
 Nec tamen hic finem choreæ posuere. (e) *Columnam*
 Desinit in *triplicem* chorus aliger. *Extima duplex*
 (Supremæ obliquâ committitur ima figurâ)
 Expectat scenæ plausum. Gratare theatro
 Nympha, Columna futura tuis, columenque futura:
 Nec mora. se dextræ miscent; & ritè priorem
 Circumagit sese Pubes genialis in orbem :
 Ter versi ad Boream, ter ad Austros, & ter ad Euros;
 Ad vestros, Zephyri, ter denique terque Penates.

Sevocat hic Comitern, attentamque affatur ad aurem

(a) CATHARINA figuratur in saltatione. C Li-
 tera Condemnans, appellata *Tristis* & *Nigra*. (b) A
 Litera Absolvens: sed *Triplex*, quæ hoc in nomine repe-
 ritur, viz. AAA notabat Augustos olim. (c) Θ Græcum
 Litera Lethalis. At TH Latinum Salutaris. (d) R. ap-
 pellata *Aspera*. atqui sæpe, teste Ovidio, vertebatur in
 Lenem L. (e) Sequuntur I & N. Fata

Accersitur
 ab Elysi
 Eros: ca-
 stus sc. seu
 conjugalis
 Amor.

Fata docens arcana Deū Regina. Capeſſit
 Juſſa Deæ Divūm Interpres. Talaria plantis
 Inneſcit. Virgam dextra capit. Humida mater
 Ne fortè opploret, *quo temperat aſtra*, galerum
 Induit. In vacuum ſe proripit; aereique
 Cæruleum Patris findens iter infima Terræ
 Regna ſubit. Petit Elyſium. *Lugentis* Erotem
 Degenerem *Campi* regem, fraudumque dynaſten
 Præterit. Elyſii portæ patuere. recentes
 Aspirant auræ, Zephyriſque tepentibus halant.
 Progreditur. viridi pendent Corytus & Arcus
 Non procul e Myrto. Materna fuſus in umbra
 Caſtus Eros cubat: Elyſio cui miſſus ab amne
 Somnus adeſt, placidos & crinibus irrigat imbres.
 Virga Deum monet. Exponit mandata. Monentī
 Paret Amor, ſolitiſque repentē recingitur armis.
 Nox erat. at facilem ſubituris æthera præbet
 Utraque Luna viam. Jamque introgreſſus Eoum
 Limen Eros Dominam extemplo petit. Illa Puellæ
 In roſeo ſtupet ora, ſagittiferæque pharetræ
 In vultu pondus. ſtupet aurea membra. ſed alas
 Mallet abeſſe. Pudicitix quam tendere litem
 Forma ſolet, vultu dirimunt in virgine mores
 Ingenui, niveoque virens in pectore candor.
 Ad quem ſic Juno paucis. Mea lilia cerno
 In vultu, Puer alme, tuo. nec Cypria florem
 Diva ſuum negat; at qualem Pudor imbuir oſtri
 Simplicis igne verecundo. Dicuntur ocelli
 Eſſe duces in amore. Nitent ſi lumine puro,
 Sint in amore duces. Geminum tua miſſile torquent
 Lumina: ſed Feſcennino quod nulla veneno
 Illecebroſa Venus tinxit, & non tua Mater.
 Altera nec mihi tela vacent tamen: illa pharetræ
 Tela tuæ. Exortem pharetra deprome ſagittam:
 Et quali me figebas, cūm numinis Æther
 Arma popoſcit, opemque tui: qua ſaucia tedas
 Admiſi Joviſ, & fulmen ſponſale recepi.

Quæ

*Devolat
Amor ad o-
ras Olyssi-
ponenses :
& munere
suo fungi-
tur.*

Quæ restant fidam tacitè demittit in aurem.
Et modò (sic monuere Deæ) non clarius unquam
Phosphorus exeruit jubar : eximixque nitentem
Lucis Odyssæas radium deflexit ad arces.
At Puer advenerans materni sideris ignem
Librat eò teneros artus : & fulguris aurei
Desuper insistsens in vertice, mox leve pondus
Proclinans radio gemmatas explicat alas,
Et quatit. Idaliæ lucis quà semita ducit,
Continuum liquidas utriusque per ætheris auras
Radit iter, seque Hesperias transmittit ad oras.
Fortè Ratem, refluxente Tago, tulit unda Britannam
Gurgitis in fluctus aureos, aureamque superbis
Fluctibus insultantem ipsam. Suus est quoque Ponto,
Crediderim, famæ sensus. nec nullus, opinor,
Æquoræ hanc Dominæ sobolem pertentat avitæ
Laudis amor. Fuit hæc eadem, dicetque fuisse,
Quæ maris Heroem, quæ Fulmen Martis, & aulæ
Teutonicæ Florem, Defensoremque Britannæ
Sæpe his Oceani vindex ostendit in undis :
Hæc, inquam, illa tuæ quondam pulcherrima famæ,
Fortunæque, Ruperte, comes. Minor aura Favoni,
Quàm famæ, qua vela tument. Per nubila pronæ
Obliquans pennæ cursus huc devolat Ales,
Summoque insistit malo. sub Numine candent
Vexillorum apices, tremulisque ardoribus undant.
Hic oculos postquam faciles circumtulit, amnis
Velivoli portum speculatus, & undique montes
In medios assurgentes e vallibus arces,
Et summo Duce, *multorum qui viderat urbes,*
Dignam urbem : se continuo collegit. arenam
Namque per adversam currus in littore septem
Contrà incedentes longè prospexit : at horum
Præsignem ante alios unum. temo aureus, axis
Aureus : at, curru quæ federat, aurea longè
Virgo magis, totique Tagus quam prætulit auro.
Hæc illa est, hæc illa meæ desponsa pharetræ.

Dixit

Dixit; & arguta plumans face prodit arundo
 E pharetra, radio similis. Quæ fila sagittam
 Admisere, capillus erat de vertice triplex,
 Iri, tuo, Euphrosyneque tuo de vertice triplex;
 Et filum flammis, & flammis induit arcum.
 Inseritur telum. Fortunam lumine certo
 Sortitur. Nervum subito diversa tetendit,
 Atque arcum manus: hæc aurem, facis altera tangens
 Extremos ignes. Teres evolat ignis in auras;
 Quæque volat, gracili dat trames limite lucem:
 Et medias inter cuspis delata mamillas
 Attingit metam. Calet intima fibra, nivesque
 Virginæ; & vivax alitur sub pectore vulnus.
 I Puer. Albus adest Hymenæus, & altera tecta.

Salve, Nympha. venis. In nidum foemina Phoenix
 Regalis thalami volat. O te, Coniuge tanta,
 Carole, (pollicita frueris:) te Coniuge tanto
 Felicem, Catharina! Sacram manus altera Nympham,
 Terræ orbem ingentem tenet altera. nobile pondus
 Utraque, at ingenti Nymphe præponderat orbi.
 Jactat opes Tellus, & opes circumsona jactant
 Æquora; sed Nympham totus defluxit in unam
 Totus in unam Æther. (a) Ingens de fluctibus, & te
 Nobis, Tethy, querela fuit. tantamne licebat
 Injecisse moram, & votis communibus undas
 Opposuisse tuas? veniam damus. hospite, cujus
 Excepta pretium noras, invita carebas.
 Æstuat omnis amans; & Tethys amabat in æstu.
 Litoreas circum in speculis infederat arces
 Anglia, spemque metumque inter suspenfa, morantes
 Velorum incusans alas, committere ventis
 Vota necesse fuit. sed dum sibi quisque decori
 Muneris ambiret laudem, inconsulta ruebant
 Frontibus obnixa adversis in prælia fratres:
 Et nobis oberant. Tandem venit. Auspiciis Diis;

Statua,
 inquam,
 Catharinæ
 Reginae, &
 Statua
 Caroli
 altera ma-
 nu tenentis
 Reginam,
 altera
 Globum
 terrestrem.

(a) *Diu morabatur in mari ob tempestates adversas.*

V.

(a) Transfer

(a) Transfer limen amica pedes. Venit. & mora fœnus
Lætitiæ fuit. Ad ripas accincta sedebat

(b) Roma Deum Matrem opperiens. in littore ponit
Illa pedem, tradenda viro, cui plurima virtus
Deferret primas. Tractus emensa profundi
Tu quoque mitis ades. Ripæ succede: Viroque
Committenda. Cui? Carolo debere; nec ultra
Quæsieris. Sed te, Charitum placidissima, quam te
'Appellem? Mater noles audire Deorum,
Seu genus. at gremio certè parit enthea siquos
Terra Deos, Reges sunt. Castissima Regum
Filia, solve sinum, & Regum lætissima Mater
Esse velis. VIVAT REX. annuis? aspice, rerum
Semina ut in varias abeunt æterna figuras,
Ut bellum cum morte gerit, fatumque laceffit
Se revocans, & se fœtu Natura propagans
Usquè novo. Et Carolum deberi legibus aiunt
Fata suis. Carolo quos Parca reciderit annos,
Instaurare tuum est. mansuræ dulcia vitæ
Pignora tu subicis, reficisque in prole parentem.
Alme fave Deus: aspirent felicia voto
'Astra meo. (c) Concepti animo primordia mundi
Molitor rerum æternus cum fingeret, undis
Spiritus incubuisse, animamque afflasse feracem
Dicitur. O lymphas Numen spirabile siquod
'Accolit, ille tuas & spiritus incubet undas.
Nascere, parve Puer, seu nascere, parva Puella:
(d) Mensa digneturque Deus, seu Diva cubili.

(a) De hoc dicto nuptiali Transfer limen pedes, id est,
fer pedes trans limen omine cum bono, Catullus.

(b) De hoc annales Romani.

(c) Hæc scripta, cum ad aquas Tunbrigenses, & post
ad thermas Bathonienses Regina pergeret prolis causa,
an. 1663.

(d) Variè interpretes ad illud Virg. Eclog. 4. Sed
Cerde opportuniùs in rem præsentem.

(a) Nec

(a) Nec Deus (b) hunc mensa dignabere? Diva nec il-
 Dignatura cubili? Oculis at defilit humor (lam
 Quis rudis ille meis? si terfero, rursus eosdem
 In latices abeunt: nec mens malè provida novit,
 Nube madens improvisa quid cogitet Auster.
 Induerant ritè in florem spes se modò nostræ,
 Cùm subito cecidere. Venis: & deseris. at non
 Incomitata fugis. (c) Phœbum scitamus. adimus
 Cortinam. Phœbus vocem & cortina remittit,
 (d) *Ostendent terris te tantum fata, nec ultra*
Esse sinent, Regina. (e) Minas cum forfice ponat
 Parca suas. Fato vivit Regina superstes.
 Tergo genas. Medicus Vatem se ludit Apollo:
Depellentibus & Divis percussimus hœdum.
 Quinta parte sui sic te Charis imbuat: æther
 Sic foveat, nostrique benignior halitus astri.

Ad te nunc redeo, Princeps, in prole futura
 Bis patriæ pater. hac vivent in prole parentes:
 Vivet in expressis ventura parentibus ætas.
 Venturis capimur, capimur præsentibus. hæc nos
 Afficiunt magis. Illa tuis te tempora sistant
 Præsentem, quæ tarda meant. Velocia currunt
 Tempora, præcipitique agitant in tramite currum
 Ardentes Horæ. quorum tamen agmine tanto
 Implicuere rotas, radiisque sub omnibus hærent
 Terrarum tot Vota, tuæ tot gentis Amores,

Converti-
 titur sermo
 denuo ad
 Carolum
 in sua
 Statua.

(a) Occasione morbi gravissimi; qui Reginam post
 invasit eodem anno 1663.

(b) Ille contra Grammatices regulam refertur ad po-
 sterius, Hic ad prius apud Ovidium.

(c) Consuluntur Medici: & valetudinem enimverò
 desperatam aiunt.

(d) Fatum anni 1663. ut ex numeralibus carminis li-
 teris patet; videlicet M. D C. L V V I I I.

(e) Tamen paulò post Medicorum subsidio sanitatem
 recuperat.

Tatda, obicem fassura, meant. Optare senectam
 Vix lubet : optamus tamen. incusamus adeptam,
 Tendit iter nimis ad Cymbam declive Senectus.
 Esse juventuti fertur quæ præsidet Hebe :
 Nympha serena. O Elysiis tantisper ab hortis,
 Cum lauro viridi, cum purpureo amarantho,
 Huc ades ; & (serò saltem Proserpina canum
 Quem norit) digni te Principis incola fies.

Quem tueor ? Gentes perhibent sub vertice mundi
 Extremo positas, noctem inter foedere pacto
 Et lucem, in tenebris anni transmittere partem
 Semestrem. (a) Lucis curru redeunte, sepulto
 Insinuant orbi quæ gaudia ! Plus tua, Princeps,
 Plus quam semestrem pepulit præsentia noctem.

Carolo
 in eo Pyra-
 midis editi-
 ore parte
 sito objici-
 tur memo-
 ria conditi-
 onis huma-
 næ, quan-
 tum ad
 mortalita-
 tem atti-
 net,

Est tamen, est quæ me species tenet altera. Plantis
 Inscensu facili subternitur ardua moles,
 Carole, non invita tuis, ut in æthera tollat.
 Aut sentit tamen, aut cernit, sublime quod usquam est,
 Quæ doleat. Rex, epotos quem fama ferebat
 Defecisse amnes prandentem, verberare numen
 Qui sævibat in Æolium, qui Nerea ferro
 Vincibat, Rex ille jugi superasse cacumen
 Ascensu fertur solus, variabilis ævi
 Ex alto contemplator, vallesque jacentes,
 Et fusum latis ingens in vallibus agmen
 Prospectu lustrasse. latent sub Marte superbo
 Æquora, campi ardent, & fluctuat undique bellum.
 Cernenti pulcher timor. E tot millibus, inquit,
 Quæ modo sol præsens videt, ut centesimus unum
 Non videat ? Lacrymæ fatum increpuere secutæ.
 Tu quoque, si libet, hoc, Princeps, e culmine gentem,
 Imperiumque tuum circumspecte. Numine tellus
 Sub majore jacet, Tractat manus altera Virgam,

(a) Qui lætitiæ ingentem subicere oculis volunt,
 solem in tabula depingunt regiones illas revisentem,
 adjecta inscriptione, Semestres tenebras pellit.

Diribet

Diribet & capitem sortes. Hinc rura Coloni;
 Hinc alas, cuneosque Duces, hinc carbasa Nautæ;
 Hinc Proceres aulam ostentant, hinc moenia Cives;
 Et sumum, strepitumque, & opes. super e grege tanto
 Post aliquot menses quotus est? Decurrimus omnes
 In stadiis rerum variis. hæc fluxerit ætas;
 Deficimus senio fracti, secloque sequenti
 Lampada porrigimus, mensesque prementibus annis;
 Hoc nostri quodcunque vides, erit, (an mora tanti?)
 Quod fuit. Hic auri non parcitur. Et tua metam,
 Occasumque dies habet. Hinc, ut proxima nube
 Obvolvitur caput annosum (a) venerabilis Ædes,
 Cætera, quæ spectas, inter viden? Illa cadentem
 Pulchra situ spectat solem. Discedit ab illa
 Invitus: lugetque tuam, Britannia, noctem.

Verum age, quam spectas oculis, lustrare juvabit
 Et mentis gressu. (b) Majestas aurea sedem
 Hanc habitat. prima Hic Regum Diademata cudit
 Dives Honos: Trabeas Hic murice Gloria tingit:
 Regales humeros Trabea, Diademate crines
 Induit Albionæ Fides. Et te quoque nuper,
Rege suo felix, & rebus læta secundis,
 His insignitum donis Hic Anglia vidit.
 Et tamen Hic pariter Libitinæ funebris aulam
 Cernimus: augustusque verendi Numinis horror
 Percellit mentem. Dextris excussa refregit
 Sceptra: triumphatis raptum de crinibus aurum;
 Purpureisque avulsa humeris insignia Fati
 Affixit portis, testudineoque revinxit
 Imperiosa palatinos sub carcere Manes.
 Fare, Puer: Pompa illa ferox incisa tremendo
 Æris magnifici thalamo, monumentaque torva
 Quem signant? Agnosco. Toro illibata pudici
 Floris, opum felix, & plùs quàm fœmina Virgo

(rum,

(a) Westminsterium in parte Urbis occidentali situm.

(b) Hic Reges Angliæ coronari solent, & sepeliri.

Quo

Quo decumbit? Erat, cum Virginis ossa cubarent
 Mollius. At fati brevioris ut altera fastu
 Ambitur brevior Soror! Risistis Elisæ
 Sidera: nec viduam tamen averfata Sororem.
 Edwardus supplex? Quam supplicis Anglia vindex!
 Henricos novi. Spirat quæ Septimus ille
 Funera? quam noctem dormis, Henrice, superbam!
 Hæc satis. O tot nominibus, titulisque decoræ,
 Et dites, cumulos addam si pulveris, Arcæ!
 Fumidus in nubes abiit vapor. igneus ille
 Spiritus, extincta post tot molimina flamma,
 Fit cinis. Ah, quam sub terra solennia turget;
 Dicere si Majestatis cum pace licebit,
 Putre Nihil! Titulus phalerata novissimus Umbra est.
 Mnemosynes cælo saxi incidimus ingens
 Nomen. Et est aliquid, Dentem, qui cuncta ligurit,
 Augustos vel sic retudisse. Sed hic quoque rosam est.
 Vestra peracta: meæ peragetur fabula scenæ.
 At caream plausu. mutum me garrula fama
 Nesciat ignarum famæ. Regale Carystos
 Funus obit, mihi sufficiet sine nomine cespes.

Occasione
 capta a
 Globo ter-
 restri,
 quem Sta-
 tua Principis in ma-
 nu tenet,
 infertur
 præterea
 mentio
 conditionis
 humanæ,
 quantum
 attinet ad
 fugacita-
 tem rerum,
 & mutati-
 ones varias
 temporum.

Nec soli urgentur Reges. & Regna suburget
 Ad Manes rota Fortunæ, seu Temporis. Orbem
 Regia dextra tenet. Fortuna volubilis orbem
 Immotum esse negat, Fortuna Copernica. Quantos
 Temporis & Sortis ludo meat orbis in orbem!
 Usquæ adeo quod stet nihil est. (a) Age, Musa, vocantem
 Deficies? Vates ut inops, at pauper in ære

(a) Fieri non poterat, ut consistentes in terra globum, quem Principis Statua in manu tenet, inspicerent. Præterea novum fuisset illum inscribi notis Cosmographi-
 cis. (Quamquam quid si extare dixero quid hujusmodi in statua quadam pervetusta Carlomanni?) Necessè igitur fuit confugere ad opem Musæ. versanti in Poescos spatiis imaginariis 'permitti ista quandoque poterunt.

Sit proprio. Aoniæ, quem limina sæpe terentem
 Advertunt, odere fores. tamen arte profectò
 Pieria jam nunc usus. Quem sustinet orbem
 Regalis manus, hinc propero transmittere visu
 Mens avet. at non tam volucrem levis aura Philetam;
 Ut contendat eò, tollet. tam lyncea vati
 Non acies est, ut tangat tam dissita. Sentis,
 Musa, quid inde velim. propera. te, Diva, manebo.

Interea qui sim, Princeps, fuerimve, cupido
 Discere siqua subit: (a) Primum, figularis opella,
 Argilla duxi e Samia genus. inde (b) Crotonem
 Imperii accitu jussu migrare paterni,
 Edoctum quicquid dixere silentia, muti
 Nequicquam tenuit Senis exedra. Pòst, ubi vultus
 Humanos mors diripuit, quia frigidus illi
 Obstiterat sophiæ, torpens ad fortia, sanguis,
 Alitis in faciem migro. ne quære doceri,
 Quam faciem. huic aliæ demum subiere figuræ;
 His aliæ. Pòst, diversos ubi secula soles
 Extulerant, sitientem auri me tradidit undis
 Mercatura. vovebam undis caput, auspiciisque
 Non aliis quàm ventorum longinqua sequebar
 Litora. quæ Boreæ mundus consurgit ad arces;
 Quæ Noton ad Libycum premitur, patet æquus ad Eu-
 Visere nimirum cupidus, quæ Sirius annum (ros,
 Parte coquit, nebulis quæ Jupiter algidus urget,

(a) Interim narrat se Poeta per varias Pythagoricas
 Metempsychoses terræ partes diversas olim peragrasse,
 & sic e Globo opera Musæ parando, & representatur
 res, ut modò sunt, veteribus non apparentibus, osten-
 det rerum mutationes, & ruinas temporum. Metem-
 psychoses istas figmentum patet esse: imò intentas, ut
 quid joculari etiam in ratione figmenti. Simile quid
 accideret, post somnum v.g. mille annorum nunc demum
 siquis expergisceretur.

(b) Urbem, in qua Pythagoras consedit.

Lubricum

Lubricum iter teneo. Felix, malè credula ventis
 Si prudens norat subducere vela cupido,
 In rurisque modesta quies sublegerat umbras.
 Vellus Iasonium petiisse, domestica nobis
 Si modò balet ovis, quæ pellat frigora, vanum est.
 Infidiatur avaritiæ, substernit & undæ
 Tethys avara fidem. senuit quæ prospera, rara est.
 Spes procul una meas tulit arbor, & abstulit una.
 Æquore nolentem sicco, patriisque perire
 Vermibus ignoto pisces in gurgite (a) lambunt.
 Hic ubi gentem inter liquidam, tractusque per ævi
 Multiplices varios indutum ex ordine vultus
 Marmoreo miserum tenuit sub carcere Proteus,
 Tandem undis ereptam animam miserata refecit
 Sors melior, reducemque homini devexit in oras,
 Te compensantem seclis tot euntibus unam,
 Anglia pulchra, tuas. An adest Dea? Tetrea mundi
 In promptu moles? At te, bona Pieri, thuris
 Mica manet, vivoque ardens in cespite carbo,
 Respice quod sustentat onus tua dextera, Cæsar.
 Hæc illa est, hæc, tam dubio qua luditur actu,
 Fortunæ pila; Cæsareis nunc obvia palmis,
 Accursu Dominæ rapido nunc avia pulsans
 Sphæristen alium. (b) Fugit te, Carole, nuper.
 Asserva reducem. Hoc illud, quod dicere Punctum
 Non piget, & multo partimur limite, ferro
 Dividimus tamen. Immensus sine limite Mentis
 Ambitus est. huc inde tamen compellitur omnis
 Linea votorum. Exiles suus urget habendi
 Formicæ amor. has per agros, & farrea castra
 Ferventes opere angusto ridemus. & ipsi
 Formicæ sumus, ingentes molimur arenæ
 Hesperia cumulos: Libyæ populamur acervos,

Allatum a
 Musa glo-
 bum con-
 templan-
 tur.

(a) Aiunt scioli Pisces non lambere: quia linguam
 non habent. Virgilium sanè istud fugit.

(b) Pila, scilicet, de qua modò.

Aurora

Auroræ spoliis cupimus distendere cellas :
 Et sola terrarum, & maris omnis semita fervet.
 Grandia sunt nobis : in se non grandia. parvi
 Nos sumus. Hæc est illa suo se pondere librans
 In mundi medio Moles, properantis Olympi
 Inde fugam circa se spectat : & ipsa moveri
 Mobiliore fuga non sentit. An hoc Phryges olim,
 Hoc Agamemnonii fastus, hoc acer Achilles
 In campo steterunt ? ubi sunt ? Ubi fervidus ille,
 Et vastus juvenis, mundos Pellæus anhelans,
 Quem Gyaros hic in parvas compegerat unus ?
 Hos rupit scopulos, hanc Alpem Luscus aceto ?
 Afer ubi ? Num straverunt hanc totius undam
 Nutantes Asiæ sylvæ ? Num passa Tyranni
 Hic Thetis alta rotas, Sestosque occurrit Abydo ?
 Medus ubi ? Et quoties tua, Princeps, Anglia sese
 Dat nobis in conspectum ! Rhamnusidis aulam
 Dixerts. Ah, quoties posuit Britannia Trojam !
 Circum ingens obit Oceanus. Quantum instar in illa !
 O (a) Galatea venusta, *nimis ne crede colori.*
 Decolor (b) heu quanto (vereor) mox sanguine fies !
 Ast age : propositum premere, & reflectere tempus.
 Quem toties obii quondam, propiore viator
 Curriculo placet, obtutuque remetiari orbem ?
 Mirabar gentes equidem, mirabar & urbes,
 Et veterum monumenta virum. Ne vileat orbis
 Hæc species. suus hoc Naturæ *Mundus* in orbe est.
 Hic tibi, quæ mecum, Princeps, mirabere, sistam.

Ganges ille ? freto quantus tumet ! inde quot undas *China.*
 In nomen cogit dominum transire minores !
 At Cyri furiis minor. Hinc in proxima Chinæ
 Litora ferre gradum lubet ? hic quàm pulchra tuentem
 Et populorum, & opum, & morum te pascet imago !
 Nec populos, nec opes, nec eosdem Machina mores

(a) *Anglia scilicet.*

(b) *Ob praelia maritima ingruentia.*

X

Reddit.

Reddit. an & Samio migrant sub (a) numiæ terræ?
Tartarus (b) hæc loca miles habet. sub Tartara fidunt
Ætherei, (c) cœlo demissa colonia, Sinæ.

Tendere forsan in Ægyptum, & læcunda Canopî
Arva placet, Phariæque urbes. At cursus eunti
Per Lydos, Carasque brevissimus. Hic tibi cœlo
Marmoris educti fabricam, luctusque superbi
Objiciet monumentum ingens Mausolia conjux,
Inferias immortales. Vah, rupibus ipsis
Nulla, ævo incumbente, fides. Mausolus ad imos
Pondere subfedit Manes. damnata laboris
Sisyphii saxo sentit Regina cæduco.

*Mausoleum
Carie.*

*Templum
Dianæ
Ephesinæ.*

Siste pedem. feret hæc Ephesum via, Terminus inquit.
Qualem Ephesum! cœli quam dicitur arce Diana
Posthabita coluisse, pharetratique Aracynthi
Virgineo legisse choro per secula sedem.
Hic opus, hic Ædem aspicias. mirata vetustas
Centum illam linguis cecinit. centesima tantum;
Quod cecinit, pars est. Asiæ domus, ardua vasto
Suspectu, sublimem Ædes eversa sub axem,
Et gemino Divæ faciens commercia regno,
Celsa, ingens, operosa. tuas, Diana, sagittas
Scilicet haud timuit Pater. hæc si culmina Tellus
Extulerat, nova terrigenam in certamina cœlo
Venturum super horruerant Jovis atria Martem;
Et par materies operi. quodcunque triformis
E variis titulorum adytis evolvere Nympha
Quiverat, e sylvis Dictynna, Tonantis Averni
Ex antris Hecate, e cœlo Titania Phoebe,
Splendida Phoebe, opulenta Hecate, Dictynna venusta;

(a) Nam instar cujusdam Dei Pythagoras habebatur a populo.

(b) A Tartaris non ita pridem subacta.

(c) Sic aliqui ex illis memorant, quemadmodum legisse videor: nolentes nimirum aliunde originem primam gentis sue repetere.

Hic

Hic tibi cernere erit. Ludor. (a) vestigia cerno
 Temporis. hæc & itum pariter; Lunamque Diana
 Sensit. Ferre illac aciem, gressumque libebit,
 Ægypto tandem successimus. Obvia Nilus
 Ostia pandit, & hospitio septemplete fellos
 Excipit. agnosco pictis constrata phaselis
 Rura, sui que nihil debentia nubibus arva.
 Muneris est hoc, Nile, tui. tu cornua saltem
 Vertice tollis adhuc & gurgite curris eodem;
 Quæque fluunt, mansere. tuis in fluctibus olim
 (Jam propè bis centum lustris accesserit ætas
 Septima, si memini: famam quoque deterit ætas.)
 In Pharium Ausonio migrans e consule nautam
 Lentavi remum. Pharii juvat ire per ævi
 Nomina, Niliacæque ostenta revifere terræ.
 Dic age, laudatam venis quæ proxima Copton
 Ostendet via? quæ Saim compendia ducent?
 Est & amor Bubastim altam, pulchramque Syenen,
 Tentyraque, Arsinoenque, & cum Ptolemaide Pellam,
 Et Solis lustrare tholos. Cessisse recordor
 Auletas fato, Lagos cessisse: nec ipsos
 Reginæ crines a forfice forma redemit.
 Ufa tua, Cleopatra, manu te Parca totondit.
 Præ reliquis gens hæc prudens tamen, obviaque ævo
 Mortalem, memini, transfert in marmora vitam:
 Pyramides dicunt. juvat & lapidosa tueri,
 Assurgentiaque in coelum miracula, moles,
 Memphi, tuas. citimo facilem de culmine nomen
 Busto, Nile, tuo referens insigne Canopus
 Despectum dabit. At quid ago? quò sistor? in ipsa
 Ægypto Ægyptum quæro. monumenta requiro
 Pristina. cuncta silent; latratque nec ullus Anubis.
 Tempore cuncta superfuso latuere; patentes
 Pyramis instravit campos, cum mœnibus urbes,

Ægypti
 Urbes, &
 Pyramides.

(a) Proditur quidem aliqua parte conflagrassse. sed
 restitutum post reservabatur injuriis temporum.

Templaque procubuere. Sacris sua Numina in hortis
Si nascantur adhuc, satis est. Vestigia retro,
Nile, simul refer. ut video, quod nascitur, ortus
In veteres totum redit, & cunabula prima.

*Mensio
item fit
Mundi
quatuor
Imperio-
rum.*

Moles e fastis Ævi profertur ad auras
Grandior, Hebræus famæ quam prodidit augur;
Moles Imperiorum ingens. Ardebat ab auro
Excelsum caput: Argento porrecta nitebant
Brachia, pectoreique tori: Candebat athena
Luce suum cum ventre femur: Tum robore ferti
Indomito suræ inferius, plantæque rigeabant.
Ætatum labor. at, figulus quod vendicet, addit
Extremus. Ferri cessit rigor, excidit æreo
Cum candore nitor argenteus, aureus ardor.
Nec sua corporibus solis irrepit, & ipsi
Inducit menti rugam vitiosa senectus.
Septem insitebant colles, mundique premebant
Colla Pedes, donec virtus, & laudis avitæ
Subjiceret stimulos amor. hæc vestigia palmæ
Lambabant, his hærebat Victoria plantis,
His mundi prædatrices in collibus altè
Ponebant Aquilæ nidos. Ut languit ardor,
Marcuit & famæ, senio detrita, cupido,
Romulus ut Roma cessit, discinctaque tandem,
Et sublapsa retro desedit in otia virtus,
Continuò figulum plantæ sensere, fuitque
Roma. Palatinis Aquilæ descendere jussæ
Montibus Hercynii saltus fugere sub umbras.
Et saltus hos (a) excutiet (prò, Romula surge
Antiquam referens virtus in Teutone Romam)
Odrysius latro? Roma jacet. testacea versant
Motibus his hæ secla vices, Et Roma jacebis
Altera. mox erit, infidæ cùm marmora Lunæ
Et tua diripient, Othomanne. silentia portis

(a) Hæc sc. scripta sub id tempus, quo Turca Germaniam, & Hungaria fines invaderet non ita pridem.

Incumbent, Letheque tuas sua præfluat arces?

Stet licet, at transit tellus. it mobilis æther;
Non transit. Terram ponat manus. aptior illi
Pes erit. atque ipsi, nisi mens mihi falsa, pigebit
Instabilem pedibus substernere. planta fugaci
Nixa, solo fallente, simul fugit. Ætheris orbem
Suspice. spem non ille, fidemve sefellerit orbis.
Cætera, (a) ceu per aquam pinus, ceu penna per auram,
Ceu per eandem actu rapido delata sagitta,
Diffugiunt. pulsu nervi stridentis arundo
Dividit auram, auram penna cita dividit ales;
Currit iter spumans, & dividit æquora pinus.
Aura coit, coit unda: nec hanc mansura, nec illam
Semita signat. abit ratis, ala, volatile telum.
At vatem incautum! quid ait? quo concitus æstu?
Vox generosa: sed imprudens. Ut regia terram
Deponat manus? ut pedibus substernat? at illa
Nos sumus. O longum teneat manus. Ætheris orbem
Suspice: serus adi. seros cum longa senectus,
Fata tibi quos annuerint, expleverit annos,
Tunc astrorum arces aureas adiisse licebit,
Tunc terram posuisse; sed ut manus altera munus
Excipiat, patriæ suppar, & Carolus alter.

Interea quàm larga sui, quàm pectore prono
Spontè sinum tibi pandit, opesque Æonia summo
Insistens apici æternas! Æonia, vitam
Nulla tuam nevit Lachesis, nec volvitur ætas
Turbinis arbitrio. Miserum me! cujus optimæ
Spes & opes filum est. Roseo quis candidus illum
Sol vehet axe diem, immunes cum forficis annos,
Et, Dea, te vivam? Interea Babylonis ad undas
Hic sedeo, sociasque oculi liquuntur in undas,
Latitiæ chelyn & longè suspendo, Sionis
Dum inemini, mea Vita, tuæ. Vos O, quibus æquum
Hinc abiisse dedit Numen, quos extulit ardens

Invitatur
Princeps
ad ea, quæ
perma-
nent.

Statua
Vitæ æter-
næ in su-
premo Py-
ramidis a-
pice,

(a) Similitudines sumptæ e Sap. 4.

Ad

Ad sedes illas, & lucis ad atria virtus,
 Qui nostis, quo pleni estis, demittite lucis
 E cœlo radium exilem, quo (nube subacta,
 Quæ modò caligat circùm) & mihi noscere detur,
 Quæ loquar. Hic totum in voces Heliconæ movere
 Mens erat; audebamque amplè de Numinis aura,
 Nec de Fonte minùs promittere: nescius omnem
 Nec laticem, Aoniæve animas, nec Phocidæ totam
 Possè vel hiscentem nobis in carmina Musam
 Sufficere. Inconcessa peto mortalibus. Ergo,
 Diva, verecundi vatis te lingua salutet,
 Et taceat. Quis enim lingua comprehenderit, aurem
 Quæ fugiant, lateant oculo, quò tendere sensu
 Mens nequeat? Te, vera penes te Gloria, veræ
 Utilitatis opes, terris incognita nostris,
 Cognita cœlitibus, non enarranda Voluptas:

(a) Auribus insonuit nostris creberrimæ vitæ
 Fama tuæ. Terræ ex utero, limoque recentes
 Egressi primam cœli vix hausimus auram,
 Cum redeundum eodè subitò monet hora, severæ
 Conclamant & vasa tubæ. Miseratus ab alto
 Sortem ærurnosam vitæ melioris ab arce
 Extulit æthereæ signum Deus: affore quondam
 Pollicitus, cùm depositi rea Terra sepulti
 Commissum pignus, Morsque adjurata rapinam
 Redderet. Exoritura dies, cùm læta resumet
 Exuvias Anima, & nunquam positura reponet
 Consortem cœlo terram. Non ampliùs illam
 Offendent tribuli, & spinæ: non ampliùs imbre
 Perfundent mœsto lachrymæ: non ampliùs atro
 Funestabit ab igne cinis, nec busta, nec urnæ.
 His adeo in spem promissis erecta, futuræ
 Munera prælibans vitæ, Natura madentes
 Tergebat vultus. Et jam sublapsa per orbes

(a) Inductionis sequentis scopus est, ut significet, quæ
 spectant ad Vitam futuram, inenarrabilia esse.

Millenos

Millenos quater & supra fluxere sub astris
 Secula, cùm desideriiis haud mollibus ista,
 Ægra trahens longo jamdudum gaudia voto;
 (a) Legatum e terris ad te, qui certa referret,
 Invisum te spesque suas, Æonia, misit.
 Ille globum Lunæ pernix, & sidera præter
 Transcensu rapido vehitur. Manus obvia pubis
 Aligeræ, Empyriique Lares, & tertius æther
 Excepit venientem. O divitis atria mundi!
 Quàm nihil est, punctoque minus, quo terra superbit!
 Jamque dies aderat, sedis cùm vertice lapsus
 Sidereæ terris se redderet Hospes, & ipsum
 Se repetens idem. Accurrit Natura, metuque
 Ora tenet suspensa. Quid, O pulcherrime rerum;
 Quid speramus? ab ore tuo mea gaudia pendent.
 Ille oculis relegens quæ liquerat, Audiit, inquit,
 Mortalis, (b) quæ mortali non ore licebit
 Verba loqui. pressæ hæserunt ad cætera voces:

Quàm sumus elingues, Dea! nec Facundia mutam
 Se negat ipsa. Silere jubes; & pareo. Pulchra
 Diceris, & felix, & nullius indiga, Fati
 Fortunæque omnis secura. sed, hei mihi, nubes;
 In medio nubes obtenditur. Olim erit, umbra
 Dimota, cùm te videam: cùm corporis hujus
 E cavea, ex antro tenebrose noctis ad illam
 Aspirem lucis patriam. Non totus obibo,
 Cùm moriar. repetet terram pars altera, cælum
 Pars melior. tuba cùm clanget suprema, resurgam
 Qui cecidi, & totus vivam; nunc sedibus exul,
 Diva, tuis, at spe civis, plenusque futuri.
 Respice. non longinquus abest. te Carolus ambit.
 Nascentem Astra suum scripsere: magistra probabit
 Viventem Virtus; morientem Æonia letho
 Eximat. At serò moriturum vivere nostra

(a) *D. Paulum.*

(b) *Arcana verba, quæ non licet homini loqui.*

Intererit.

Intererit. quantum intererit, si pignoris amplam
 Usuram nobis permiseris! ille, fatemur,
 Se tibi debet. & est, nobis quod debeat idem;
 Sublimem (a) medius visu metitur Olympum;
 Et terras. Humiles (esto) sunt, Carole, terræ.
 At, iustis æquam si votis annuis aurem,
 Nos tantisper ama, dicunt, & sidera differ.

Exegi paucis opus. At fortuna laborem
 Quæ manet? incertum. Sacram quæ postera (b) molem
 Fata manent? flabunt venti: cuni dente maligno
 (c) Falcem ad radices aget invidiosa vetustas.
 Stabit: & in seros Votum missura nepotes.

Hæc ego. Permessum Thamisinio litore mutans
 Hæc mea succinuit jam depontana Camœna.
 Hic illam, Princeps, qualis sit cunque, repono:
 Emeritamque tuis suffigo postibus artem.
 VIVAT. fatidicus cecinit præfagia Vates.
 (d) Siquid habent certi Vatum præfagia, VIVET.

(a) Ejus quippe Statua cum duabus Reginis proximè
 infra Statuam Vitæ æternæ. (b) Pyramidem sc.

(c) Falx est etiam instrumentum bellicum, quo suffos-
 sores utuntur ad muros subruendos. Veget.

(d) Carmen ab Ovidio magna est parte mutuatum. &
 præfagium continent literæ numerales, sumptum, si ad-
 vertis, ab anno, quo Princeps nascebatur, videlicet
 M. D C. V V V V V I I I I I.

FINIS.

Erat solenne veteribus ad Monumentorum dedicationes ludos aliquos
 institueri, quorum exemplo constituebam etiam ipse facere ludos. In his
 committere proposueram Vitam & Mortem munere saltatorio: & hanc
 quidem formâ Pueri, ut supra e Pausania, ad Pyramidem arma depo-
 situram. Labor fuisset aliquis in apparatu instruendo, ingenii utrius-
 que exprimendis, fingendisque tripudii motibus diversis, &c. At non
 istuc me deterrebat. Videbatur dramati, seu scenæ res ea magis, quàm
 huic loco convenire. Præterea in toto opere a fictionibus istiusmodi, quæ
 multi certè negotii non erant, consultò me prohibui. Ut separatim id po-
 stea fiat, persuaderi mihi facile poterit.

Aliqua alia, quæ supererant emendanda.

- P. 10. l. 7. *Communem* Lege *Commune ad gre-*
ad gremium *mium*
- P. 39. l. 30. *fors* 1. *fortè*
- P. 57. l. 12. *Mille colo-* 1. *Mille nitorum obe-*
rum obiere doli, *unt auræ, ne com-*
mitti videatur tau-
tologia aliqua præ-
cedentium.
- P. 70. l. 27. *fors* 1. *fortè*
- P. 119. l. 11. & *crudeli-* 1. *teloque accersimus i-*
bus addimus ipsi In- *ram, Ingeniique a-*
genium fatis. *ciem. ob rationem*
mihi notam.
- P. 129. l. 14. *validasque* 1. & *validas*
- P. 131. l. 15. *ad verbum acclinat* Nota Ovidium
etiam usum esse in eodem sensu. Vitis acclinat
se ad terram.

Noveris insuper casu malo deesse, quæ pag. 159. post vers. 33. inferenda erant, carmina certè non pauca, quibus amplè repræsentaretur in cæli theatro *Regius Anglorum chorus cælesti regno donatus*, cum insignibus meritorum cuique propriis, &c. invitans inde ad societatem *Vite sue æternæ* Principem nostrum. Deinde immutationem aliquam carminum proximè sequentium ad rem aptius accommodandam proposito. Hæc, inquam, desunt cum Poëmatibus aliquo incommodo. Tum Exegi paucis &c.

Erratum fortè si quid fuerit, quòd
opus hujusmodi ego susceperim:
Erratum porrò istuc
sic corrigendum.

*Alme Sol! Ad me redii. tuaque
Lucis ut latus radium reviso!
Nam tua multus malè somniavi,
Phœbe, sub umbra,
Laurei, fontem prope Pegaseium,
Nuper ingressus nemoris latebram,
Dormii. Ad ripas fluit Hippocrenes
Et sua Lethe.*

*Sum meus tandem. pudet haud fuisse.
Incutit tergo Metanœa virgam.
Tu tamen scire, severe Lector,
Desine velle.*

*Somnii vibex sine bile nulla
Expiet noxam? * Gyaros facessant
Otii cani resides opella:*

* Seu in
exilium:

* Seu ad
helleborum?

* *Anticyramve?*

*Hac opus non est. cerebrum redemi.
Si tuus pergit furere ostracismus,
Exules gerras propius releet
Ad Piper, & Thus.*

*Qua vigil peccat, nota nigra damnet.
Calpa sepiti levior. Sopor
Multa connivent. suaque ipsa lustrat
Crimina laurus.*

Fortè

*Fortè nec saltem medias tabellas
Abnuet Censor. Tenuare culpam
Attamen nolo, Pharetram tenentis
Sister ad aras.*

*Et Lyram tractat Patareus, & Arcum.
Numinis mulcet Lyra : terret Arcus.
Audiat Diana. TENENTIS ARCUM
Sistor ad aras.*

*Tango Cyrrhæ Nemesis sagittam.
Somniet posthinc NEOPORTUS unquam :
Non Dei tantum, licet omnis aurem
Vellicet unguis.*

*Plexerint unguis modò ? Poscit Arcum
Hoc sacramentum. Niobes alumnus
Sim licet, Python licet ipse, sacra
Præda pharetræ.*

*Deprecer Pythona tamen. Sat esto,
Sim meæ partus Niobes, Camœna
Partus : & muta Sipylus Camœnæ
Obstruat ora.*

*Remisit æstus. Frigidam affundis tamen ?
At unde sumptam ? Videris.*

* Te nimis, Vates, cave crimineris.
 Affidet Lictor. Pede metiatur
 Se suo Carmen. pede, quo cucurrit,
 Stetve, cadatve.

* *Ita non raro fit, ut ex Auctoris demissione criminosa de opere ipso præjudicet crudus aliquis Lictor, & fasces intentet; ignarus, inter Poetae modestiam, & Poema ipsum quid intersit. De judiciis Eruditorum fatetur se non admodum sollicitum esse. Norunt, ut in arte perquam difficili, veniam & petere ipsi, & dare vicissim.*

Quod quisque sibi debet, remittet facile idem ipse creditor. Hoc idcirco dictum, quòd sunt, qui opinantur e pristinis Auctoris lucubrationibus translata quædam esse in hoc opusculum. At pro certo habeant debere illum Musis pristinis omnino nihil; nec unum, ne medium quidem carmen, ex omnibus, quæ unquam antè composuerat, irrepsisse in has chartas. Sed & hoc non attinebat attexuisse.

